

ԼՈՒՍԱԲԵՐ

ԵՐՐՈՐԴ ՏԱՐԻ

ԿԱԶՄԵՑԻՆ

ԱՅ. ԼԻՍԻՑԵԱՆ, ՅՈՎՀ. ԹՈՒՄԱՆԵԱՆ և Լ. ՇԱԽ




Մեր ինքնուրոյն եւ փոխադրած յօդածների, ինչպէս եւ մեր նկարների
արտատպովթեան իրաւունքը վերապահնած է


ԹԻՖԼԻՍ

ԷԼԵՔՏՐԱԿԱՐԴ ՏՊԱՐԱՆ ՕՐ. Ա. ԱՐԱՆԵԱՆԻ. ՊՈԽ. 7

1909

Երևան
ՀՀ





ԼՈՒՍԱԲԵՐ

ԵՐՐՈՐԴ ՏԱՐԻ



1. Ամենից լաւ տունը

Այստեղ, ուր հով խաղում է ազատ
ու ջուրն աղմըկում, անվերջ փրբվըռում,
այստեղ իր բարի, իր սիրող մօր հետ
մի շատ անհանգիստ տղայ էր ապրում
մի գորշ խըրճիթում,
մի հին խըրճիթում,
գետի եղերքին,
ծառերի տակին:

Մի օր էլ եկաւ անհանգիստ տղան
կանգնեց իր բարի, իր սիրող մօր դէմ.
«Մայրիկ, այստեղից պէտք է հեռանամ.
միակ ձանձրալի տեղը, որ գիտեմ,
էս գորշ խըրճիթն է,
էս հին խըրճիթն է,
գետի եղերքին,
ծառերի տակին:

Թհղ գընամ, շրջեմ աշխարհից աշխարհ,
 ճամփորդեմ լաւ-լաւ տըներ տեսնելու,
 ամենից լաւը ընտրեմ մեզ համար,
 զամ քեզ էլ առնեմ ու փախչենք հեռու
 Էս գորշ խըրճիթից,
 Էս հին խըրճիթից,
 գետի եղերքին,
 ծառերի տակին»:

Ու գընաց երկար թափառեց տըզան,
 մեծ ու հոյակապ շատ տըներ տեսաւ,
 բայց միշտ, ամեն տեղ պակաս էր մի բան...
 ու հառաչելով ետ վերադարձաւ
 Էն գորշ խըրճիթը,
 Էն հին խըրճիթը,
 գետի եղերքին,
 ծառերի տակին»:

«Գըտանը, զաւակը», հարցըրեց մայրը՝
 ուրախ նայելով իր տըզի վըրա:
 «Ման եկայ, մայրիկ, աշխարհից՝ աշխարհ,
 ամենից սիրուն, լաւ տունը, որ կայ,
 Էս գորշ խըրճիթն է,
 Էս հին խըրճիթն է,
 գետի եղերքին,
 ծառերի տակին»:

- 1) Գորշ ու հին խըրճիթը ինչո՞ւ էր ամենից լաւը Էն տղի համար*
- 2) Մեծ ու հոյակապ տներում ինչ բան էր պակաս Էն տղի համար*



2. Առաջին դասը

ա.

Դպրոցի դռանը այնքան բազմութիւն էր հաւաքւել, որ ծառան հաղիւ էր կարողանում մուտքը պահպանել:

Տիկիններ, բանտորներ, պառաւներ, աղախիններ՝ ամենքն էլ մի-մի տղայ ու խնդրագիր բռնած՝ աղմուկով ու շղուկով լցրել էին նախասենեակն ու սանդուղքը։ Շատերը տխուր շրջապատել էին տեսչին, որովհետև իրենց որդիների համար ազատ տեղ չէր մնացել։ Իսկ տեսչի մօրուքը անցեալ տարւանից աւելի սպիտակած թւաց ինձ։

Ի՞նչ զըժվըժոց ու իրարանցում էր դասարաններում ու միջանցքներում։ Էին ընկերները հանդիպում էին իրար, խօսում, ծիծաղում, պատմում։ Աշակերտներից ոմանք մեծացել էին, միւսները գիրացել։

Մեր դասարանը քառասուն հոգի է այս տարի, որոնցից հաղիւ կէսը իմ անցած տարւայ ընկերներիցն են։

Բ.

Առաջին դասին եկաւ մեր նոր վարժապետը։ Բարձրահասակ, անմօրուս մի մարդ է երկար ու սև մաղերով։ ճակատի մէջ տեղը մի խոր ուղղահայեաց կընծիռ ունի։

Երբ մենք զրքերն ու տետրակիներն էինք հանում ու պատրաստում էինք զրիչները, նա լուռ կանգնել էր մի ձեռքով յենած արիօնին, լուրջ ու մոայլ զիտում էր պատուհանից դուրս դիմացի տան կտուրը։

Յետոյ սկսեց թելազրելը ու միևնոյն ժամանակ ման էր գալիս նստարանների մէջ։ Նկատելով որ աշակերտներից մէկի զէմքը սաստիկ դժգոյն է, մօտեցաւ, թելազրութիւնը ընդհատեց, բռնեց տղայի կզակը, հարցըրեց՝ ինչով է հիւանդ ու ձեռքը դրան նրա ճակատին իմանալու՝ արդեօք ջերմ չունի։

Այդ միջոցին մի ուրիշ աշակերտ ուսուցչի թիկունքին ըսկաեց խեղկատակութիւններ անել: Վարժապետը յանկարծ շուռեկաւ, տղան խսկոյն նստեց տեսութիւնը ու գլուխը կախ սպասում էր, թէ հիմա ինչ է լինելու:

Վարժապետը ձեռքը դրավնրա զլխին ու ասաց հանգիստ.

—Միւս անգամ այդ տեսակ բան չանես:

Ուրիշ ոչինչ. և շարունակեց թելադրելը:

Գ.

Երբ մեր աշխատանքը վերջացրել էինք, գնաց բարձրացաւ իր գրասեղանի առջեր, լուռ նայեց մեզ ամենքիս և հանդարտ, հնչուն, բայց սիրալիր ձայնով արտասանեց.

—Լսեցէք, տղերք: Ամբողջ մի տարի մենք միասին աշխատելու ենք, ջանանք, որ լաւ անցնեն մեր օրերը: Զեր դասերը լաւ սովորեցէք և խելօք կացէք: Ես ընտանիք չունեմ: Ունէի մի մայր, այս տարի մեռաւ: Ես մենակ եմ. ձեզնից զատ ոչոք չունեմ աշխարհիս երեսին: Դուք էք իմ զաւակները: Ես սիրում եմ ձեզ, դուք էլ սիրեցէք ինձ: Ցոյց տւէք, որ լաւ ու բարի տղերք էք: Բառերով խոստում չեմ ուզում ձեզնից, ես վստահ եմ, որ արդէն «այս» ասացիք ձեր սրտերում... և շնորհակալ եմ:

Հնչեց զանգը. անձայն հաւաքեցինք տետրակները ու լուռ դուրս էինք գալիս իրար ետևից, երբ չարութիւն անող աշակերտը մօտեցաւ վարժապետին ու դողդոջուն ձայնով ասաց.

—Ներեցէք ինձ, պարո՞ն:

Վարժապետը բռնեց նրա գլուխը, համբուրեց ճակատը ու ասաւ:

—Գնահ, տղաս:

1) Ո՞րը եղաւ նոր վարժապետի տւած առաջին դասը:

2) Վարժապետը ինչո՞ւ այդպէս լուրջ էր ու մոայլ:

3) Զեր դպրոցի առաջի օրը ինչպէս էր:

3. Վեր կաց

Վեր կաց, մանուկ, խորունկ քնից
արևն արդէն ծագել է.

Վեր կաց փափուկ քո անկողնից,
հաւը վաղուց խօսել է:

Դէ, շուտ վեր կաց, էլ մի քընի
ծոյլ ու անհոգ՝ անկողնում.

առ զըրքերըդ, դպրոց դիմի,
որ բախտ գտնես դու կեանքում:

4. Փոքրիկ ձիավար

ա.

Դեռ երեխայութիւնից ձի նստելու սաստիկ սէր ունէի:
Հեծնում էի մի փայտի վրա ու ամբողջ ժամերով վազվզում
էի մեր բակում:

Եետոյ երբ փոքր ինչ մեծացայ՝ փայտէ նժոյզին փոխա-
րինեցին կենդանի արարածներ: Մեր հորթերը հանգիստ շու-
նէին ձեռքիցս: Մինչև անգամ մեր գայլի նման ահազին շունը
երբեմն ստիպւած էր ծառայելու իմ զւարճութիւններին:

Բոնում էի նրա երկայն ականջներից ու թոշում մէջքին.
բարի շունը ներում էր իմ յիմարութիւնները ու գնում էր
դէպի այն կողմը, ուր ես շուռ էի տալիս:

բ.

Երբ տասը տարեկան դարձայ, ամեն երեկոյ անհամբեր
սպասում էի նախրի արօտից դառնալուն: Հէնց որ հեռուից
նկատում էի մեծ ճամփի վրա փոշու ամպի բարձրանալը, վա-
զում էի տաւարի առաջը, բոնում էի աւանակներից մէկին
ու ցատկում մէջքին: Ա՛, ինչ ուրախութիւն էր, երբ նա վա-
զում էր հեռու հեռու դաշտերի մէջ...

Իսկ յետոյ աւանակներին փոխարինեցին մատակ ձիերը:
Առանց սարսափելու չէր կարելի նայել ինձ վրա, երբ ես դմի


Նման բոնած վայրենի մատակի բաշից, մըրիկի պէս պտը-
տեցընում էի մերկ ու առանց սանձի ձիուն։ Հովիւները բար-
կանում էին, զգուշացընում, բայց նվ էր ականջ դնողը։

Քանի քանի անգամ վեր եմ ընկել քանի անգամ կոտ-
րել եմ ձեռս, ոտս, քանի անգամ տուն են տարել ինձ երեսս
ջարդւած ու արիւնլրւայ…

Մայրս լաց էր լինում, ասում էր՝ Ես «սատանայի ծնունդ
եմ», գնում գանգատւում էր վարժապետիս։

Ոչինչ չէր օգնում։

- 1) Աելի հասուն տարիքում ինչ պարապմունք կը սիրի այդ տղան։
- 2) Դու ինչ քանի սէր ունես. Եւ որ մեծանաս ինչ ես ուզրամ դառնաս։



5. Այգեկութ

Աշունը սարից որ այգի հասաւ
այգու ծառերը բեռնւած տեսաւ,
գէմքը խոժուեց ու չեկաւ դուրը.
«Ետ պտուղները ցած առէք, ասաւ,
էտ դեղձն ու ինձոր, խաղողն ու նուռ,
ու վատ չի լինի, թէ փակէք դուռ»։

Աշնան պատւէրը հենց որ լսեցին
մարդիկ շտապով այդի վազեցին,
ինչ քէֆ, ինչ խնդում, շատ ուրախացան.
քաղաք ու կժոց իսկոյն ուսեցին
կրեցին մառան, կրեցին հնձան.
ծառն ու որթերը ձեռաց մերկացան:

- 1) Աշունը ինչ է սիրում:
2) Իսկ մենք աշնանը ինչ ենք սիրում:

6. Պապ

ա.

Ամառը ինչպէս էր անց կացել, ես ինքս էլ չգիտեմ:

Օգոստոսի վերջերն էր արդէն և ես պատրաստում էի
գնամ քաղաք. մի-երկու օրից դասերը սկսելու էին:

Երեկոյ էր, ձին կանգնած էր մեր դռանը ու եղբայրս
կապում էր խուրջինները: Մայրս, քոյրերս, տանեցիք, բոլորս
թափւել էինք դուրս ձիու ու խուրջինների շուրջը:

Միակ ծերունի պապս էր, որ կանգնել էր առանձին տան
դռան մէջ, երկար չիրուխը բերնին ու իր սիպտակ մօրուքի
ու սև վափախի միջից տխուր ու մտածկու նայում էր ինձ:

Զգիտեմ ինչու սիրոս յանկարծ ցաւեց ու մօտեցայ իրեն.
—Ի՞նչ ես մտածում, պապի:

—Ներս արի, բալաս, —ասաւ նա ու տուն մտաւ:

Մտայ ես էլ իր ետկից:

բ.

Դուռը կամաց վրա արաւ, մօտեցաւ ինձ, չիբուխը մի ան-
գամ էլ պինդ քաշեց, պահեց ատամներովը ու ծոցից հանեց
ահագին կապոյտ թաշկինակը: Դողդոջուն ձեռքերով ետ քան-
դեց թաշկինակի ծայրի կապը ու մէջը եղած մի-երկու ար-

ծաթ փողը դրաւ ձեռքս՝

— Առ էս, ճամփին պէտք կը գայ:

Յետոյ մի անգամ էլ քաշեց չիբուխը ու աւելացըրեց.

— Նորից գնում ես, բալա ջան, Աստւած քեզ հետ: Գնում ես, մէկ էլ կը գաս գարունքին. գարունքը կը գայ, դու էլ կը գաս, իսկ ինձ, ով գիտի, էլ կը տեսնես, թէ չես տեսնի. իմ օրերս համրըւած են, քո կեանքը դեռ նոր է սկսում: Երկար ապրես, որդի, երկար ու երջանիկ: Եթէ ուզում ես երջանիկ ապրես՝ երկու բան լաւ միտք պահի. միշտ լաւութիւն արա ուրիշին՝ ով էլ որ լինի, որ հոգիդ ուրախ մնայ. մէկ էլ միշտ աշխատանք ունեցի ձեռքիդ, որ ուրիշի ձեռքին մտիկ չը տաս: Զը մոռաննաս...

Յետոյ հրամայեց, որ չոքեմ:

Կատարեցի իր կամքը, չոքեցի. հազիւ էի ինձ գսպում, լացը խեղդում էր կոկորդըս: Նա ձեռքը դրաւ զլիսիս ու տւաւ իր օրհնութիւնը...


Կարծես երէկ լինէր, այսպէս պարզ յիշում եմ դեռ իր ազնիւ ու վեհ դէմքը, իր գողգոջուն ձեռքերը, իր բարի ու խոր ձայնը...

Երբ նորից ոտի ելայ ու դուրս եկանք միասին, արդէն ձին պատրաստ էր. զրկւեցի բոլորի հետ, ես ու մեծ եղբայրս հեծանք ձիերը, բաժանւեցինք ու մտանք ձորը:

Էս էր. պապիս ես այլևս չը տեսայ: Աշնանը մեռել էր. ես շատ ուշ իմացայ, ինձնից ծածկել էին:

1) Տուն որ մտան, տղան քանի՞ զան ստացաւ իր պապից: Ո՞րն է ստացածներից ամենաթանկագինը:

2) Պապի ասելով՝ ով է երջանիկը աշխարհիս երեսին. եւ ինչն:



7. Հական

ա.

Լաւ չեմ յիշում թէ որ դարում,
հին ժամանակ, մեր աշխարհում
ասում են թէ՝ կար մի իշխան.
մի մեծ իշխան, էնքան ուժեղ,
որ թէ մարդիկ նըրա աշքում,
թէ հասարակ ճանձ ու մըժեղ:
ինչ որ անէր ու կամենար,
օրէնք էր էն երկրի համար.
նվ էր գըլխից ձեռ վեր կալած,
նվ դուրս կը գար նըրա դիմաց:

Ունէր անթիւ ու անքանակ
ոշխարի հօտ, մարդի բանակ,
կովի նախիր, խոզի բոլուկ,
երամակներ ձիու, ջորու,
էս բոլորը ցըրւած, փըռւած
մինչև ծովի ափը հեռու:
Մինչև ուր որ քըշէր, տանէր,
իր աշխարհքի սահմանն էն էր.
նվ էր գըլխից ձեռ վեր կալած,
նվ դուրս կը գար նըրա դիմաց:

Բ.

Մի անգամ էլ էս իշխանը
երբ նըստած էր իրեն տանը,
լեղապատառ ներս ընկաւ տուն
իր հօտերի վերակացուն.
—Ապրած կենաս, մեր տէր, իշխան,
հապա, էսպէս հըրաշք մի բան:
Արածում էր ծովի ափին

բազմութիւնը քո հօտերի,
մին էլ տեսնենք՝ ծովի միջին
մի վիթխարի մարդ է գալիք:
Մի վիթխարի մարդ եմ ասում,
որ մենք իր մօտ լու ենք չընչին.
ծովը մինչև ծունկն է հասնում,
իսկ գըլուխը ամպի միջին:
Եկաւ, կանգնեց մեր յանդիման
ու որոտաց ամպի նըման.
«Ո՞վ է, ասաւ, էսպէս բերում
թողնում ապրանքն իմ հանդերում.
կորէք իսկոյն, աւազակներ,
ձեռը քանի չի հասել դեռ...»
Էն ժամանակ վեր կացայ ես
ու պատասխան տըւի էսպէս.
«Էտ սևակնած, մութ ամպերում
զուր ես էտքան բարձրը զոռում,
ով էլ լինես, ուսկից էլ զաս,
էս մի բանը լաւ իմանաս,
դու, երկնահաս, ահեղ հըսկայ,
մեծ իշխանի ապրանքն է սա.
նվ է գըլխից ձեռ վեր կալած
նվ դուրս կը գայ նըրա դիմաց»:
Բայց ինձ իսկի չը լսեց էլ
Էն անճոռնի աժդահակը,
Էն ամպերից ցած կըռացաւ,
ձեռը կոխեց ծովի տակը,
դուրս հանեց մի ձուկն ահապին
ու դէմ արաւ արեգակին,
որ խորովի...» Հաղիւ էսքան
պատմեց հովիւն իշխանական
ու վեր ընկաւ շունչը փչեց:


գ.

Խիստ զայրացաւ իշխանը մեծ—
—Ո՞վ է, ասաւ, համարձակւել
իմ տէրութեան սահմանն եկել
ու էտպէս էլ վըրէս հաչում...
ինձնից ուժեղ չեմ ճանաչում
ես ոչ մի տեղ և ոչ մէկին...
էտպէս ասաւ ու զայրագին
հըրամայեց զօրքերը գան:
Հըրամայեց զօրքերն եկան.
—Կեցցէ մեր տէր, մեր թագաւոր,
անյաղթ, անմահ, ամենազօր...
—Ապրէք, ասաւ իշխանը սէզ,
ելէք իսկոյն ու գընացէք,
մանուկ ու ծեր
իմ առիւծներ,
հվ է, տեսէք, վըրէս հաչում
ու իմ ուժը չի ճանաչում:
Ցոյց տըւէք դուք, որ ոչ մի տեղ
չը կայ ոչ ոք ինձնից ուժեղ...»
Ասաւ, զօրքերն իրենց կարգին
փող վըշեցին, թըմբուկ զարկին,
շըրըխկոցով, զըրընգոցով
ճամփայ ընկան դէպի մեծ ծով:

գ.

Հասան, տեսան—այ քեզ հըսկայ,
զըլուխն էստեղ, ոտներ չը կայ.
զընա, զընա, թէ որ զըտնես...

Երկար ու մին ձըգւած էսպէս,
 հըսկայական քընով քընած:
 Էստել, Էնտեղ գիրքեր բըռնած,
 դէս չոքեցին, դէն պառկեցին,
 հա զարկեցին ու զարկեցին.
 տեսան տեղից ժաժ չի գալի,
 խըռմփում է զարհուրելի,
 խըռմփոցից, ինչ որ խօսում,
 մարդիկ իրար ձէն չեն լըսում:
 Մօտ գընացին, էլի, էլի...
 Դարձեալ տեղից ժաժ չի գալի:



Կամաց կամաց սիրտ առնելով,
 գորգոռալով, հարայ տալով,
 գուրս թափւեցին թաքուսաներից,
 ելան վրբէն, դէսից, դէնից,
 որը ոտին,
 որը քըթին,
 որը լանջին,

որն ականջին,
փողի վըրա, միրքի միջում,
ձի են խաղում, նիզակ ճօճում,
զարկում, զարկում,
ձրգում, թլքում,
հայհոյում են էսպէս, էնպէս...

Ե.

Մին էլ հըսկան էն սարի պէս
վըրա նըստեց մեծ, ահարկու.
ինչ պատահեց—ոչ տեսնես դու:
Հազարներով մարդն ու իր ձին
տակովս եղան, կոտորւեցին.
որն էլ գըլխից, քըթից, լանջից,
կամ ուսերից, կամ ականջից
ներքեւ ընկաւ, թէ մարդ, թէ ձի,
նըրա օրն էլ դու իմացի:

Շատ զարմացաւ հըրէշ հըսկան,
թէ, տէր Աստւած, արդեօք էսքան
մանր~մունըր ինչ բաներ են,
որ եկել են թափւել վըրէն:
Տեսաւ, ինչ որ կենդանի կան
վազ են տալի թէ ետ գնան,
բուռն արաւ իր բըռնովը մեծ,
իրար խառնեց ողջ հաւաքեց,
զրպանն ածաւ
ու վեր կացաւ,
լընգլընգալէն, իրիկունը,
գընաց հասաւ իրենց տունը:
Տանը իր պէս մեծ, ահապին
մի մէր ունէր, բարի մի կին:

Գընաց իրեն մօրը պատմեց
 թէ իրեն հետ ինչ պատահեց,
 ու գըրպանից հանեց բոլոր՝
 ահից խելառ ձին-ձիաւոր:
 Բարի կինը հէնց որ տեսաւ,
 —Աման, որդի, վայ ինձ, ասաւ,
 ինչ ես անում էտ խեղճերին,



բա չես տեսնու: թէ քո ձեռին
 ոնց են զողում: Ասենք մեծ ես,
 միթէ պիտի փոքրին տանջես:
 Մեծ թէ փոքրը, ինչ էլ լինի,
 ամեն ապրող շունչ կենդանի,
 որ ծընւել է արևի տակ,
 էս աշխարհում միատեսակ,
 մինը պակաս, միւսը աւել,
 ողջ էլ գիտեն խընդալ, ցաւել:
 Զըպարծենայ երբէք ոչ ոք
 թէ ինքն անյաղթ մի բան է
 ջոկ.

միշտ ուժեղից ուժեղը կայ,
 իսկ ամենից ուժեղը՝ մահ...
 Բաց թող, որդիս,
 բաց թող գընան,
 ապրեն ազատ
 ուր կամենան:

Ու, հընազանդ մօր խըրատին,
 իսկոյն հանեց հըսկայ որդին
 իր գըրպանից ձին-ձիաւոր,
 իրար խառնած զօրքը բոլոր,
 թողեց զընան
 ուր կամենան:

8. Սահակ-Մահակը

ա.

Վարագի վանքում ուսուցիչ էի։ Մի երեկոյ սենեակում նատած աշակերտների տետրակիներն էի ուղղում, որ ետևիցս մի ձայն լսեցի։ Ետ դարձայ, տեսնեմ՝ դռան առջև կանգնած է վանքի հացթուխի օգնականը. քսաներկու, քսաներեք տարեկան մի բարձրահասակ երիտասարդ, բարակ ու նիհար։ Կարծեցի՝ եկել է ինձ վանական ընթրիքին հրաւիրելու։

—Հը, Սահակ, ի՞նչ է, —հարցրի ես։

—Վարժապետ...սկսեց նա կմկմալով ու լոեց։

Ես մօտեցայ։

—Վարժապետ, —շարունակեց նա աղերսագին, —ի՞նչ կը լինի, ինձ էլ կարդալ սովորեցնես։ Ես էլ գիրք կարդամ, լրափիր կարդամ։ Ախ, ի՞նչքան լաւ-լաւ բաներ կայ գրած գրքերում։ Ինձ որ կարդալ սովորեցնես, վանքի բոլոր գրքերը կը կարդամ...»

Ես նայեցի նրա յուզւած ու գունատ գէմքին. Խիտ յօնքերի տակից խոշոր աչքերը տենդօրէն փայլում էին։

—Լաւ, վաղւանից սկսենք, —պատասխանեցի ես։

Առաջ քան ուշի եկայ, Սահակը կռացաւ և աջս համբուրեց։

Բ.

Մեր պարապմունքները շատ աջող էին գնում։ Սահակը ամբողջ սրտով էր կպել գործին։ Աշակերտները շուտով իմացան, որ «Սահակ-Մահակը» կարդալ է սովորում։ Նրան այդպէս էին անւանում երկար ու բարակ հասակը ու մեծ գլուխը ակնարկելով։ Վազում էին ետևից ու ծաղրում։


—Տիրացու Սահակ, տիրացու Մահակ։

—Չէ, չէ, Մահակ վարդապետ։ Հայր սուրբ, հայր սուրբ։

—Չերդ սրբազնութիւն, Մահակ սրբազն։

Ստիպւած էի սաստելու այդ չարերին։ Սակայն Սահակը

Արքուն
Հայոց



ծաղրանքների վրա ոչ մի ուշք չէր դարձնում և շտապում էր շուտով վերջացնի այբուբէնը:

—Ախ, Յըրը պիտի մեծ-մեծ գրքեր կարդամ, «Խենթ», «Կայծեր»—կրկնում էր նա ամեն անգամ անձկութեամբ:

Այդ ժամանակ ամենքը Ռաֆֆիի վէպերով էին յափըշտակւած:

—Սպասի, սպասի, շուտով այդ գրքերն էլ կը կարդանք,—քաջալերում էի նրան. և նա ամեն դասից յետոյ աւելի վստահ էր հեռանում սենեակիցու:

Իմ սենեակը նրա խցի զլիսին էր, իմ պատուհանն էլ նրա պատուհանի պէս բացւում էր գէպի վանքի դրափը բակը: Եւ ահա մինչև ուշ գիշեր այդ պատուհանից ես լուսում էի Մահակի անդադրում, ոգևորւած ձայնը.

—Գը-այ-լը՝ գայլ, սը-այ-լը՝ սայլ, փը-այ-լը՝ փայլ...
Գ.

Մէկ ամսից յետոյ նա արդէն բոլոր տառերը լաւ ճանաչում էր և կարդում էր ինձ հետ փոքրիկ պատմւածքներ: Բայց օրէօր աճում էր նրա անհամբերութիւնը: Մի կիրակի ամբողջ օրը վանքից բացակայ էր, եկաւ միայն երեկոյեան դէմ ուղղակի մտաւ սենեակս: Մի փաթեթ ունէր կոնատակ!

Յաղթական քայլւածքով ու փայլող դէմքով մօտեցաւ դանիս և բաց արաւ գունաւոր թաշկինակը:

Մէջը Ռաֆֆիի «Կայծերի» մի նոր օրինակն էր, ինայած փողով գնել էր Վանում:

—Կարժապետ, ահա գիրքը. հիմի սրանից կարդա՞

—Լաւ, —ասի ես, —այս մի շաբաթն էլ դասագրքի

յետոյ կը սկսես քո «Կայծերը»:

—Շնորհակալ եմ, վարժապետ, Աստւած երկար քեզ, —անկեղծօրէն դուրս թուաւ նրա սրտից:

Գ.

Բայց այդ օրին շարժանացանք:

Մի տօն օր էր, քաղաք էի իջել. երբ երեկ

ձայ վանքը՝ ինձ յայտնեցին, որ Սահակը մերձիմահ հիւանդ է:

Շտապեցի հիւանդի սենեակը: Մեռելինման գունատ, ձրգւել էր մէջքի վրա, խոշոր աչքերը յառած առաստաղին: Երբ նրան անունս տւին՝ նա առանց աչքերը առաստաղից հեռացնելու, կարծես զառանցանքի մէջ, կարօտալի արտասանեց.

—Վարժապետ, դաս տուր...

Մօտեցայ, մի քանի միխթարական խօսքեր ասի, թէ շուտով նորից կը սկսենք մեր պարապմունքները, և այս անգամ ուղղակի «Կայծերից»:

Նա անշարժ ականջ էր դնում իմ խօսքերին, աչքերը շարունակ առաստաղին. երբ ես լոեցի, խուլ ձայնով կը կնեց.

—Վարժապետ դաս տուր...

Նստեցի մօտը մի տասը րոպէ: Թէ ես, թէ հիւանդապահ ծառան պահպանում էինք խորին լուռթիւն: Սահակի գունատ դէմքը կամաց իմ կողմը դարձաւ, ոև աչքերը մեխւեցին դէմքիս ու բամբակի պէս սպիտակ շրթունքները շշնջացին.

—Վարժապետ, դաս տուր..

Ե.

Նա շատ ուշ ու դժւար առողջացաւ:

Մի օր ինձ սենեակից դուրս կանչեցին: Դուրս եկայ, տեսնեմ Սահակն էր. եկել էր մնաս բարով ասելու, գնում էր իր հայրենիքը կազզուրւելու ծնողների մօտ:

Դեռ ես գունատ էր շատ, բայց ամբողջ դէմքը ժպտում էր:

—Մնաս բարով, վարժապետ, երբէք քո լաւութիւնը չեմ մոռանայ.—բացականչեց նա ձեռքս սեղմելով:—Քո մեծ լաւութիւնը. չէ՞ որ ես հիմա կարդալ գիտեմ:

Երբ հեռանում էր, նկատեցի որ մէջքին մի երկար շալի մէջ մի բան ունէր կապած. իր գիրքն էր, որ տանում էր հետը սարերումը կարդալու:

Միակ հարստութիւնը, որ տանում էր հետը:

1) Աշակերտները ինչո՞ւ էին ծաղրում Սահակին, երբ իմացան որ կարդալ է սովորում:

2) Սահակի պատմութեան մէջ ամենից ամելի մեր ինչն է դուր զալի:



9. Կարդա

Կարդա, այ իմ խելօք մանուկ,
կարդա, գըրի տարին-բոլոր.
կարդացողի խելքն է կըտրուկ,
միտքը պայծառ ու լուսաւոր:

Գիր կարդալով՝ դու գրքերում
շատ նորանոր բան կիմանաս.
շատ շատերից, շատ բաներում
մըտքով հեռու կը սըլանաս:

Գիր կարդալով՝ դու աշխարհիս
կը ճանաչես չարն ու բարին
նվ է խընդում, նվ է լալիս,
նվ է զըրկում խեղճ թըշւառին:

Դու կիմանա՞ ինչու մարդիկ
պէտք է ապրեն իրար համար.

Բնչն է մարդկանց ցաւն ու կարիք,
Բնչ է լոյսը, Բնչը խաւար:

Կարդա, որդիս, որ հօրըդ պէս,
դու էլ անուս, խեղճ չը մընաս,
որ ամենքին վիզ չը ծըռես
ու միշտ ազատ առաջ գընաս:

Ինչու տգիտովթեանը խաւար ենք ասում, իսկ գիտովթեանը՝ լոյս:

10. Չալօի Էշը

ա.

Չալօն մի էշ ունէր միայն, մի հատիկքած էշ: Ուրիշները գանազան չորքոտանիներ էին աշխատեցընում իրենց տուն ու տեղի համար, իսկ նա ամեն տեղ էլ ուզէր-չուզէր իր էշովն էր գործի գնում: Այսքան դէս ու դէն էին քշել, որ ուժից գցել էին խեղճ անասունին: Ինքը Չալօն օրական երկու ճամփայ աղբիւրիցը ջուր էր կրում այդ էշով, ջաղացը աղուն տանում, անտառը փայտի գնում: Սար ու դաշտի երկար ու ձիգ ճանապարհը հօ ոտից գցել էր նրան:


«Աղքատի լեզուն կարճ է լինում»: Ունեոր հարևաններն անգամ ձեռաց գործի համար Չալօի էշին էին վազում, առարկելով թէ իրենց էշն ու ձին տանը չի: Մի խօսքով, ամբողջ թաղն ու թառակը օգտում էին աղքատ Չալօի սուս ու փուսքնաւորութիւնից և էշին տանում էին ուր ուզէին: Շատ բանելուց ուժասպառ էշը ժամերով յոզնած՝ պառկում էր գետին, իսկ նրա մի տարեկան քուռակը ուղղակի չը դիմացաւ, մի օր էլ վեր ընկաւ ու սատկեց:

Բ.

Այդ բոլոր չարչարանքը կարծես բաւական չէր: Չալօի էշը ուրիշ թշնամիներ էլ ունէր: Ամբողջ գիւղի չարաճճի մանուկ-

ները՝ հէսց որ էշին գտնում էին պարապ, մի հնարքով դռնիցը հեռացնում էին և ջուխտ ու կենտ վրան թափելով, այնքան վազում ու վազեցնում էին անբան անասունին, որ քափ ու քրտնքի մէջ լողացնում էին նրան:

Մանուկների այդ անպիտան վարմունքը ցաւ ու կրակ էր դարձել Զալօի համար: Մեծերին, խաթր էր անում, բան չէր ասում, իսկ փոքրերին թէկուզ մտածում էր՝ պատահած ժամանակը մի լաւ թակի, բայց այնպէս փախչում ու թաքնւում էին անպիտանները, որ նրա առաջը մնում էր միայն էշը իշացած կանգնած: Այս տեսակ դէպքերում Զալօն իր սրտի զայ-



ըոյթը էշիցն էր հանում. այնքան վեր էր հատում, որ էշի ետին ոտքերը ուղիղ գնալու փոխանակ միշտ թեք-թեք էին գնում:

Հէսց որ մի կիրակի կամ մի տօն օր էր գալիս, մանուկների բախտը բանում էր: Նրանք գիտէին, որ էշը տանն է վաղ թէ ուշ գոմից կամ մարագից արօտի են արձակելու: Զարածիները խումբ-խումբ շտապում էին դէպի Զալօի տունը և հեռու-մօտիկ այնքան պտոյտ էին գալիս, մինչև որ էշը դռներին կերևար:

Նրանց մէջ չորս թէ հինգ հոգի շատ չարն էին. հաստապոշ Ապրօն, մեծասրտի Վասիլը, բգէզ Նեսօն և ծակ-

փափախ Մուկուչը, որոնք միւսների խմբապետներն էին: Ով շուտով էշին իրան ճանկն էր զցում, նրա կոճին ալշու էր. առաջինը ինքն էր հեծնում, զիւղից հեռացնում, ջիրիթ սարքում, ապա հերթով միւսներն էին «պոչահանաք» և «քարփան կտրէք» խաղում:

Ե.

Այսպէս՝ մի կիրակի էր, որ Զալօն տեսաւ նորից՝ էշը դունը չի: Իջաւ գիւղամէջ, դէս ու դէն նայեց, սրա ու նրա գոմ ու մարագը մտաւ. այս ու այն կալապանն ու շւաքարանը տնզղեց, բայց էշը չըկար ու չըկար: Հասկացաւ, որ երեխաները նորից էշին տարել են տանջելու. զայրացած՝ վերցրեց մի հոնի եղան և գիւղիցը դուրս գալով դէպի մօտակայարտերը՝ անդադար կանչում էր. «Էհէ, էշ տանող, էհէյ, էշ տեսնող»:

Սակայն ոչ ոք չէր պատասխանում:

Զալօն աւելի կատաղեց և բերանը փրփուրով լիքը այս անգամ սկսեց թունդ-թունդ հայհոյանք թափել «անամօթների» գլխին: Երբ տեսաւ որ գարձեալ պատասխանող չը կայ, այնուհետեւ սկսեց ինքն իր էշին անիծել.

«Երանի քեզպէս ապրանք ուրիշն էլ ունի, թէ կենտ ես եմ, գէն ուտի քեզ. ինչ անսասուն ես հա....»:

Յանկարծ նկատեց որ դիմացի սարիցը իրենց նասիր ապին ցած է իջնում: Իսկոյն բարձրացաւ մի թմբի գլուխ, ձախ ձեռքը ականջին դրաւ, աջ ձեռքով փափախը վերցրեց ու օդի մէջ ցած ու բարձր աներով սկսեց կանչել.

— Էհէյ, նասիր ապի, ապի, ապի:

Նասիր ապին Զալօի հօրեղբայրն էր: Թէպէտ ծեր էր ու մազերը ալեոր, բայց դեռ սուր լսողութիւն ունէր: Լսելով Զալօի խօսքերը, ընդհատեց քայլերը և պատասխանեց.

— Հէյ, աղա, էտ ի՞նչ է, էտ ի՞նչ է...

Զալօն այնքան պինդ էր աղաղակում և այնքան յուգւած էր, որ նասիր ապիի ձայնը անլսելի մնաց նրան և շարունակեց.

- ԱՌ խլանաս դու, ապի, Նասիր ապի:
- Աղա, էդ ինչ է, ինչ է, իմանում չես:
- Մեր էջը տեսար նչ, էջը, էջը.
- Տեսայ, համա բերի նչ:
- Ո՞րտեղ տեսար, որտեղ, որտեղ:
- Քարակիտուկի վերի կողմերումը, վերի:
- Հիմի որ գնամ, էստեղ կըլինի թէ նչ:
- Բաս հօ գէլը կերաւ նչ:

Դ.

Իսկ երեխաները իրենց անելիքը առաջուց արել և վերացրել էին. Երբ տեսել էին Նասիր ապին, էշին թողել էին և քարակիտուկների տակը տապ արել: Այժմ էլ, երբ ականջներով ընկաւ Զալօի և ապիի ձէնն ու ձունը, ամեն մէկը շտապեց փախչի: Հաստապօշ Ապրօն, որպէս զի Զալօին փախեցնի և հնարաւորութիւն տայ ընկերներին անվտանգ գիւղ մըտնելու, բարձրացել էր մի սաղարթախիտ կաղնի ծառ և այնտեղից կանչում էր.

—Էհէյ, իշատէր, էշն արտը կերաւ, էշն արտը կերաւ,
կերաւ:

Մի ըոպէ Զալօն սփրթնեց. Նա լաւ գիտէր, եթէ արտերի պահապանը էշին բռնի և տուն անի, ահազին տուգանք են խըլելու իրենից: Իսկոյն ձայնը կտրեց և սուս ու փուս, ծածուկ ճամփով այնպէս քայլեց դէպի ապիի ցոյց տւած տեղը, որ շըլինի թէ մէկը տեսնի և յայտնի պահապանին, թէ Զալօն էշին էր ման զալիս և նրա էշն է, որ արտն էր ընկել ու կերել:

Երբ էշին հասաւ, խեղճ անասունը կանգնել էր զլուխը խոնարհած, ականջները ցած, պոչը ոտքերի արանքը սեղմած, իսկ մէջքի մազը շատ նստել ու վեր գալուց ցած էր թափած: Զալօն թէկ ախ քաշեց ու քթի ծակերից բարկութեան ծուխ ելաւ, սակայն արտի պահապանի երկիւղիցը, առանց մի խօսք ասելու, առաջն առաւ կենդանին ու առն քշեց:

ԽԵղճ անասունը։ Աղքատի էշ էր՝ հանգիստ չէին տալիս,
ոչ էշին, ոչ տիրոջը։

1) Զարօն ինչո՞ւ չէր քողոքում, ինչո՞ւ չէր պաշտպանում։ ինչո՞ւ
սուս ու փուս տանում էր այդ քողոքը։

2) Ի՞նչպէս կը լինէր այս էշի պատմութիւնը, եթէ Զարօն մի
հարուստ մարդ լինէր։

11. Տերեւաթափ

Այ փոքրիկներ, այ սիրուններ,—
ասաւ քամին տերեւներին,—
աշունն եկաւ, մօտ է ձմեռ,
ի՞նչ էք դողում ծառի ծէրին։
Ոսկի, գեղին, վառ ծիրանի
գոյներ հագէք խայտաբղէտ
ու ճիւղերից ձեր մայրենի
եկէք ինձ հետ, վախէք ինձ հետ...
եկէք տանեմ հեշտ ու անթե
անհետ ճամփով, անյայտ տեղեր,
չէք իմանայ այնուհետև
էլ ինչ է դող, ինչ է ձմեռ...»

Տերեւները հէնց լսեցին,
նախշուն, նախշուն, գոյներ հագան,
սըւսըւալով տիսուր երգեր
քամու թեին թռան, վախան։

1) Տերեւները ինչո՞ւ էին տիսուր։ Նրանք ինչո՞ւ ականջ դրին քա-
մու խօսեցին։

2) Քամին նրանց ո՞վ է տանելու։

12. Երկու քոյր

—Հայրիկ, մի բան պատմի, մի լաւ բան պատմի.—Խընդ-
րում էին Յուսիկն ու Յասմիկը:

Հայրիկը մի քիչ մտածեց, շոյեց նրանց ոսկեհեր զլուխ-
ները, ժպտաց ու ասաւ.

—Կնում է չի լինում երկու քոյր է լինում։ Երկուսն էլ
ծնւել էին միևնոյն օրը, մի գեղեցիկ լճի ափին։ Նրանցից մէկը
տուն ունէր, միւսը ոչ։ Մի օր անտունը գալիս է տուն ունե-
ցողի մօտ ու ասում։ «Քուրիկ ջան, տեսնում ես՝ ի՞նչ անտա-
նելի շոք է, արեր կէսօրին ի՞նչպէս է այրում։ Թող որ մի քիչ
քո տանը հանգստանամ, մինչև որ հովանայ ու իրիկունը նո-
րից վեր կենամ գնամ իմ բանին։ Քո լաւութիւնը իսկի չեմ
մոռանայ։ Թող, քուրիկ ջան»։

—Խեղճ աղջիկ, — ընդհատեց Յասմիկը — ի՞նչպէս պիտի
տանջւելիս լինէր շոքից։ Ես իսկոյն ներս կը թողնէի։

—Բայց տուն ունեցողը այդպէս չարաւ, — շարունակեց
հայրը — այլ ասաւ. «Ի՞նչ միամիտն ես. չէ որ ես էլ հազիւեմ
տեղաւորւում իմ տանս մէջ, քեզ ի՞նչպէս ընդունեմ։ Մի ու-
րիշ հով տեղ գտի քեզ համար, որ էս արեից ազատւես»։

—Ի՞նչ անգութ, անպիտան աղջիկ է եղել, հայրիկ, — նորից
մէջ ընկաւ Յասմիկը։

—Մի քիչ սպասեցէք, գուցէ այդպէս չը խօսէք այդ աղ-
ջայ մասին։

—Ո՛չ, հայրիկ, ոչ։ Անշուշտ մի չար աղջիկ պիտի լինէր, —
պնդեց Յասմիկը։ — Սեփական տուն ունենայ և իր տանջւած,
չարչարւած քրոջը մի անկիւն էլ չը տայ, այն էլ մի երկու
ժամնվ։ Երեի մի կտոր չոր հաց էլ կը խնայէր քրոջից։

—Ճշմարիտ է, նա ոչոքի ոչ հաց էր տալիս, ոչ էլ մի սև փող,

—Ասա, մի հրէշ է եղել էլի, — չարացաւ Յասմիկը։

—Անտուն աղջկան ոչոք չէր սիրում, — շարունակեց հայրը —
ոչ ոք նրան ձեռք չէր մեկնում։ Հովը ընկնում էր թէ չէ, ան-

տուն աղջիկը մտնում էր այգիներն ու բռստանները։ Գիւղացիք որը թիակով էր նրա մէջքին տալիս, որը բահով, որը ոտով էր հրում։ Փոքրիկ երեխանները քարեր էին շպրտում նրա ետկից։ Նա թռչկոտում էր մարդից մարդ, մտնում էր քարերի ետև, կուշ էր գալիս պատի տակ, ու այնպէս ցաւում էր նրա մերկ մարմինը։

—Հարուսա քոյրը նրա համար մի ձեռք շոր կարել տալ չէր կարող, ի՞նչ է։ —Նորից բողոքեց Յասմիկը։

—Ո՞րտեղից կարել տար. ինքն էլ նոյնքան աղքատ էր։

—Բայց զու չասացի՞ր որ տուն ունէր. —ասաւ Յասմիկը — Այդ տան մէջ իհարկէ կեցողներ կային և վարձ էին վճարում։

—Զէ, աղջիկս։ Տունը շատ փոքր էր. մի պատուհան ու մի դուռ ունէր միայն, և ինքը տանտիրուհին հազիւ էր մէջը տեղաւորւում։

—Ի՞նչ կայ որ. —շարունակեց Յասմիկը — քոյրը տանը նրան կօգնէր, սենեակը կաւլէր, կերակուր կը պատրաստէր։

—Նա չը զիտէր թէ եփել կամ խորովելը ի՞նչ բան է։ Նա էլ քըոջ պէս ուտում էր հում-հում ինչ որ գտնում էր խոտերի տակ, տերեների վրա կամ զետնի մէջ։ Ոչ վառարան ունէր, ոչ փուռ, ոչ գդալ, ոչ դանակ։ Տնակը շատ փոքր էր։

—Այ զարմանալի տուն է. —բացականչեց Յուսիկը, — Բայց էլի հօ մեր շան տնակից մեծ կը լինէր։

—Ո՞չ, շատ աւելի փոքր, ցածր ու նեղիկ. —պատասխանեց հայրը։

—Բա ի՞նչպէս էր աղջիկը մէջը ապրում։

—Ապրում էր ու միշտ իր հետ ամեն տեղ ման էր ածում։

—Ի՞նչ ես ասում, հայրիկ։ Տունը հետն էր ման ածում, մի ամբողջ տնւն։ Այդ անկարելի բան է։

—Ուզենար էլ, չէր կարողանայ միջից դուրս գայ, որդիս. իր անակի պատերին կպած էր։

—Էտ հօ...էտ հօ...Հայրիկ, ասեմ, ասեմ — մէջ նետւեց Յասմիկը։

—Էտ հօ ես էլ իմացայ, —զլիխի ընկաւ եղբայրն էլ. —Էտ
հօ կրիան է իր պատեանով:

—Իսկ աղքատքոյրը գորտն է, որ տուն չունի. լրացրեց քոյրը:

—Ես ձեզ չասի՞, որ տանտէրը այնքան էլ անսիրտ չէ,
ինչքան դուք կարծում էիք —ծիծաղեց հայրը:

—Հա, եթէ ես միշտ ինձ նման աղջկայ մասին մտածե-
միս չը լինէի, հօ վաղուց իմացած կը լինէի —բողոքեց Յասմիկը:

Ի՞նչ յատկութիւնների տէր աղջիկ է Յասմիկը:

13. Վախկոտ նապաստակները

Նապաստակներն ամբողջ ցեղով
անտառի մէջ արին ժողով
և ժողովում մի ծեր շրւդիկ
ասաւ. «Լսէք, մեծ ու պըստիկ,
շունը հաչէ,
քամին փըչէ,
ամպը գոռայ,
մուկը ճըռայ,
օձը սողայ,
մեր էս ցեղը
հա կը դողայ:
Վախկոտներ ենք էզ թէ արու,
չենք տայ քացի, չենք տայ հարու,
թէկուզ լինենք մի-երկու ծին
մեզ պիտ ուտեն արծիւն ու ցին:
Էսպէս ապրել չի կարելի
էս աշխարհում չարերով լի:
Չարն ու բարին աշխարհի հետ
թողնենք գնանք, թափենք մի գետ»:
Շըլդիկները հչ էս, հչ էն,
ելան ընկան մահի ճամփէն,

հէնց որ եկան գետին մօտիկ
 գորտերն ամեն մեծ ու պստիկ
 խառնիխուռը
 թափւան ջուրը:
 իսկոյն էտտեղ մի այլ շլդիկ
 «Դարձէք, կանչեց, պապիս որդիք,
 Ել մի կախէք ձեր քըթերը,
 մեզնից վախկոտ են գորտերը»:



14. Կօշիկ սրբող Թուսար

ա.

Վաղ առաւօտ է. ահազին քաղաքի կէսը քնած է դեռ: Բայց
 Թումասը ոտի է վաղուց. ու շրւշւացնելով գնում է գործին
 ուսից կախած իր տուփը, որի մէջ խողանակներն են ու կօշ-
 կի ներկերը:

Սուր արձագանք է տալիս սուլոցը դեռ դատարկ փողոց-
 ներում: Թումասը ուրախ է, միշտ ուրախ ու աշխուժ: Թուխ
 դէմքով, խելօք աչքերով, դեռ նոր է լրացել իր տասը տարին,
 թէև վրան որ նայես հազիւ կը տաս ութը տարի:

Փոստի կենդրոնական շէնքի դէմ, գլխաւոր մուտքից ոչ
 հեռու, անձրեկց պաշտպանւած մի անկիւնն է նրա աշխատա-
 նոցը. այգտեղ նստած է նա ամբողջ օրը իր տուփի ու խո-
 զանակների առաջ. ամառւայ շոքին, ձմեռւայ ցուրտին, միշտ
 անխափան հնչում է նրա ախորժելի քնքուշ ձայնը.

«Զէք ուզում, պարսն, մաքրեմ ձեր կօշիկը. աղամանդի

պէս փայլի. հայելու պէս տեսնէք մէջը ձեր պատկերը. թանկ չէ, պարոն, հինգ կոպէկ»:

Ասում է ու այնպէս քաղցր ժպտում, այնպէս կատակով, այնպէս կենսուրախ, որ անցորդը ակամայ կանգ է առնում: Իսկ ով մի անգամ իր կօշիկը Թոմասին է մաքրել տալիս, ել միշտ կը գայ նրան:

Իսկ մութն ընկաւ թէ չէ^{բ.} հաւաքում է ձեռաց իր փոքրիկ շարժական խանութը ու գնում տուն:

Քաղաքի ծայրին, մի խուլ փողոցի խորքումն է այն ցածրիկ հին տունը, ուր մի փոքրիկ սենեակ ու մի մեծ խոհանոց ունեն վարձու բռնած: Թոմասի մայրը լը- ւացարար է:

Ի՞նչ բախտաւոր ժպիտով դիմաւորում է մայրը ամեն իրիկուն իր սիրեկան երե- խին, կարծես իսկոյն մոռա- նում է ամբողջ օրւայ յոգ- նութիւնը լւացքի տաշտի

առաջ:

Թոմասը գալուն պէս դատարկում է իր վարտիկի երկու գրպաններում հաւաքւած սև փողերը մօրը գոզնոցի մէջ, փոք- րիկ քոյրերը պատրաստում են սեղանը և իսկոյն նստում են հացի: Շտապում է նա:

Ուղիղ ժամը ութին սկսում են երեկոյեան դասերը: Այս երկրորդ ձմեռն է, որ Թոմասը անընդհատ գնում է գիշերները դպրոց. արդէն սովորած է զրել կարդալը: Ցերեկւայ այն ժա- մերին, երբ քիչ է անցուղարձը և յաճախորդներ չեն լինում, Թոմասը փողոցի իր անկիւնումը իր տուփի առաջ միշտ մի փոքրիկ զիրք ունի ձեռքումը:



Նա կարդում է, կարդում, և ի՞նչ ծրագիրներ ապագայի համար, ի՞նչ մեծ ու պայծառ ծրագիրներ:

Այդ վարքիկ զբքերը ասում են նրան, թէ քանի քանի մեծ մարդիկ իր նման են եղած իրենց կեանքի սկզբին, քանի քանի մեծ մարդիկ առաջ են գնացել ու բարձրացել են աստիճանէ աստիճան միայն իրենց աշխատանքովը և իրենց յամառ կամքովը:

Եւ Թոմասը վճռել է. ինքն էլ պէտք է դառնայ անպատճառ մի մեծ մարդ, ինչքան բաներ պիտի հնարի մարդկանց համար և ինչպէս պէտք է պահի իր մայրիկին ու քուրիկներին...

Այս, մի մեծ մարդ, անպատճառ:

- 1) Ի՞նչ էք կարծում՝ Թոմասի ծրագիրը պիտի յաջողի. Եւ ինչո՞ւ:
- 2) Ի՞նչ բաներ են անհրաժեշտ ամեն մի ծրագրի, ամեն մի գործի յաջողովթեան համար:

15. Աշուն

Աշնանային քամիները փըչեցին,
Ծառ ու ծաղկունք տերեները թափեցին,
Երկինք մըռայլ, գիշեր-ցերեկ ամպամած,
Ասր ու ձորեր մէգ-մառախուղ է պատած:

Ամայացան անդաստաններ, այգիներ,
Թըռչունների ուրախ երգը դադարեց,
Խոպանացան աղմըկալից ճամփաներ,
և սայերի անցուղարձը ընդհատւեց:

Յոզնած եզներն հանգստացան գոմերում,
օջախի շուրջ գեղջուկները խըմբւելով
աշխատանքի պըտուղներն են վայելում
ուրախ-զւարթ, մինչև գարուն ապահով:

- 1) Գիտացին միշտ է ձմեռը ապահով:
- 2) Ի՞նչ պատկեր կը լինի օջախի շուրջը «վաստ տարին»:

16. Գգրանքի կարօտ

ա.

Մայրաքաղաքի հեռաւոր թաղում, ծերունիների ապաստարանի կողքին կանգնած էր նաև մի որբանոց։ Մի առաւոտ ընդարձակ քակի միջով ապաստարանից անցնում էի որբանոցը։

Ծառի տակ, ուրիշերից առանձնացած տեսայ մի գանդրահեր, կարմրաթշիկ մանուկ։ Դէմքն այնքան գուրեեկան էր, որ կանգ առայ ու քնքշաբար շոյելով գլուխը՝ քաղցրութեամբ հարցրի։ —Անունդ ի՞նչ է, պստիկ։

Նա պատասխանեց և աւելացրեց, թէ եօթը տարեկան է, «Հայր ունի, ոչ մայր, ոչ էլ մէկ ուրիշը աշխարհիս երեսին։ «Դրա համար էլ բերել են ինձ որբանոց» արագ վերջացրեց նա իր կենսազրութիւնը։

Կարեկցութեամբ ու մտերմօրէն շոյեցի թշերը ու մտայ որբանոց։ «Խեղճ երեխայ» մտածում էի գնալիս։

Բ.

Երբ մի փոքր ժամանակից յետոյ վերադառնում էի նոյն ընդարձակ քակով, յանկարծ մէկը քաշեց հազուստից։

Ետ նայեցի. տեսնեմ՝ նոյն փոքրիկ ծանօթ գէմքը։

Սաստիկ յուզւած էր երեսում ու այտերը շառագոյն. լուռ, աղերսական աչքերով նայում էր ինձ։

—Ի՞նչ է, սիրելիս, —հարցրի նրան։

—Ես ուզում եմ...—սկսեց նա ու կմկմաց։

—Ի՞նչ ես ուզում, ասա—քաջալերում էի ես։

—Ուզում եմ՝ որ ինձ համբուրես...։

—Քեզ համբուրեմ. —զարմացայ ես։

—Այս, —ասաւ նա աչքերը ցած զցելով ու կարօտի շեշտով. —դեռ ինձ ոչոք չի համբուրել, ոչոք...։

1) Պատմողը ինչո՞ւ էր կարեկցում փոքրիկին։

2) Քեզ ամենից շատ ովէ է սիրում։ Մտածի, ինչ կը լինի քո կեանքը, եթէ այդ քեզ ամենից շատ սիրողները չը լինէին աշխարհիս երեսին։

17. Կաչաղակ

Այ շաշանակ,
կաշաղակ
ի՞նչ ես շնկել դոնէ դռւու,
բագ ու պարտէզ ու կտուր.
ի՞նչ ես էտպէս փընտում.
քանի՞ ճըշաս,
կըշ-կըշաս.
«Կայ-չկայ»,
կայ-չկայ»...

Մէկ էլ յանկարծ
չարացած
ի՞նչ ես բացում կտուցըդ
ու անհանգիստ հոգուցդ
երկար ևոչդ շարժելով,
ձայն ես տալի
վըշտալի.
«Զկայ-չէ-չէ,
չկայ-չէ-չէ»...



18. Պառաւի կատուն

ա.

Միշտ միասին էին պառաւ Շողերը ու իր սև ահագին կատուն:

Երբ պառաւ Շողերը տունն էր հաւաքում, կերակուր եփում կամ նստում գուլպայ զործելու՝ միշտ կողքին էր և կատուն: Պառաւը նրան էր գանգատում իր ցաւերը, թէ էլ ինչպէս կարգին ման գալ չի կարողանում, թէ ինչպէս մատները գողում են գուլպայ զործելիս: Կատուն մոռում էր, ճկուն մէջքը ուղցընում ու քսւում պառաւի ոտներին ու ծնկներին:

Երբ պառաւ Շողերը անց էր կենում փողոցով, կատուն իսկի մի քայլ ետ չէր մնում նրա խունացած շրջազգեստի փէշից ու պոչը վեր ցցած՝ հանգիստ հետեւում էր իր տիրուհու գանդաղ քայլւածքին: Դրացի տղերքը նրանց տեսնելիս՝ դեռ հեռուից կանչում էին կէս լուրջ, կէս ծաղրով.

— Ճամփայ. ճամփայ տւէք Շողեր ու Փիսօ խաթուններին։
 Իսկ երբ մթնում էր ու աղքատիկ տնակի մէջ հանգչում
 էր լազոտ ճրագը, ցած ու խարխուկ պատուհանի արանքից
 պարզ լաւում էր կատի մոմոցը պառաւ Շողերի խոմփոցի
 հետ խառնւած։ Երկուսն էլ պառկում էին միևնոյն անկող-
 նում։ Ճմեռները մանաւանդ կատուն էր պառաւի մրսկան ոտ-
 ների տաքացնողը։

Բ.

Այսպէս անբաժան ապրում էին նրանք շատ տարիներ։
 Պառաւ Շողերի մէջքը աւելի ու աւելի էր կռանում։ Կատւի
 աչքերի լոյսը աւելի ու աւելի էր մարում և բուրդը թափւում։

Մի օր էլ հարևանները տեսան,
 որ պառաւ Շողերը նստել է
 տնակի առջև ու դառն լավիս
 է։ Նրա ծնկանը ձգւել պառկել
 էր կատուն... սատկած։

Դրացիներից շատերը կային,
 նայում էին ու ժպտում։ Հէ՞ որ՝
 ահազին կնիկ լաց էր լինում
 կատւի վրա։

Այն, պառաւ Շողերը լաց էր
 լինում ու կամաց, շրթունքների
 մէջ, կրկնում էր անընդհատ։

«Էլ պրծաւ. Էլ հիմի ոչոք
 չունեմ այս աշխարհում. զնա-
 ցին, որդիս, հարսա, թոռներս, հի-

մի էլ այս կատուն, որ այնքան սիրում էին թոռնիկներս.
 մնացի մենակ, բոլորովին մենակ այս աշխարհում...»

Կրկնում էր պառաւը կամաց, շրթունքների մէջ, ու ան-
 միմիթար հեկեկում...»




Ինչու պառաւը այդպէս սիրու էր իր կատւին։

19. Աղւեսը

Աղւէսն եկաւ մութ անտառից,
հարցմունք արաւ լիքը թառից.
«Մեծ խորոզ է հարկաւոր ինձ»:
Քաղցած աղւէսն, ազին ծաղիկ:

Աղւէսն հագել քուրքը դեղին,
պտուտ կը գայ շուրջը գեղին.
Ճուր կրտըրւեց տատիս լեղին:
Դեղին աղւէսն, ազին ծաղիկ:



Աղւէսն ասաւ պառաւ տատին.
«Մըտիկ չեմ տայ ձեռիդ փէտին,
կարօտել եմ թըմփիկ ճուտին»:
Անվախ աղւէսն, ազին ծաղիկ:

Աղւէսն եկել նըստել դէղին,
երկար ազին ծըսել վըզին,
աչք է զըցել մեր խորոզին...
ին գող աղւէսն, ազին ծաղիկ:

Մին էլ կանչեց տատըս պառաւ.
«Աման, հասէք, տարաւ, կերաւ,
գըլխիս էս ինչ փորձանք բերաւ
անտէր աղւէսն, ազին ծաղիկ»:

Այ իմ խորող, կարմիր խորող,
ման կը գայիր գոռող-գոռող,
փետուրդ արաւ ողջ դարուփոս,
էն չար աղւէսն, ազին ծաղիկ:

Աղւէս, աղւէս, փոքրիկ գաղան.
ոտներըդ կարճ ու խիստ վազան.
շըներն ամեն քեզ շընասան:
Ճարպիկ աղւէս, ազիդ ծաղիկ:

20. Վայրենին ու նաևակը

ա.

Եւրոպացիք ազարակներ էին շինել վայրենիների աշխարհում ու իրենց մօտ ծառայեցնում էին սեամորթ տեղացիներին: Մի ազարակատէր իր բարեկամին, որ ապրում էր հեռաւոր կալւածքում, նւէր է ուղարկում մի զամբիւղ նարինջ ու նամակի հետ տալիս է վայրենու ձեռքը: Ճամփին վայրենին չի համբերում ու նարինջներից մի քանիսը ուտում է: Պարոնը զամբիւղը ստանում է թէ չէ, նամակը կարդում է ու նարինջները համարում:

—Վյստեղ հինգը պակաս է. ճամփին կերել ես,—ասում է նա խիստ կերպով բերող վայրենուն:

—Ո՞րաեղից իմացար,—ապշած հարցնում է վայրենին:

—Այ, այս թուղթն է ասում:

—Այդ սպիտամկը...

Վայրենին խլում է նամակը, մօտեցնում ականջին, քիչ սպասում ու տարակուսանքով գցում գետին.

—Բաս ինձ ոչինչ չի ասում:

Բ.

Մի քանի ամիս անց՝ տէրը կրկին նրան տալիս է մի քանի շիշ գինի ու նամակ և հրամայում է տանի իր բարեկամին: Ճամփին վայրենին ուզում է անպատճառ գինու համը տեսնի, բայց վախենում է ձեռքի բռնած «սպիտակից», վայ թէ նորից իմաց տայ: Բայց յանկարծ ուրախ վեր է թռչում, հնարքը գտել էր:

Հէնց որ համում է մի ամայի տեղ, հանում է նամակը կոխում մի մեծ քարի տակ չորս րոլորն էլ ածում է չորացած տերեներ, որ նամակը հչ մի ծակից դուրս չը նայի. իսկ ինքը վեր է կենում, բաւական հեռանում, մի թփի տակ ցած է դնում իր բեռը, հանում մի շիշ ու փառաւոր անուշ անում... Քէֆը շաղանում է, երգում, պարում, յետոյ էլ պառկում, մի լաւ քնում:

Քունն էլ որ առնում է, վեր է թռչում, վերցնում է զամբիւղը, հանում է քարի տակից նամակը ու շարունակում ճամփան ուղիղ իր տիրոջ բարեկամի ագարակը: «Դէ, հիմի թող ասի, տեսնեմ» ինչ պիտի ասի». մտածում է վայրենին մըտքումը ու իրեն-իրեն ժպտում:

Գ.

Տեղ հասնելուն պէս պարոնը նամակը կարդում է, հաշում է շիշերը ու բարեկացած աղաղակում է վայրենու վրա.

—Սպիտակ գինուց մի շիշ խմել ես նորից, անպիտան:

Վայրենին լսում է թէ չէ, թողնում է փախչում: Ու այն օրից սարսափահար պատմում էր իր ցեղի մարդկանց, թէ ինչ-պէս սպիտակամորթները մի տեսակ ճերմակ կաշու պէս բան ունեն, որ ամեն ինչ տեսնում է, ամեն ինչ լսում, ամեն ինչ իմանում և սպիտակամորթներին պատմում, իսկ սեամորթներին ոչինչ չի ասում:

1) Ելուպացիք մի[՞]շտ են զիր ունեցել. հ՞նչ քան է զիրը:

2) Ինչն է ստիպել մարդկանց, որ զիր նարեն:

3) Թղթի հետ խոսող ելուպացին ի՞նչ պիտի թփ վայրենու աշքին:

21. Ժամանակը

«Թիկ-թակ, թիկ-թակ»:—Ո՞վ է այդ:
«Ժամանակն է, գնում է,
Նրա ոտքի ձայնն է այդ,
Թիկ-թակ, թիկ-թակ,
որ լրսում է շարունակ»:
—Ժամանակը, ով է այդ:
«Յուպը ձեռին մի խուլ մարդ,
շալակն առած մի մեծ պարկ,
Թիկ-թակ, թիկ-թակ,
որ գընում է շարունակ»:

22. Քարը

ա.

Տիգրանը այդ օրը շատ ուրախ էր: Ուրախութիւնից չէր
իմանում ինչ անի: Իջել էր պարտէզ ու քարեր էր շպրտում
ճնճղուկների վրա: Թէև ոչ մէկին էլ չը դիպաւ, բայց խեղճ
ծիտերը շատ էին վախենում և նրա ձեռքի ամեն շարժումից
վեր էին թռչում ծառի ճիւղերից, նստոտում էին տանիքի վրա
ու նորից իջնում ցանկապատին: Նրանց այդ վախեցած թռչ-
կոտելը շատ էր զւարճացնում Տիգրանին:

Այդպէս ճնճղուկների ետևից ընկած միջոցին յանկարծ նը-
կատեց, որ դարպասի առջև մի աղջիկ էր կանգնած կարճ,
պատուած շորերը հազին ու ոտարորիկ: Նրա մազերը խիտ-
խիտ փունջերով թափւում էին կեղտոտ ճակատին, այտերին
և ուսերին:

—Աղա, քեզ մատաղ...—կամացուկ և երկչոտ ձայնով կըմ-
կըմաց աղջիկը:


Տիգրանը հէնց այն է ուզում էր քարը նետի ճնճղուկ-
ներին որ կանգ առաւ ու մօտեցաւ աղջկան:

—Դու աղքամտ ես,—հարցրեց նա, ձեռքովը ճակատի քըր-
տինքը սրբելով։

—Այն... աղքամտ եմ... խեղճ եմ... Պստիկ աղա, մի ողոր-
մութիւն արա, —կրկնեց աղջիկը։

Տիգրանը հետաքրքրութեամբ նայում էր նրան։

Աղջիկը այնպէս տգեղ էր, այնպէս փոքր, նիհար, այնպէս
արկից սկացած. նրա մեծ, ներս ընկած աչքերի մէջ և ամ-



բողջ դէմքի վրա մի հիւանդոտ, ողորմելի բան կար։

Տիգրանի դուրը չեկաւ։

—Դու հաց ես ուզում, համ, —հարցրեց նա, քարը իր բոան
մէջ ամուր սեղմելով։ —Ապա, ձեռդ պահի։

Աղջիկը վատահ պարզեց իր փոքրիկ, չորացած ձեռքը։

—Առ, ասաւ գիտ տղան և նրա ափը դրաւ դեղին քարի
կտորը։

Աղջիկը քարը դէն չը նետեց և ոչինչ էլ շասաւ. նայեց քարին, յետոյ արտասւալից աչքերը բարձրացրեց Տիգրանի վրա ու գլուխը կախած դուրս գնաց փողոց:

Ոչ մի խօսքով, ոչ մի շարժումով, ոչ մի հայեացքով նա չը կշտամբեց Տիգրանին. բայց Տիգրանի ուրախութիւնը յանկարծ չքացաւ, դէմքը մռայլւեց: Ի՞նչ էր պատահել ինչո՞ւ: Արևը առաջւայ պէս պայծառ էր, երկինքը առաջւայ պէս ջինջ. ճնճղուկներն էլ առաջւայ պէս թռչոտում էին և ճըլւըլում, բայց Տիգրանը էլ ոչինչ չէր տեսնում:

Յանկարծ վազեց խոհանոց, ինքն իր ձեռքով կտրեց մի մեծ կտոր հաց և դուրս նետեց դարպասից: Նայեց աջ, նայեց ձախ, աղջիկը չէր երևում, գնացել էր: Տիգրանը վազեց փողոց, նայեց մէկի, միւսի բակը, չկար...

Տիգրանը վերադարձաւ իրենց բակը և հացը ձեռքին կըրթնեց դարպասի անկիւնին:

Կարծես մի բան ծանը նստել էր նրա կրծքին: Ա՛խ, Աստւած, գուցէ այսպէս ծանը չը լինէր, եթէ աղջիկը ետ շպըրտած լինէր քարը, եթէ հայհոյած, մի բան ասած լինէր: Բայց աղքատ աղջիկը արտասւալի աչքերով նայել էր նրան ու լուռ գնացել. ուրիշ ոչինչ:

Նրանից յետոյ ամեն անզամ աղքատի ձայն լսելիս, սեղմւում էր Տիգրանի սիրտը, դուրս էր նետուում, որ տեսնի՝ կարելի է այն աղջիկն է:

Ո՛չ. այն աղջկան էլ երբէք չը տեսաւ: Աղջիկը անհետ չքացել էր, տանելով իր հետ դեղին քարը, կորել էր, կարծես իսկի աշխարհիս երեսին ծնւած էլ չը լինէր...

1) Ինչո՞ւ յանկարծ կորաւ Տիգրանի քոլոր ուրախութիւնը:

2) Վանտ տղալ է Տիգրանը. որն է նրա մեծ թերութիւնը:

23. Տատու

ա.

Կարծես տարիներ չեն անցել, կարծես հէնց երէկ լինէր՝ Ես տեսնում եմ իմ պառաւ տատին, նստած իր սովորական տեղում, մեր խրճիթի դռան դէմ։ Վիթխարի ընկուզենին պատըսպարում է նրա ալեսոր գլուխը ամառնային արեգակի կրակոտ ճառագայթներից։ Նա նստած է, ինչպէս միշտ, լուռ ու մտախոհ։

Տատու կոչւում էր Շուշան. նա ժառանգել էր իր մօր անունը։ Զնայելով պատկառելի տարիքին, ամենակին չէր կորցրել իր ժրութիւնը. առաւօտից մինչև երեկոյ անդադար շարժման մէջ էր։ Նրա ամենատես աչքերը ամեն բան կը նկատէին, նրա անհանգիստ լեզուն ամեն բանի մասին հաշիւ կը պահանջէր։ Մինչև մահը նա չթողեց ձեռքից իր կառավարութեան գաւազանը՝ ահագին փայտէ շերեփը, որով նա ընթրիքի ու ճաշի ժամանակ կերակուր էր բաժանում։ Մինչև իր մահը մեր տան թէ մեծը և թէ փոքրը ամենայն խոնարհութեամբ հպատակում էինք նրա հեղինակութեանը։

Տատու շատ աշխատասէր կին էր։ Յիշում եմ, գիշերւայ մեծ մասը, նստած այծի մորթու վրա, գնում էր իր առջե մանելու մեքենան, և ուկրացած ձեռքով, պտոյտ էր տալիս ճախարակի թեքը, բամբակից թել էր պատրաստում։ Եւ ինձ թւում է, թէ գեռ զարկում է ականջիս պառաւի տխուր ու դողդոջուն երգը, ինձ թւում է՝ թէ գեռ լսում եմ նրա նահապետական մեքենայի խուլ ճոճողը։

Բ*

Մեր գիւղում տատու համարւում էր խելացի պառաւներից մէկը, իսկ իր տան մէջ նրա իմաստութիւնը հասնում էր անսխալականութեան։ Ճշմարիտն ասած՝ ես էլ փոքր ժամանակս հիացած էի նրա իմաստութիւնով։ Նա ամեն բան գիտէր։

Նա գիտէր՝ թէ ինչ նշանակութիւն ունեն այս ու այն երազները։ Նա գիտէր՝ թէ ինչ խորհուրդ ունի, երբ մարդու

մարմնի այս կամ այն մասը «խաղում է»: Նա հասկանում էր կաչաղակի լեզուն և բացատրում էր, թէ ինչ լաւ լուրեր է բերում նա, երբ մեր պատի վրա նստած կը չկը լուրջում է: Նա լսել չէր կարող բուի չարագուշակ ձայնը և պատւիրում էր ինձ՝ քարով սպանեմ, երբ նստի մեր պատին: Նա զիտէր՝ թէ ինչու Սողոմոն իմաստունը անիծեց ճնճղուկներին, կամ ովզ դրեց յոպոպի գլխին այն գեղեցիկ փետուրէ սանդրը:

Այս, տատս շատ բան էր իմանում: Նա պատմում էր ինձ՝ թէ ինչպէս կը հասնի աշխարհի վերջը, կամ երբ կը յայտնւի նեռը: Նա ասում էր, թէ անիծւած նեռը կը գայ մի ահագին էշի վրա նստած, թէ նրա աւանակի ականջները այնքան երկար կը լինեն, որ մի ականջի ծայրը կը հասնի մինչև արևմուտք, իսկ միւսինը մինչև արևելք: Նա ասում էր՝ թէ այն ժամանակ կը յայտնւեն «աջուջ-մաջուջները», թէ նրանք այնքան փոքրիկ թզուկներ են, որ իմ կօշիկները կարող էին նրանց համար բնակարան դառնան:

Բայց ես աւելի սիրում էի տատիս հեքիաթները, որ գիշերները պատմում էր: Երբեմն, մի անգամ սկսած հեքիաթը հազիւ վերջացնում էր մի ամբողջ շաբաթւայ ընթացքում: Այս, ինչ լաւ պատմում էր նա. Ես միշտ ուրախութեամբ էի լսում: Բայց երբ պատմում էր դկերի, սատանաների, զրողների ու դժոխքի մասին՝ ես սարսափում էի, և աւելի շատ էի վախենում, երբ խօսում էր մեռելների մասին:

Իսկ երբ տատս ինքը մեռաւ, նրանից չէի վախենում: Նա այնպէս հանգիստ պառկած էր դագաղի մէջ, կարծես քնած լինէր: Նրա դէմքը էլի այնպէս բարի էր, ինչպէս միշտ: Երբ նրան թաղեցին, ես շատ լաց եղայ:

1) Պատմողը ինչո՞ւ մեծ ժամանակ էլ հիացած չէ իր տատի իմաստութեամբը:

2) Այդ տեսակ իմաստութեան մենք ինչ անուն ենք տալիս. եւ ինչսաւ:



24. Ճախարակ

Մանի, մանի, ճախարակ,
Նըստենք բանի ճախարակ,
անտէրին տէր, ճախարակ,
որբերին հէր, ճախարակ:

Լուսնեակը դուրս է եկել,
աչքերիս լուս է եկել:
Լուսնի լուսով մանեմ ես,
սիպտակ ոստեր անեմ ես,
աղքատ օրով ու լացով,
որբեր պահեմ մանածով:

Մանի, մանի, ճախարակ,
Նըստենք բանի, ճախարակ,
անտէրին տէր, ճախարակ,
որբերին հէր, ճախարակ:

- 1) Ի՞նչու այրի կինը լուսնի լուսով է մանում: Եւ ինչո՞ւ ոչ ցերեկը:
- 2) Ինչու աշխատանքի գործիքը անտէրի տէրն է ու որքի հէրը:

25. Ամենալաւ վկայականը

Մի վաճառական լրագիրներում յայտարարել էր, թէ իր խանութի համար ուղում է մի աշակերտ վարձի:

Շատ մարդ եկաւ գնաց, վերջապէս վաճառականը ընտրեց մէկին:

— Ասա, խնդրեմ,—հարցրեց մի ծանօթ,—ի՞նչու զրան ընտրեցիր: Ոչ վկայական ունէր, ոչ ճանաչում էիր: Ուրիշները հրաշալի յանձնարարականներ բերին, բայց դու ճամփու զրիր:

— Սխալում ես,—ասաւ վաճառականը: — Այս տղան շատ վկայականներ ունէր: Սենեակը մտնելուց առաջ ոտները լաւ սրբեց ու դուռը ծածկեց առանց թղթսկացնելու՝ ուրեմն մաքրասէր է ու կարգապահ: Իր նստած աթոռից վեր կացաւ ու տեղ տւաւ ներս մտնող կաղ մարդուն. ուրեմն բարեսիրտ է ու յարգում է աւելի հասակաւորին: Դեռ շեմքին գլխարկը հանեց, արագ ու կտրուկ պատասխաններ էր տալիս իմ հարցերին. ուրեմն քաղաքավարի է ու աչքաբաց: Կռացաւ բարձրացրեց զիրքը, որ դիտմամբ ձգել էի յատակին, մինչդեռ ուրիշները գէմ էին ընկնում զրքին կամ կողքից անցնում: Հանգիստ սպասում էր իր հերթին, չաշխատելով ուրիշների առաջը կտրի. ուրեմն լաւ կրթւած տղայ է: Շորերը լաւ սրբւած էին, իսկ երեսն ու ձեռները մաքուր: Ի՞նչ ես կարծում, այս բոլորը միասին լաւագոյն վկայականը չէ:

Ուրեմն ո՞րն է մարդու ամենալաւ վկայականը:

26. Ճպուռն ու մրցիւնը

Թըոփ-վըոփ մի ճպուռ

Ողջ ամառը շուռ ու մուռ

Երգեց, ճռաց,

Ճըոճուաց:

Մին էք ըհը, ձմեռը

Փոեց իրա թևերը,

Բացեց գորգը սպիտակի,
Դաշտերն առաւ ձիւնի տակ:
Անցան պայծառ օրերը
Էլ որն ասեմ, էլ որը,
Երբ ամեն մի թփի տակ
թէ սեղան կար, թէ օթեակ:
Եկան օրեր ցրտաշունչ.
Ճպուռն ընկաւ լուռ ու մունջ,
Քաղցած փորին էլ ի՞նչ երգ.

ցուրտը տարաւ ոտ ու ձեռք:

Զընզըր-զընզըր դողալով,
ծանր ծանր սողալով,
նա մըջիւնին ասում էր.
«Գլխիդ մատաղ, սանամէր,
մի ճար արա՝ շունչ առնեմ,
ցրտից սովից չը մեռնեմ,
ինձ կերակրի, տաքացրնւ,
մինչև գարուն ապրեցրնւ:
—ի՞նչ խաբար է, սանիկը,
գարմանում եմ, ջանիկը.
շաշխատեցիր ամառը,
ասա, ի՞նչ էր պատճառը:
—իտպէս բանի, սանամէր,
էլ ժամանակ ով ունէր:

Են խոտերում բուրաւէտ
երգում էինք մերսնց հետ:
«Ուրեմն գու...»—Այն, ես,
ողջ ամառը դէն ու դէս,
երգ երգեցի մշտապէս:
—երգեցիր հա. շատ բարի.
այժմ էլ բռնի վերվերի,
քամին ծափ տայ՝ գու պարի:



27. Նարեկի նժոյզը

ա.

Արաք Նարեկը մի այնպիսի հաղւազիւտ և գեղեցիկ նժոյզ ունէր, որ ամենքը նախանձում էին: Ուրիշ ցեղից մի արաք, անունը Դագեր, կամենում էր ինչ էլ որ լինի ձեռք բերի այդ նժոյզը: Իզուր էր նա առաջարկում Նարեկին նժոյզի փոխարէն անհամար ուղտեր և ուրիշ շատ բան: Նարեկը ոչ մի կերպ չէր համաձայնում:

Այն ժամանակ Դագերը մտածեց խորամանկութիւն բանեցնի: Մի օր իր երեսը խոտի հիւթով ներկեց, ցնցոտիներ հագաւ, վիզն ու ոտները փաթաթեց, իբրև մի ցաւազար մուրացկան, ու գնաց նստեց մեծ ճանփի վրա, որտեղով պիտի անցնէր Նարեկը: Երբ Նարեկը մօտեցաւ՝ Դագերը սկսեց աղաշանքը թոյլ ու նւազած ձայնով:

—Ես մի աղքատ ու խեղճ օտարական եմ: Երեք օր է այստեղ վեր եմ ընկած ու չեմ կարողանում տեղիցս շարժեեմ, գնամ մի կտոր հաց ճարեմ: Ցաւից մեռնում եմ, օգնի ինձ: Աստւած քո վարձը չի մոռանայ:

Նարեկը նայեց, մեղքացաւ և առաջարկեց ծպտեալ աղքատին, որ վեր կենայ նստի ձիու գաւակին և միասին գնան տուն: Այստեղ նրան կը խնամէին:

Բայց խարերան պատասխանեց.

—Ես չեմ կարող ոտքի կանգնեմ, ուժ չունեմ:

Գթասիրտ Նարեկը ձիուց վայր թուաւ, մօտեցրեց ձին Դագերին և մեծ գժւարութեամբ նստեցրեց նրան: Երբ Դագերը իրեն թամբի վրա զգաց, յանկարծ խթեց նժոյզը ասպանդակ-ներով և առաջ սլացաւ:

—Իմացի, ես Դագերն եմ. տանում եմ նժոյզ:

Բ.

Նարեկը ետևից կանչեց, խնդրեց կանգնի մի վայրկեան ու իր ասելիք երկու խօսքը լսի:

Դագերը համոզւած որ ոչ ոք իրեն չի հասնի, շուռ տւեց
ձիու գլուխը ու կանգ առաւ, բաւական հեռու:

Եւ Նաբէկը ասաւ.

— Դու խլեցիր իմ նժոյգս. Եթէ այդպէս էր Ալլահի կամքը,
բարի վայելես, միայն մի բան եմ ես ինդրում. խոստացի
ոչոքի չասես, թէ ինչ հնարով տիրացար ձիուս:

— Ի՞նչու, հարցրեց Դագերը.

— Նրա համազ, որ մի ուրիշը կարիքի ժամանակ երբ օգ-
նութիւն ինդրի, մարդիկ կը կասկածեն՝ էլ չեն հաւատայ.
իսկ ես չեմ ուզում պատճառ լինեմ, որ մարդիկ այլ ևս մի-
մեանց ոչ մի բարիք չանեն, որ ամենքն էլ վախենան խարւե-
լուց, ինչպէս որ ես խարւեցի:

Այս խօսքերից ապշած՝ Դագերը մատածմունքի մէջ ընկաւ.
յետոյ իջաւ ձիուց և ասաւ.

— Ես մոլորւեցի, նախանձը կուրացրել էր ինձ: Ների:

Գրկեց Նաբէկին ու վերադարձրեց նժոյգը:

Նրանից յետոյ Դագերը ճանապարհ գցեց Նաբէկին մինչև
նրա վրանը և մնաց նրա մօտ երեք օր, ու դարձան մտերիմ
ընկերներ:

28. Ջաղացպանի երգը

Զուրն է թշում,
Հուրն է խշում.
ու ջաղացում
ալեկոծում,
իրարանցում.
և կարծես թէ
հազար կանայք
լաց են լինում
ու հեծեծում:
Երեք-չորս հատ

ջաղացաքար
իրենց անդուլ
չախչախներով
պըտըտում են,
հայ պըտըտում:
*
Դուրսը,
Ներսը
հարայ-հըրոց,
սայլի ճոխնչ,

քարի գըռոսց:
Մինը բեռը
ներս է կրում,
մինը նըրան
դուրս է բերում,
մինն աղունը
վրա անում,
ցորեն տալիս
ալիւր հանում:

*

Տես և մի կողմ
ջաղացպանը
ալրաթաթախ՝
ալրատանը,
քարը տեղից
իջեցըրած,
նրա տակը
վրէն արած,
հա տալիս է
քարին մուրճը
և կայծեր է
թափում շուրջը
և ծնկները
քարի վրա
նա երգում է
երգը իրա.

*

«Արի, իմ քար,
ջաղացաքար,
քեզ կըռանեմ,

խոր փոսիկներ
սուր ատամներ
կուռ կռանով
ծանր մուրճով
լանջիդ հանեմ,
որ դու աղաս
բընաղունը,
բընաղունը,
չոր աղունը.
ալիւր, ալիւր
տաս աշխարհին
և ծառային
և արքային:
Աշխարհը լայն
մեր տեղը նեղ,
հալւենք, մաշւենք
մենք միատեղ:
Արի, իմ քար
քեզ կըռանեմ
սուր ատամներ,
խոր փոսիկներ
կըրծքիդ հանեմ:
Ես քո տէրը
ես քո գերին,
արի հաց տանք
ողջ աշխարհին:
Աշխարհը լայն
մեր տեղը նեղ,
հալւենք, մաշւենք
մենք միատեղ:»

Ինչո՞ւ է ասում «ես քո տէրը, ես քո զերին». Ծիշտ է:

30. Հօր հիւանդապահը

ա.

Մի գիւղացի տղայ կանգնեց հիւանդանոցի դռանը։ Դռնապանին մի տոմսակ ցոյց տւառ ու խնդրեց որ թոյլ տան իրեն տեսնի հիւանդ հօրը։

—Երբ է եկել քո հայրը, —հարցրեց դռնապանը։

—Մի հինգ օր առաջ։ Նա այստեղ քաղաքում մշակութիւն էր անում, հիւանդացել է ու եկել ձեզ մօտ։ Մեզ իմաց տւին. ես այժմ գալիս եմ զիւղից։ Խնդրում եմ, ցոյց տւէք, որտեղ է։

—Հա, հա, իմացայ, պառկած է չորրորդ սրահում ամենից վերջը—ասաւ սպասաւորը, —արի։

Ու ներս տարաւ տղային։ Նախ գնում էին երկար միշանցքներով, յետոյ մտան մի մեծ սրահ ու անցան մահճակաների մի երկար շարքի միջով։ Չորս կողմը մաշւած ու դեղնած դէմքեր էին. օդը լիքն էր դեղերի հոտով։ Սպիտակ հագած գթութեան քոյրերը մի հիւանդի մօտից անցնում էին միւսին։

—Ահա հայրդ, —ասաւ սպասաւորը, ցոյց տալով մահճականերից մինը։

Հիւանդի ձեռքը անշարժ ընկած էր վերմակի վրա։ Տղան բռնեց այդ ձեռքը ու հեկեկալով գլուխը խոնարհեց հօր ուսին։ «Ապի, ապի...» Հիւանդը շարժւեց, շուռ եկաւ, երկար նայեց տղային, կարծես թէ ճանաչեց, բայց, ոչինչ չասաւ։

Խեղճ հայրիկ, ինչպէս փոխւել էր։ Միրուքը երկարեւ սպիտակել, երեսը ուռել, թխացել, աչքերը կուչ էին եկել, շրթունքները կախ ընկել։ Ուղղակի չէր կարելի ճանաչել։

—Ապի, ապի—կանչում էր տղան։ —Էս ես եմ, չե՞ս ճանաչում։ Յակոբն եմ, քո Յակոբը։ Գիւղիցն եմ եկել, մայրիկը ուղարկել է որ քեզ տեսնեմ։ Գոնէ մի խօսք ասա։

Հիւանդը լուռ նայեց, նայեց ու աչքերը խփեց:

Այդ միջոցին էր որ զանգը տւին ու մտաւ բժիշկը իր օգ-
նականի հետ: Հերթով նայեց հիւանդներին, վերջապէս մօտե-
ցաւ Յակոբի հօրը: Բոնեց հիւանդի զարկերակը, ճակատը շօ-
շափեց ու մտածեց:

—Սա հիւանդի որդին է, նոր է եկել գիւղից.—բացատրեց
գթութեան քոյրը:

—Ի՞նչպէս է հայրս.—հարցրեց տղան:

—Մի վախենա, տղաս.—պատասխանեց բժիշկը:—Դեռ տես-
նենք, կը լաւանայ, որ լաւ ինամւի:

—Ես ինքս կը մնամ այստեղ, պարոն բժիշկ, ու կը ինա-
մեմ,—պատասխանեց տղան:

Բժիշկը ժպտաց.

—Դժու ինչ կարող ես:

—Ինչժու չեմ կարող: Եւ վերջապէս հօրս ես այսպէս երե-
սի վրայ մենակ չեմ թողնի.—ասաւ տղան վճռապէս:

Բժիշկը մի սուր հայեացըով չափեց նրան ոտից գլուխ, բիշ
մտածեց ու ասաւ.

—Լաւ. հիւանդի սրտին գոնէ մխիթարանք կը լինի, երբ
տեսնի որ գու մօտն ես:

Պ.

Տղան գարձաւ հիւանդապահ: Ուղղում էր հօր բարձն ու
վերմակը, ճանձերն էր քշում, տալիս էր գեղը որոշւած ժա-
մերին և կատարում էր ճշտութեամբ այն ամենը ինչ որ բը-
ժիշկն ու գթութեան քոյրը պատւիրում էին: Գիշերներն էլ
ընում էր նրա կողքին երկու աթոռի վրա:

Օնցնում էին օրերը. հիւանդը մէկ լաւանում էր, մէկ վա-
տանում. կարծես գիտակցութիւնը վրան էր, բայց այնքան
նւազած, որ ոչինչ չէր կարողանում խօսի ու մեծ մասով թըմ-
րած պառկած էր:


Այդ թմրութիւններից յետոյ՝ երբ հիւանդը աչքերը բաց

Էր անում, տղան թեքում էր հօրը վրա, խօսում էր, պատմում իրենց տնից, իրենց կեանքից, մօր մասին, քոյրերի մասին, աշխատում էր ուրախացընի հօր սիրաբ:

Եւ հիւանդը նայում էր, նայում ու լսում. Մի անգամ

Յակոբին այնպէս թւաց, թէ հօրդէմքը ցընցւեց ու աչքերում արցունք փայլեցին. Կարծես ձիգ էր անում, որ շըթունքը շարժի, մի բան ասի...

Յաջորդ առաւօտը, բժիշկը յայտնեց, որ հիւանդի դրութիւնը աւելի վատացելէ: Յակոբի սիրտը սաստիկ կոտրւեց, բայց ամեն կերպ զսպում էր իրեն, որ հայրը ոչինչ չընկատի: Միւս



կողմից իրեն այնպէս էր թւում, որ հիւանդը հիմա աւելի հաստատ էր նայում, աւելի ազդու ու քնքուշ, կարծես ուժերը քիչ ետ էին եկել. Նա աւելի յաճախ փորձեր էր անում մի բան ասելու:

«Է՞ն, բժիշկը սիրալւել է». իրեն յոյս էր տալիս տղան,

բոնում էր հօր ձեռքը ու անդադար կրկնում.

—Հանգիստ եղի՛ր, ապի՞ ջան, հանգիստ եղիր: Ա՛յ, շուտով կառողջանաս, այստեղից կերթանք. կերթանք մայրիկի մօտ. Մայրիկը, Մարթան, Աննան հիմի մեզ են սպասում. մի քիչ էլ համբերի, մի քիչ էլ...

գ.

Հիւանդը մրափում էր. Ու Յակոբը տխուր ու տրտում, վախով, յոյսով ու չարչարւած հոգով նստել էր նրա կողքին, ձեռքերը կրծքին, գլուխը քաշ արած: Յանկարծ կից սենեակի դռնից լսւեց մի ծանօթ ձայն, որ ասում էր.

—Մնաս-բարով, քուրիկ, շատ շնորհակալ եմ:

Զայնը շատ էր հարազատ: Տղան ետ նայեց. տեսաւ մի մարդ ահազին կապոցը կոնատակին, ետեկիցն էլ գթութեան քոյրը:

—Յակնք,—աղաղակեց մարդը ու վրա վազեց:

—Ապի, ապի.—պոռաց տղան ուրախութիւնից խեղղւելով ու ընկաւ հօր գիրկը:

Գթութեան քոյրը, սպասաւորները, բոլոր այնտեղ գըտնւողները մնացել էին ապշած:

—Որդի ջան,—խօսեց հայրը.—դու էստեղինչ ես զինում. ես էնքան սպասեցի քեզ. մայրդ գրել էր, որ գալու ես.

—Ես հինգ օր է էստեղ եմ, ապի. Բայց, տես... էստեղ...

Ու մատով ցոյց տւաւ հիւանդը:

—Քեզ բերել են ուրիշի մօտ. էտ ինչպէս է պատահել.—գլխի ընկաւ մարդը, քիչ մտածեց զարմացած ու աւելացրեց.—ինչ և է. դէհ, գնանք. ես արդէն հիւանդանոցից դուրս եմ գալիս: Աստւած իմ, ով կարող էր էս տեսակ բան երկալայի:

Յակոբը առանց հօրից պոկ գալու՝ կրկնում էր միայն.

—Որչափ ուրախ եմ, որչափ ուրախ եմ. այն ինչ սարսափելի օրեր էին:

—Դէ, գնանք.—կրկնեց հայրը:—իրիկունը տանը կը լինենք. մայրդ հիմի անհանդիստ կը լինի:

Տղան շուռ եկաւ, նայեց հիւանդին, որ այդ ըոպէին աչքերը բաց էր արել ու նմանապէս նրան էր նայում:

—Զէ, ապի: Տես, այդ ծերունին. ես գրան հինգ օր խնամել եմ. ես քո տեղն էի գրել նրան. տես, ինչպէս ինձ է նայում. մեղք է. լաւ չէ, որ ես նրան մենակ թողնեմ: Ես գիտեմ՝ նա պիտի մեռնի: Ապի, թող ինձ նրա մօտ. թող մենակ չը մեռնի...

Մարդը մի նայեց որդուն, մի նայեց հիւանդին. դժւառանում էր թէ վճռի:

—Ո՞վ է այդ մարդը.—հարցրեց նա:

—Քեզ պէս մի գիւղացի. — պատասխանեց բժշկի օգնականը, որ վրա էր հասել: — Նա էլ օտարական է այստեղ ու քեզ հետ նոյն օրն է մտել հիւանդանոց: Ուշը վրան չէր, որ բերին:

—Մնացի, Յակոբ.—վճռեց վերջապէս հայրը կարճ վարանումից յետոյ:

—Երկար չի ապրի. — ասաւ կամաց բժշկի օգնականը:

Մարդը գրկեց որդուն, կրկին-կրկին համբուրեց ու գնաց:

Դ.

Յակոբը վերադարձաւ անկողնի մօտ և վերսկսեց իր հիւանդապահի պաշտօնը: Էլ առաջւայ պէս սիրաը չէր ճըմլում, Էլ առաջւայ պէս ծածուկ լաց չէր լինում գիշերը, բայց գարձեալ առաջւայ պէս սիրով ու համբերութեամբ խնամում էր հիւանդին, ժպտում, խօսում:

Երկու օր էլ անցաւ: Հիւանդը քանի գնում վատանում էր. դէմքը բոլորովին մթնել էր, շնչառութիւնը ծանրացել: Երեկոյեան բժիշկը յայտնեց, որ չի լուսացնի: Յակոբը կրկնապատկեց իր հոգատարութիւնը: Հիւանդն էլ չէր հեռացընում իր աչքերը տղայի դէմքից. Ինչ գգւանք, ինչ գորով կար այդ աշքերի մէջ...

Այդ գիշերը տղան ամենախն քուն չեղաւ:

Լուսաբացի մօտ էր, որ հիւանդը յանկարծ աչքերը բաց արաւ ու նորից նայեց տղային:

Տղան կուացաւ ու բռնեց հիւանդի ձեռքը:

—Չեռքս սեղմեց.—գոչեց յանկարծ ուրախացած:

Մօտ վազեց զթութեան քոյրը, նայեց, կամաց բռնեց տղայի թեից ու հեռացրեց անկողնից:

—Ինչու.—զարմացաւ տղան:

—Գնա, որդիս, քո սուրբ գործը վերջացաւ.—պատասխանեց զթութեան քոյրը:—Գնա, բախտաւոր եղիր. դու արժանի ես բախտաւոր լինելու:

Բժիշկը, օգնականը, ծառաները իսկոյն իրար ետևից եկան ներս ու մօտեցան ծերունու անկողնուն: Եւ Յակոբը նոր զլիսի ընկաւ, որ հիւանդը մեռել էր:

Գթութեան քոյրը մօտեցաւ, վերցրեց պատուհանի բաժակի միջից մի փունջ մանիշակ ու բերաւ տղային:

—Ա՛ռ, —ասաւ նա, —ուրիշ բան չունեմ քեզ տալու. առ, մեր հիւանդանոցից քեզ յիշատակ:

—Շնորհակալ եմ, —պատասխանեց տղան արցունքը սրբելով:—բայց գնալու տեղս հեռու է, մանիշակները ճամփին կը թառամեն. թողէք՝ տամ իմ խեղճուկ ննջեցեալին:

Մօտեցաւ սփուեց ծաղիկները մահճի վրայ: Եւ ուզում էր մնաս բարով ասի, բայց չգիտէք՝ ինչպէս անւանի նրան. յանկարծ շրթունքներից դուրս թռաւ այն սիրելի անունը, որ տալիս էր նրան հինգ ծանր օրերին.

—Ա՛պի, մնաս-բարով...

30. Յորնատէրն ու ջաղացպանը

ա.

Մէկը ցորեն տարաւ ջաղաց,

Էդ ցորենից ալիւր տղաց.

Ջաղացպանն էլ բաղարջ եփեց,

Թոնրից հանեց, մէջտեղ դըրեց.

—Եղի պատմենք մի-մի լաւ բան.

Ումը լինի սուր, դուրեկան,

Էս բաղարջը թող նա ուտի.
ու չը նայենք դորդի, սուտի:

Բ.

Ցորնատէրը՝ թէ ես ասեմ.
ջաղացպանը՝ թէ կը լսեմ:

—Մենք ունէինք մի մեծ աքլար,
որին ընկեր մի տեղ չը կար.
հերու էր թէ մէկէլ տարին
հայրըս հեծաւ էտ աքլարին
գընաց լոռի, ցորեն բերի:
ձանապարհին չի նկատում
մի գայլ ձիու կողն է ուտում.
զնում հէրըս ուռ է բերում
ու աքլարի կողը գործում,
լւանում է ու ջուր ածում,
նորից հեծնում է աքլարին,
ման է գալի կըլոր տարին
ու հազար փութ ցորեն բարձած,
ինքն էլ բեռան վրա նըստած,
գալիս կանգնում է մեր գըուան:
Մենք շինեցինք մի ելարան,
ելանք, հօրըս ներքեւ բերինք,
բեռով ցորենն էլ ներս դրինք.
Էն ցորնիցն է, որ դու ահա
ես բաղարջն ես թխել հիմա:

Գ.

Ջաղացպանը՝ թէ ես ասեմ.
ցորնատէրը՝ թէ կը լսեմ:

—Մենք ունէինք մի մեղրաճանճ,
համ պող ունէր, համ էլ ականջ.

մէկ օր ճանճը փախաւ տանից,
հօրըս պարապ արաւ բանից.
խեղճը գընաց, շատ ման եկաւ,
բայց գիծ ճանճը էլ ձեռք չընկաւ:
վերջը հայրըս դարձաւ գեղը,
մօրիցս առաւ մեծ ասեղը,
տարաւ տընկեց գոմի կտրան
ու ջուխտ ոտով ելաւ վրան.
մէկ էլ տեսաւ դաշտի միջին
որ գութան են լրծել ճանճին:
Տուն տընովի դաշտ վազեցինք,
ճանճին գութնից արձակեցինք
ու տուն բերինք բըռնած պոչից,
բըռնած գըժի ջուխտ ականջից:
Բայց արի տես՝ մեր առիւծը
տըրորել էր իրա ուսը.
հայրս քաշեց իր դըմբուզը,
ջարդեց մի մաղ տան ընկուզը
ու ընկուզից հանած եղը
քըսեց ուսի ցաւած տեղը:
Ամուն օր էր, սիրուն, պայծառ,
խկոյն ուսից բուսաւ մի ծառ.
ծառը տեսաւ մի մեծ ագռաւ,
խկոյն ճիւղքի վըրա թառաւ:
Մի հողի կոշտ հայրըս առաւ,
էն ագռաւին վրա արաւ.
կոշտը ցըրւեց, դարձաւ մի հող՝
Մի օրավար վարելահող:
Երբ որ եկաւ հասաւ մարտը,
ցորեն արինք մենք էն արտը.
մտանք յունիս՝ ընկաւ քաղը,
ես վեր առայ սուր մանգաղը

մըտայ արտը ու քաղեցի,
 բայց մի սաստիկ ճիչ լըսեցի:
 Խեղճ աղւէսը, էն անմեղը,
 ցորնի միջին քնած տեղը,
 իմ մանգաղին դարձել էր զոհ:
 իմ արածից ես էլ դըժզոհ
 բերի խեղճին ու քերթեցի,
 մորթին մըսից բաժանեցի.
 բայց ի՞նչ կասես՝ մորթու տակից,
 ետի ոտքի աջ կըունկից,
 մի թուղթ ելաւ ձեռքով ծալած
 ու միջին էլ զրչով գըրած.
 «Այ ցորնատէր, գնա քո բանին,
 բաղարջը տուր ջաղացպանին.»

Յորնատէրը զըլուխը ցած
 ալիւրն առաւ, զընաց քաղցած:

Ո՞ւն է էստեղ ամենից թունդ սուտը. ո՞ւն է ամենից ամելի ծի-
 ծաղելի սուտը. ո՞ւն է ամենից զեղեցիկ սուտը:

31. Զնագնիի

ա.

Բաղալն ու ես վաղուց թշնամի էինք: Դեռ անցեալ գար-
 նան էր, որ նա իմ կոճիները չուռ արաւ ու փախաւ: Էն օր-
 ւանից մենք թշնամիներ էինք և միշտ առիթ էինք փնտոռմ
 իրար վսասելու, իրարից վրէժ հանելու: Ամառը մի քանի ան-
 գամ ես նրանց արտը արածեցրի, նա մեր բոստանը քանդել
 տւաւ. աշնանը մի անգամ տաւար արածեցնելիս միմեանց
 հայհոյեցինք, քիչ մնաց կուէինք, բայց միւս տաւարածները
 չը թողին: Այս վերջին գէպքից յետոյ մեր թշնամութիւնը սաստ-
 կացաւ ու երկուսս էլ սպասում էինք, թէ երբ կըլինի որ մի

օր իրար պատահենք։ Եւ մի անգամ «իրար պատահեցինք» ու շատ զօռ պատահեցինք...

Սպիտակ ամպը բռնել էր երկինքը. սարերը չէին երևում, կարծես թէ երկինքն ու երկիրը մօտեցել էին և ուզում էին գրկախառնւել։ Լեռնային ձիւնի թաւ փաթիլները արագ-արագ փրթում էին. բուք ու քամի չըկար և ձիւնը հանդարտ դիզում էր ու դիզում։

Ես, Կոստին, Ալէքն ու Խէչանը մտադրւել էինք այդ օրը աղբէւրի սառածի վրա կոճի խաղանք, բայց որովհետև թագա ձիւն էր գալիս, պէտք էր ուրեմն ձնագնդի չաղացնէինք։ Այդ դէպքին ես վաղուց էի սպասում, որ կարողանամ իմ հակառակորդի քիթ ու պոռւնգը արնացնեմ։ Դրա համար էլ առաւտեան հացից յետոյ ուրախ-ուրախ տրեխներիս մէջը խոտ դրի, արխալուխիս կոճակները պնդացը, գառան մորթէ գուակս զլուխս պնդացը, մորթալի մորթուց իմ ձեռքով կարած թաթմաններս անցկացը ու դուրս թռայ։

—Պա, պա-պա, երեխէք, ինչ ձիւն է...—ասաց Կոստին։

—Աչք ու ականջ պիտի լցնեմ, հա,—ասաց Ալէքը ձիւնագնդեր պատրաստելով։

—Ո՞չ, տղէքք, երեքով շատ քիչ ենք, խաղը համ չի ունենայ։ Դու մեզանից պուճուր ես,—դարձաւ ինձ Կոստին, —գնա գեղամէջը, երեխաններին ասա՝ զան։

Ճամփին ինքս ինձ մտածում էի. «Ախ, ինչ լաւ կըլինի, որ Բադան էլ գայ, ինչ լաւ կը ջարդեմ նրան։ Կոստին հօչի թողնի, որ նա ինձ ծեծի»։

Ի.

Տասը բոպէից յետոյ մենք մօտ քսան հոգի հալա-հալա էինք եկել և Կոստինի ու Ալէքի մայրութեամբ, իբրև երկու թշնամի բանակներ կանգնած էինք իրար դէմ։

—Դէ, երեխէք, վրա տւէք,—հրամայեց մեր հրամանատար Ալէքը։

Զիւնի գնդակները կարկտի նման թափում էին երկու կողմից. մի քանի բոպէ ոչ ոք չէր կարողանում յաղթի. յետոյ սկսեցինք օհչ-քիչ միմեանց մօտենանք: Հրտգհետէ մեր գնդակները կորցրին իրենց ձեր, մենք ուղղակի ձիւնի ահագին կտորներ էինք թափում իրար վրա: Նրանց կողմից Բադալը մի գնդակով աչքիս խփեց. ես էլ չը համբերեցի, հասայ բռնեցի նրան և ձիւնի մէջ գլորեցի:

—Մեռելթաղուկն սկսւեց,—զոչեց Կոստին, և ամեն մէկս մէկին բռնած գլորում էինք ձիւնի մէջ. Երես, քիթ, պոռւնգ,



գլուխ, ամեն ինչ սպիտակ էր, միայն ձիւնն էր, որ երևում էր:

Ես ու Բագալը ոչ թէ խաղում, այլ կռւում էինք. ձիւնի մէջ թաղւած քլորում էինք իրար, այլ և կրծոտում միմեանց, բոլորը թափւել էին մեզ վրա միմեանցից ազատելու, չէինք պոկւում, կպել էինք և ձիւն էինք ճրխտում միմեանց քիթ ու բերան: Վերջապէս հեռացրին իրարից: Բաղալի քթից արիւն էր գնում և նկարչական գունաւորութեամբ ներկում սպիտակ ձիւնը: Ոչ ոք ուշադրութիւն չը դարձրեց այդ բանի վրա:

Ոչինչ չէի զգում. ոչ միայն ձեռներս ու ոտներս, այլ և ամբողջ մարմինս ընդարմացել էր: Ընկերներիս բոլորի շրթունքներն էլ կապտել էին, այտերը կարմրել:

—Հէրիք է, երեխէք,—ձայնեցին մայրերը և մենք ստիպւած էինք ետ դառնանք:

Իրարից հեռացանք, տեսայ թաթմաններս չը կան և ձախ աչքիս մէջ ինչ որ բութ ցաւ էի զգում:

—Երեխէք, հւմ աչքն է ցաւում—ասաւ Ալէքը, —թող գնայ, աղբիւրումը լւանայ:

Ես ու մի ուրիշը վազեցինք, սառը ջրով լւացւեցինք, և իրաւ, ցաւն անցաւ. բայց այժմ էլ ձեռներս ու ոտներս սկսեց մըժմըժալ, մոմոալ:

—Կօստի, Բագան ու Սիմակը կուած են, արի նրանց հաշտեցնենք,—ասաւ Ալէքը:

—Դէ, հաշտեցէք, երեխէք, թէ չէ ականջներդ կը քոքեմ,—հպարտ ու հրամայող ձայնով ասաւ Կօստին:

—Հիմի էս է փէտացել ենք, հիմի գնանք տուն. ճաշից ետը կը հաշտեցնենք,—վճռեց Ալէքը:—Երեխէք, ճաշից ետը էլի ետ կը գաք. նշանի խփենք, իմացաք, կը գաք հա...

Այս հրամանից յետոյ յրւեցինք: Զեռներս ծոցս դրած, վազեցի մեր գոմը նարգիզ կովի շնչով լտաքանալու: Վազում էի ու յամառութեամբ մտածում.

—Տեսնենք, հնց էք հաշտեցնում:

Դ.

Ճաշից յետոյ մէկ ասի՞ չը գնամ, բայց վերջը չը համբերեցի ու գնացի: Բոլորը կալերումն էին:

Նշանի պիտի խփէինք: Մայրերը հերթ նշանակեցին՝ թէ ով ումնից յետոյ պէտք է խփի նշանին: Ապա սկսեցինք նշանը շինել:

Նշանը ձիւնից շինած մի մարդ էր, մի ձիւնէ ահազին արձան, հինգ րոպէում շինեցինք:

—Դէ, երեսին ցեխ քսենք ու նշան դնենք:

Բայց ցեխ գտնելը այնքան էլ հեշտ չէր, որովհետև ձիւնը խոր էր և գետինն էլ սառած:

—Աղբիւրումը կը լինի, աղբիւրումը,—ասաւ մէկը և բոլոր էլ վազեցինք դէպի աղբիւրը:

Մեր խաղերին թամաշա էին եկել հասակաւորները և նոյն խոկ մասնակցում էլ էին և նշանի խփելիս քաջալերում աջող խփողին:

Իրիկնաղէմին հասակաւորները, որ տուն գնացին ու մնացինք մենակ երեխաներս, մէկ էլ լսւեց Ալէքի ձայնը.

—Դէ, տղէրք, եկէք Բաղալին ու Սիմակին հաշտեցնենք:

—Հաշտեցնենք, հաշտեցնենք—կանչեցին ամեն կողմից:

Ես ոտն առայ, սկսեցի փախչել դէպի մեր տունը: Բաղալն էլ ուզեց ծկվի իրենց տունը: Մեր ետևից հասան, բռնեցին:

—Զեմ ուզում, չեմ ուզում, չեմ հաշւի.

—Բա մայրերն ի՞նչացու են, թէ որ նրանց հրամանին լսելու չես:

Զօռով քաշեցին ու կանգնեցրին ինձ ձիւնի արձանի առջև. միւս կողմից էլ ձիւնի մէջ թրեելով՝ բերում էին Բաղալին:

—Խոռվելը լաւ բան չէ. խոռվաններին տեսնում էք՝ տանը հաց չեն տալիս,—խրատում և յորդորում էին Ալէքն ու Կոստին, որոնք ամենից հասակաւորներն էին մեր խաղըներների մէջ:—Համբուրւեցէք:

Ամենքը մեր շուրջը հաւաքւեցին:

—Չեմ ուզում: Սիմակը ի՞նչու մեր արար արածեցրեց, —ասում էր Բաղալը:

—Աբա, դժւ չէիր որ իմ կոճին չուռ արիր:

—Կոճու ժամանակը չէ, կոճու ժամանակը չէ,—աղաղակեցին ամեն կողմից—կոճի չենք ուզում. հիմա ձնագնդի ենք խաղում: Հաշտեցէք, հաշտեցէք թէ չէ՝ էս է ձնագնդին գալիս է, էս պապը վկայ, —հանաք էին անում մեր ընկերները և ինձ ու Բաղալին իրար կողմը հրում, իրար սեղմում: Այնպիսի

աղմուկ աղաղակ բարձրացաւ, որ շշկւեցի, էլ չիմացայ, թէ
ինչպէս Բաղալի ձեռքն առած համբուրեցինք:

—Հուռա, հաշտւեցին, տղէրք, հաշտւեցին,—ծափ տւին
բոլորը ու առաջւանից աւելի եռանդով ձիւնին կպան:

¶

Արդէն մթնում էր. ցրտից սառել կապտել էինք, երբ ձիւնէ
արձանը քար ու քանդ անելով վազեցինք ամեն մէկս մեր
տաւարը ջուր տալու:

—Իմ գլխին էս ի՞նչ բերին Կօստին ու Ալէքը, Է,—ասում
էի կատաղած ինքս ինձ՝ Նարգիզ կովին ջուր տալիս:—Եզուց
ես նրանց հախիցը էնպէս գամ որ...

Այնուամենայնիւ երբ առաւօտեան դուրս վազեցի ու տե-
սայ, որ ձիւնը երեկւանից շատ է եկել, գետինը փափուկ փա-
փուկ ծածկել.

—Հայ-հայ.—Ճայն տւի ուրախ-ուրախ:

—Հէյ, հէյ,—լսւեց այն կողմից Բաղալի ճայնը:—Բարի
լոյս, Սիմակ: Էսօր ճնագնդի պիտի խաղանք:

—Բան,—կանչեցի ես:—Եւ դեռ ո՞նց...

Այդ օրը այնպէս չաղացրինք ճնագնդին, որ իրիկունը
միայն տուն վերադառնալիս յիշեցի, թէ ուզում էի Ալէքից և
Կօստինից վրէժ առնէի: Համա թէ պրծան իմ ձեռքից, հա...

32. Պոչատ աղւեսր

Փախաւ աղւեսը,
փախաւ թակարդից,
բայց պոչի կէսը
թողեց նա ներսը:
Էտպէս պոչատ,
պոչից անջատ,
գնաց ասաւ ընկերներին.

—Այ ձեզ մատաղ, ես ձեր գերին,
 դէն զցեցէք ձեր պոչերը,
 ի՞նչու են պէտք էտ փշերը.
 դրանք զարդ չեն ու զարդարանք,
 այլ մեր գլխին պատիժ, փորձանք,
 գետնի աւել,
 վազքի խափան,
 մեզ անվայել
 աւելորդ բան:
 Էտոտեղ մի ծեր վարպետ աղւէս
 ասաւ նրան՝ «Ապրես, ապրես,
 այ ծակամուտ թոռիս թոռը,
 էտքան չեն տայ խելքին զոռը.
 բա քանի որ տեղն էր պոչըդ,
 ի՞նչու չարիր դու էտ կոչըդ»:

Աղէսն ինչու էր ուզում միաների պոչն էլ կտրել տայ:

33. Գրագրի տղան

ա.

Յովսէփը ծխական դպրոցի վերջին դասարանի աշակերտ
 էր: Հայրը երկաթուղու վարչութեան մէջ գրագրի պաշտօն
 ունէր: Ընտանիքը մեծ էր, ոռոճիկը աննշան. խեղճ էին ապրում:
 Հայրը որգուն շատ էր սիրում, զգւում էր, զիջող էր, միայն
 շատ խատապահանջ ուսման համար: Անհրաժեշտ էր, որ
 Յովսէփիկը կարելի եղածին չափ շուտ պաշտօն գտնէր, իսկ
 պաշտօն գտնելու համար պէտք էր որ լաւ սովորի: Թէև տղան
 ծոյլ չէր, բայց հայրը դարձեալ շարունակ դրդում էր նրան:
 Ինքը հայրը արդէն հասակը առած և չափազանց աշխա-
 տանքից անժամանակ ալեսորած մի մարդ էր: Ընտանիքի ապ-
 րուստը հոգալու համար՝ նա պաշտօնից դուրս էլ գրագրու-

թիւն և ուրիշ գործեր էր յանձն առնում և գրեթէ ամեն գիշեր գրում էր. Վերջերս մի գրավաճառ, որ գրքեր ու շաբաթաթերթ էր հրատարակում, նրան յանձնեց բաժանորդների հասցէն գրելը: Ուղարկում էր թղթէ գօտիները, որոնց վրա հայրս պիտի գրէր ուղարկւելիք քաղաքը, փողոցը, թիւը և ստացողի անունն ու ազգը: Խոշոր ու պարզ գրւած հինգ հարիւր հասցէի համար վճարում էին երկու ըուբլի: Տաժանելի աշխատութիւն էր. հայրս յաճախ գանգատում էր ճաշի ժամանակ.

—Աչքերս տկարանում են. մաշւեցի ես այս գործի վրա:

—Թաղ, հայրիկ, ես քո տեղը արտագրեմ.—ասաւ մի օր տղան.—մեր ձեռագիրները իրար նման են:

—Ոչ.—պատասխանեց հայրը կտրուկ. —գու ուսանում ես. քո ուսումդ ծրաբներից աւելի կարեոր է. գու քո գործը տես:

Յովսէփիկը ճանաչում էր հօր բնաւորութիւնը, ել այդ մասին ոչինչ չասաւ. բայց ահա թէ ինչ արաւ:

Հայրը սովորաբար ուղիղ կէս գիշերին թողնում էր գրելը, ետ էր հրում աթոռը ու հանդարտ քայլերով գրասենեակից անց էր կենում ննջարան: Մի գիշեր որդին արթուն սպասեց անկողնում մինչև հօր պառկելը. յետոյ կամացուկ վեր կացաւ, հագաւ շորերը, խարխափելով մտաւ գրասենեակ ու լամպը վառեց: Գրասեղանի վրա դրւած էր գօտիների մի դէզ և հասցէների ցուցակը: Յովսէփիկը սկսեց արտագրելը, աշխատելով հօր ձեռագրին նմանեցնի: Աշխատում էր հաճութեամբ, ուրախութեամբ, բայց և վախով. երբեմն երբեմն կանգ էր առնում, ականջ էր զնում ու նորից սկսում էր գրելը աւելի մեծ եռանդով: Այսպէս նա արտագրեց հարիւր եօթանասունը հինգ հասցէ, վաստակել էր ուղիղ տասը շահի: Ել թողեց գրելը, ամեն բան սեղանի վրա կարգի բերաւ, լամպը մարեց ու ոտի մատների վրա գնաց մտաւ անկողին:

Հայրը ուրիշ հոգսերով զբաղւած՝ առհասարակ մեքենաբար էր գիր գրում և իր աշխատանքը միայն ժամերով էր

չափում, ուստի և չը նկատեց որդու արած խաղը։ Միւս օրը
ճաշին հայրը շատ լաւ էր տրամադրւած։

—Դու չըգիտես, Յովսէփիկ ջան, թէ հայրդ ինչպէս լաւ
է աշխատում հիմա. երէկ գիշեր երկու չնչին ժամում ամ-
բողջ գործիս կէսը աւարտել եմ։ Դեռ երբէք այդպէս չէր
եղած. ուրեմն դեռ ձեռքս աջող է ու աչքերս կորովի։

Յովսէփիկը հրճում էր սրտի խորքում ու վճռեց այդ-
պէս էլ շարունակի։

Բ.

Եւ ամեն գիշեր, ժամը տասներկուաը խփեց թէ չէ, հէսց
որ հայրը գնում էր պառկելու, ինքը անցնում էր նրա տեղը
ու սկսում արտագրութիւնը։ Բայց այդպէս իր քունը կարճե-
րով առաւօտները ուշ էր զարթնում, յոգնած էր վեր կենում,
ու դասերն էլ կարծես ակամայ էր սովորում, նիրհը տանում
էր գրքերի վրա. Հայրը նկատեց, նախ քիչ խոժոռեց ու վեր-
ջապէս յանդիմանեց։

—Դու փոխւել ես, Յովսէփիկ. ծուլանում ես, լաւ չէ։ Ամ-
բողջ մեր ընտանիքը ապրում է քո յուսով... Ես քեզնից դժ-
գոհ եմ, հասկանո՞ւմ ես։

Այս առաջին խիստ կշտամբանքը շփոթեց տղային։

«Չէ, մտածեց նա, այսպէս շարունակել չի կարելի. այս-
պէս խաբելը լաւ չէ...»

Բայց նոյն օրը ճաշի վրա հայրը յայտնեց ուրախ-ուրախ,
որ այդ ամիսը տասնըշորս ըուբլի աւելի է աշխատել, քան
նախորդ ամիսը։ Ամբողջ տասնըշորս ըուբլի։

«Չէ, սիրելի հայրիկս,—մտածեց տղան—ես քեզ նորից
պիտի խաբեմ։ Ցերեկները կը ջանամ դասերս աւելի լաւ սո-
վորեմ, իսկ գիշերներն էլ քեզ ու մեր տան համար փող կաշ-
խատեմ»։

Ու սկսեց բոլոր ուժովը աշխատելու. բայց քանի գնում
էր յոգնութիւնը աւելի էր սաստկանում ու գաղտնիքը պա-
հելն էլ օր-օրի աւելի դժւարանում։ Այսպէս անցաւ երկու

ամիս. հայրը շարունակ տրտնջում էր որդու ցրւածութիւնիցն ու ծուլութիւնիցը, կշտամբում էր և վերջապէս գնաց դպրոց վարժապետից տեղեկութիւն հարցնելու:

—Նա ուրիշներից ետ չի մնում.—պատասխանեց վարժապետը.—ետ չի մնում, որովհետև ընդունակ է, բայց առաջւայ պէս ուսման սէր ցոյց չի տալիս այլես. Պատահում է, որ դասի ժամանակ ընում է, յօրանջում է, անուշադիր է: Շարադրութիւնները շատ կարճ է գրում, վայրիվերոյ. կարող էր շատ աւելի լաւ պարապել...

Նոյն իրիկունը հայրը մի կողմ տարաւ Յովսէփիկին և խստութեամբ ասաւ.

—Տեսնում ես, որ ես չարչարւում մաշւում եմ մեր ընտանիքի համար. Դու ինձ օգնելու մասին բնաւ չես մտածում. դու անսիրտ ես. Քո փոյթը չէ ոչ հայրդ, ոչ մայրդ, ոչ փոքրիկ եղբայրներդ...

«Ո՞ւ ոչ հայրիկ այդ մի ասի».—ուզում էր աղաղակի Յովսէփիկը, բայց ինքն էլ չէր իմանում ինչպէս՝ մնաց լուռ, զլուխը քաշ արած, ծնօանները սեղմած ու հեկեկանքը կոկորդումը խեղղելով:

Հէնց որ հայրը հեռացաւ, արցունքները դուրս թափւեցին աչքերից:

—Բան չը կայ, թող նա այդպէս մտածի. —ասաւ ինքն իրեն.—բաւականէ, որ ես թեթևացնում եմ նրան մաշող, ծանրաշխատանքը...

Եւ օրերը անցնում էին գիշերները աշխատելով, ցերեկները յոզնած ու վշտացած: Ամենից ծանրը այն էր, որ հայրը քանի գնում, այնքան սառչում էր որդուց ու շատ քիչ էր հետը խօսում:

Յովսէփիկը անքնութիւնից ու վշտից հետզհետէ աւելի էր նիհարում ու նւազում և դպրոցումն էլ աւելի վատ էր պարապում:

Մի երեկոյ մայրը նկատեց, երեխան հիւանդ էր:

—Ի՞նչ ունես, Յովսէփիկ, ի՞նչ է պատահել.—հարցը կարեցութեամբ ու դառնալով ամուսնուն աւելացրեց.—Յովսէփիկը հիւանդ է, տես՝ ինչպէս գունատել է:

—Շատ աշխատելուցը կը լինի.—ծաղրեց հայրը առանց գլուխը շուռ տալու:

—Բայց տղան հիւանդ է.—առարկեց մայրը:

—Է, հիւանդ է՝ կառողանայ, շատ հարկաւորս է,—վրա տւաւ հայրը անտարբեր:

Այս բառերը փշի պէս ծակեցին Յովսէփիկի սիրութ:
Պարզ զգաց, որ կորցրել էր հօր սէրը. իր հայրը առաջ այդպէս չէր. նա առաջ դողում էր որդու առողջութեան վրա:

Ոչ, սա արդէն իր ուժերից վեր էր. սիալ էր իր բռնած ճամփան. և վճռեց դադարեցընի գիշերւայ արտագրութիւնները, որ կարողանայ նորից իր դասերովը զբաղւի. թող մի հայրը նորից սիրի, ինքը յետոյ ուրիշ կերպով կաշխատի նրան օգնելու:

Գ.

Բայց ընդհատելուց առաջ՝ կամենում էր մի վերջին անգամ, գիշերային լոռութեան մէջ տեսնի այս սենեակը, ուր այնքան թաքուն աշխատել էր որդիական շերմ սիրով:

Վառեց լամպը: Ահա գօտիները. էլ չի գրելու այդ տեղերի անունները, այդ մարդկանց հասցէները... նա անգիր գիտէր արդէն բոլորը: Մի տիրութիւն իջաւ նրա սրտին: Վերցը րեց գրիչը և ուղում էր սկսի իր սովորական գործը մի վերջին անգամ, երբ յանկարծ դիպաւ մի գրքի. գիրքն ընկաւ ու աղմուկ հանեց. Յովսէփի արիւնը խփեց գլուխը. հապա եթէ հայրը զարթնէր: Շունչը բռնած ականջ էր դնում: Լոռութիւն: Ականջը մօտեցրեց դուան. ամենքն էլ քնած էին: Տղան միամըտւեց, եկաւ, նստեց ու սկսեց գրելը:

Գրւած գօտիների թիւը աւելանում էր: Նա լսում էր, թէ ինչպէս գիշերապահ ոստիկանը կանոնաւոր քայլերով անց էր կենում դատարկ փողոցից և ինչպէս ճոնչելով հանդարտ գնում

Էին սայլերը։ Յետոյ դարձեալ խոր լռութիւն, միայն հեռվից
լսւում էր շների հաշիւնը։ Իսկ հայրը արդէն կանգնած էր
նրա ետևը...

Նա զարթել էր գրքի ընկնելու աղմուկից, քիչ սպասել էր
ու ներս մտել։ Սայլերի ճոխնչը ծածկել էր նրա քայլերի
ձայնը ու դուան թեթև ճզզոցը։ Ալեոր գլուխը Յովսէփի սկ ու
գանգուր գլխի վրա կախ արած՝ դիտում էր նրա գրչի սահելը
թղթի վրայով։ Իսկոյն ամեն բան հասկացել էր, ամեն բան
յիշել։ Նա գամւել մնացել էր իր տեղում, շունչն ու արցունքը
բռնած...

Յովսէփիկը մի սուր ճիչ արձակեց. հայրը դողդոջ ձեռքե-
րով փարւեց նրա վզովը։

—Ների ինձ, հայրիկ.—աղաչեց մանուկը։

—Դու ինձ ների,—պատասխանեց հայրը հեկեկալով ու նրա
երեսը հազար անգամ համբուրելով։ —Այժմ իմացայ, այժմ
գիտեմ. Ես, ես եմ քեզնից ներողութիւն խնդրողը, ով իմ
սուրը երեխաս։

Գրկեց որդուն ու տարաւ մօր մօտ.

—Համբուրի, համբուրի սրան... սա մեր հրեշտակն է. սա
երեք ամիս չի քնել և ինձ համար աշխատել է։ Իսկ ես վիրա-
ւորում էի, վշտացնում էի որդուս, որ հաց էր վաստակում
մեզ համար։

Մայրը յուզւած գրկեց որդուն։

—Դէ գնա պառկի, հանգստացի։ —Կրկնում էր մայրը, հէնց
որ կարողանում էր մի բառ արտասանել. —տար, տար...

Հայրը ձեռքերի վրա տարաւ նրան, շորերը հանեց, պառ-
կեցրեց, բարձերը թափ տւաւ, վերմակը ծածկեց։

—Շնորհակալ եմ, հայրիկ, ինչ լաւ է, շնորհակալ եմ...
բայց ինքդ էլ գնա պառկի. ես այնպէս երջանիկ եմ, գնա,
հայրիկ, գնա քնի։

Բայց հայրը անպատճառ ուզում էր տեսնի որդու քնելը։
Եւ Յովսէփիկը իրաւ որ իսկոյն քնեց, ու քնեց երկար ու

Խոր առաջին անգամը այդ երեք ամսւայ անքնութիւնից յետոյք

Առաւօտեան, երբ աչքը բաց արաւ, արևն արդէն փայլում էր. իսկ նրա կողքին, իր բարձի ծայրին, հանգչում էր հօր սպիտակ գլուխը. Այդպէս էր անցկացրել նա ամբողջ զիշերը և տակաւին չէր զարթել...

1) Որդին ինչո՞ւ համար էր ներողովին խնդրում. հապա հայրը ինչո՞ւ համար:

2) Գիշերը հայրը ինչ էր զգում եւ ինչ էր մտածաւ քնած որդու սնարին.



34. Ազուր

Թկին տւաւ ազուր,
եկաւ նստեց մեր ծառին.
—Ղոաք, ղոաք, ղոաք...

Քշի, որդի, նրա ձայնը
գուշակիչ է միշտ չարին.
—Կրակ, կրակ, կրակ:

Հիմի էլ ցած՝ ծառի տակ:
ոստոստում է կըոկըոռում.
—Ղոռ, ղոռ, ղոռ...

Գնդակ կըպչի բըկիդ տակ,
քանի գոռաս անդադրում:
—Զոռ, չոռ, չոռ:

Ինչո՞ւ ազուրին չենք սիրում:

35. Աշկերտ Օհանը

ա.

Ծնունդի թաթախման իրիկունն էր: Գասպարենց Օհանը, ինը տարեկան մի տղայ, որին երեք ամիսէ ինչ աշկերտ էին տւել դերձակ Զաքարի մօտ, մենակ էր մնացել տանը: Դերձակն ու իր կինը, ինչպէս և բոլոր տանեցիք ժամ էին գնացել նրան էին յանձնել տունը պահելլ: Օհանը հէնց որ համոզւեց թէ էլ ոչ ոք չըկայ տանը և երեխան էլ հանգիստ քնած է օրօրոցում, զգուշութեամբ բարձրացաւ նստարանի վրա, ցած բերաւ տիրոջ թանաքամանը պահարանից, գտաւ մի տեղից ժանգոտած գրիշը ու մի կտոր ճմոտած թուղթ ծոցից հանելով, ուղղեց ու փոեց իր առջե: Բայց առաջին տառը դուրս բերելուց առաջ, մի քանի անգամ վախվիսելով նայեց դուան ու պատուհանների կողմը ու ծանր հոգւոց հանեց: Թուղթը դրել էր նստարանի վրա, իսկ ինքը չոքել յատակին: Սկսեց գրելլ:

«Իմ կարօտալի Գասպար պապի, էս գիրը ես եմ քեզ գըրում, քո թոռ Օհանը: Ծնորհաւոր Ծնունդ և Մկրտութիւն, Աստւած քեզ շատ տարիներ պահի ինձ համար: Ոչ հէր ունեմ ես, ոչ էլ մէր, դու ես մենակ ինձ մնացել»:

Օհանը աչքը դարձրեց պատուհանին, որի ապակու մէջ արտացոլում էր կեղտոտ լամպի լոյսը, և նրան այնպէս թւաց թէ տեսնում է այնտեղ Գասպար պապին: Նիհար, կարճլիկ ծերունին ահա կանգնած է եկեղեցում, դուան մօտ. գզզւած փափախը դրած գետնին, ոտների մօտ. սուրբերի պատկերի առջե վառւող իստակ մոմերը լուսաւորում են նրա նիհար, դեղնած բարի գէմքը. բարակ շրթունքները անխօս աղօթք են մըմնջում: Զորացած ձեռները վերև պարզած, պղտոր աչքերը մի կէտի յառած նա կարծես քարացել է:

—Երեկի, հիմա ինձ համար է աղօթք անում.—մտածեց ու շարունակեց գրելլ.

«Երէկ ինձ լաւ զնգսեցին: Խաղէինը քաշէքաշ թրկ տւաւ ինձ դուրս և զնգսեց, որ երեխին օրօրելիս քունս տարել էր: Անցած կիրակի էլ կնիկը տւել էր մի չորացած ձուկ, որ իստակեմ, պոչիցն էի սկսել իստակելը. ձեռքիցս ձուկը խլեց ու մէկ թէ երկու, էնպէս տւաւ քթիս, որ դունչ ու պռունգս արնոտեց: Աշակերտներն էլ վրաս ծիծաղում են, պապիրոսի են ղրկում, խանութից արաղ են բերել տալիս, մազերիցս քաշքշում են, իսկ խաղէինս ամեն օր հազար անգամ ծեծում է: Առաւոտը մի կտոր չոր հաց, կէսօրին մի աման ապուր, իրիկնապահին էլի մի կտոր չոր հաց, իսկ իրենք առաւոտ իրիկուն ուտում արաքւում են: Քնացնում են սառը հաշտում. երեխէն որ լաց է լինում, հօ իսկի չեմ քնում, երեխին եմ օրօրում: Պապի ջան, Աստծու սիրուն, առ ինձ էստեղից, տար գեղը, էլ չեմ դիմանայ: Զեռքդ եմ պաշում, աղաչում, տար ինձ էստեղից:»

Օհանի բերանը ծուեց. սևացած բոունցքով աչքի արտասուրը սրբեց, հեծկլտաց, յետոյ նորից շարունակեց.

«Ես գեղի ոչխարը կարածացնեմ, քո տեղակ ջաղացում ծառայութիւն կանեմ, Աստծուն քեզ համար աղօթք կանեմ. թէ որ մի վատութիւն տեսնես՝ ծեծի, մեր բակի շան պէս ծեծի:

«Թիֆլիսը մեծ քաղաք է: Էստեղ ոչ ոչխար կայ, ոչ էծ, ոչ կով, ոչ գոմէշ:

«Ուփ, հիմի ով գիտի, ինչ ձիւն կը լինի մեր կտուրներին, կալերում, դաշտերում... էգուց տէրտէրը կը զայ տնօրհնէք. երանի կը հարցնի Օհանի մասին, երանի կը յիշի, ինչպէս էր ինձ զաս տալիս և զրել կարդալ սովորեցնում:»

Օհանը ծնօտը դրաւ ափին ու քիչ մտաբերեց իր հանգուցեալ մօրը. և յետոյ յանկարծ գրիչը վերցրեց ու շարունակեց.

«Արի, պապի ջան, թէ Աստւած կը սիրես, ինձ էստեղ մի թող, մեղք եմ: Սիրտս վակւել է, աշխարհը աչքիս չի երկում,

ողջ օրը մէկ գլուխ լաց եմ լինում։ Պապի ջան, կորած եմ... Կարօտով բարեներս յիշի Հոռոմսի մօքիրին, շղիկ Պէտօին, պաչ արա մեր Ասլան շան դունչը, իսկ իմ մեծ շւին ոչ ոքի չը տաս։ Մնամ՝ Գասպարէնց Օհան։ Պապի ջան, շուտով արի»։

Օհանը չորս տակ ծալեց խազմզած թուղթը ու գրաւ ծրարի մէջ, որ նախորդ օրը մի կոպէկով առել էր... Մի քիչ մտածելուց յետոյ զրիչը թաթախեց և խոշոր տառերով գրեց հասցէն.

«Մեր գեղը, Գասպար պապիս։

Յետոյ գլուխը բորեց, մի քիչ մտածեց ու ժպտաց։ Նա շատ գոհ էր, որ ոչ ոք չը խանգարեց զրելիս, գիշարկը ծածկեց ու շապկանց դուրս վագեց փողոց։

Նրան ասել էին թէ նամակները պէտք է փոստարկը գցել. այստեղից յատուկ մարդիկ հանում են, աշխարհի ամեն

կողմը տանում կառքերով ու երկաթուղիներով։ Օհանը վազէվազ մօտեցաւ առաջին փոստարկին ու ձգեց թանկագին նամակը նրա ճեղքի մէջ...

Քաղցը յօյսերով օրօրւած, մի երկու ժամ յետոյ ամուր քնած էր...

Երազում տեսնում էր քուրսին։ Պապը նստած է քուրսու տակին ու լսում, իսկ գիւղի տիրացուն կարդում է նամակը։ Ասլանն էլ շուրջը պտտում է ու պոչը շարժում...»



- 1) Օհանի երազը պիտի իրականանայ։
- 2) Ի՞նչ տեսակ մարդիկ էին դեքձակ Զաքարենք։
- 3) Ո՞րն էր Օհանի գլխաւոր դժբախտութիւնը։

36. Ազուան ու աղւեսը

Բախտի բերմամբ
 թէ պատահմամբ,
 մի մեծ ազուաւ
 մի գունդ պանիր
 դաշտում գըտաւ,
 կըտուցն առաւ,
 ծառին թառաւ:
 Օ՛, ինչ պանիր, դեղին ոսկի...
 Բայց գեռ չառած համը իսկի,
 աղւէան անցաւ
 ծառի մօսով,
 գերւեց
 էրւեց
 պանրի հոսով:
 Վազեց գնաց բերնի ջուրը
 և թուլացաւ կուռն ու ճուռը:
 Են ժամանակ, իրա ձեին,
 ծառի տակից, աչքն ազուաւին,
 հեղիկ-նազիկ,
 փափկամազիկ,
 բացեց լեզուն
 անուշ-մեղուշ
 թափեց-չափեց
 շաքար ու նուշ.
 —Ի՞նչքան լաւն ես,
 ես քո գերին,
 քո էտ սկիկ

վառ աչերին,
 նուրբ ծալքերով
 զոյգ թևերին:
 Մի գու մըտիկ,
 էտպէս քըթիկ,
 էտպէս ճըտիկ,
 մախմուր ազին,
 խաս ու խումաշ
 ատլասն հազին:
 Գիտեմ, անշուշտ իմ քուրիկի
 ձայնն էլ կըլի հըրեշտակի:
 Երգի, քուրիկ, մի ամաչի,
 իմ ուղածը մի մեծ բան չի:
 Թէ որ չըքնաղ էտ տեսքիդ հետ
 երգելում էլ եղար վարպետ,
 օ, կը գառնաս, իմ սըրբուհի,
 թըռչունների մայր թագուհի:
 Ազուաւ ազին
 իրա մասին
 գովեստներից
 շըմած, ուռած,
 ազռաւային
 բըկովը մին
 որ չը կըռուց,
 պանիրն ընկաւ կոցիցը
 ցած.
 շողոքորթը որխից, գընաց:

37. Անտառում

ա.

Եղնիկները մրսում էին: Երկուսն էին, սեղմւել էին իրար մի ահագին եղևնու բնի տակին:

Ցուրտ ու մութ զիշեր էր. ու ձիւնը գալիս էր անդադար, գալիս ու իր թաւ սաւանը փոռում անտառի ծառերին, գետնին ու իրար սեղմւած եղնիկների վրա:

Եղնիկները սեղմւել էին իրար, պառկել էին, դունչ գունչի տւել և զգում էին վոխադաբար, որ երկուսի սիրտն էլ ծանը է:

Ի՞նչ սև զիշեր էր. ի՞նչ անախորժ ձայներ էր հանում սանձարձակ քամին. ծառերի մերկ գագաթները շիւռում էին իրար և օձի նման սըւսըւում. ու մի վատ նախազգացում, մի անորոշ երկիւղ մտել էլ երկուսի կուրծքն էլ:

Ծառերի տակ լսւեց բուփ ձայնը. խուլ անտառը մի զգելի ու այլանդակ արձագանք տւաւ: Եղնիկները սրեցին ականջները: Բուփ ձայնը կրկնւեց և անախորժ ձիգ տալով տարածեց սառած օդի մէջ.

Ի՞նչ վատ զիշեր էր... Քամին վչում էր, բռներով ձիւն էր լցընում եղնիկների ականջը ու ոռնում:

Եւ հեռուն բարձրից քամու հետ յանկարծ լսւեց մի ուրիշ ոռնոց. — Ունւ, ունւ, ունւ...

Եղնիկների շունչը կտրւեց ու վախից քարացան:

— Ունւ, ունւ. — լսւեց հակառակ կողմի սարերից, իբրև պատասխան առաջին ոռնալուն:

Ձիւնի ծանրութեանը տակ ահա կոտրւեց մի չոր ճիւղ ու ճրոճրուալով ընկաւ գետին:

Եղնիկները ցնցւեցին սարսափահար ու թռան ոտքի:

— Ունւ, ունւ. — կրկնւում էր զարհուրելի ոռնոցը միշտ աւելի ու աւելի մօտիկ:

Մի բնազդական անսանձ երկիւղ տիրեց երկու եղնիկնե-

րին. խելագար նայեցին դէս ու դէն և երկուսը միասին յանկարծ մի անգամից առաջ նետւեցին ու իրենց թեթև ոտների բոլոր ուժովը սկսեցին փախչել։ Փախչում էին նետի պէս, ծառերի բների միջով, ընկած կոճերի ու դիւլած ձիւների վրայով, փախչում էին դէպի ցած, դէպի ձորը...

Բ.

Իսկ վերը ծառերի մէջ փայլեցին շարժուն կայծեր. առաջ մէկը, երկուսը, բայց շուտով շատացան ու մօտեցան։

Եւ այստեղ, ահագին եղենու բնի տակ, ուր քիչ առաջ պառկել էին եղնիկները, կանգ առաւ քաղցած ու գազագած գայլերի փոքրիկ խումբը։

Ու նրանք անհանգիստ մինտոել սկսեցին. առել էին եղնիկների հոտը...

Մէկը վազեց աջ ու ձախ ծառերի մէջ. իսկ միւսները վրա ընկան ձիւնին, ետեի ու առջեի ոտներով յուսահատ ըսկսեցին փորել ձիւնը ու ետե ածել։ Ոչինչ չը կար. կանգ առան բոլորը միասին ու ձայն ձայնի տւին. — Ունե, ունե...

Կարծես իրենց յուսախաբութիւնն էին ողբում։

Նրանցից մէկը լոեց աւելի շուտ, վերև բարձրացրեց իր սուր քիթը, սկսեց սառն օդը ներս ծծել, կարծես իր քթին հարցնելիս լիներ, թէ ուր են գնացել եղնիկները։ Բայց օդից ոչինչ չը հասկանալով՝ նորից կոխեց քիթը ձիւնի մէջ, քիչ էլ փորփըրեց ու գտաւ եղնիկների բռնած ճամփան։

Ընկերները հետեւեցին, ու անդադար հոտոտելով գնացին բաւական տեղ եղնիկների հետքովը մինչև նորից կանգ առան։

Կատաղի քամին փչել էր ու աւելել ձիւնը, տարել էր դիղել ով դիտի՝ ուր. սրբել էր և եղնիկների հետքն ու հոտը։ Փչել էր ու փչում էր. փչում ու ոռնում մերկ ու դողահար ծառերի տակ...

Ոռնում էին և գայլերը իրար կողքի պըպըզած, դընչները քամուն, քաղցած ու խաբւած, ծանը ու զգւելի։

Եւ հեռւից բարձր սարերի վրայից գալիս էր նրանց պատասխանը:

«Ունւ, ունւ.» ձիգ, երկար ու չարագուշակ:
ՅՇ, սարսափելի զիշեր էր...



38. Քուն

Մէգ ու մշուշ, ձիւն ու ձմեռ...
Մունջ երկիրը քուն մտաւ,
ու ամեն ինչ խորին գիշեր
իր սկ թևի տակն առաւ:
Ծառ ու անտառ սառոյց հագած՝
քնած են լուռ ու շւար,
սառ վերմակը գլխին քաշած
մեռել են դաշտ, ձոր ու սար...
Ոչ մի շշուկ, ոչ մի ծպտուն,
ամենքը խոր մտել են քուն:

Ի՞նչ տարբերութիւն կայ այս զիշերայ ու նախորդ յօդածի զիշերայ մէջ: Ինչի՞ն է առաջանում այդ տարբերութիւնը:

39. Պայտառ Աւոն

ա.

Թրախկ-թրուխկ, զրախկ-զրուխկ... Դեռ հեռւից լսում էին պայտառ Աւոն ծանր մուրճի հարւածները, որ ներդաշնակ իջնում էին սալի վրա:

Ուրախ էր պայտառ Աւոն. ոչ մի հոգս չունէր: Վաղուց վճարել վերջացրել էր հօր թողած պարտքը և ընդարձակել պապական դարբնոցը: Նրա հմտութեան համբաւը հեռու տարածւել էր շրջակայ գիւղերում և ամեն օր տասնեակ գիւղացիք խռնում էին նրա մօտ անասուններին պայտել տալու, կամ որեէ կոտրած-ծռած բան դարբնել տալու:

Հանաքնների տոպրակ էր պայտառ Աւոն: Ամեն անգամ մի ձի պայտելիս այնքան կատակներ էր անում, որ ձիատէրը ծիծաղու ձեռքից բաց էր թողնում կենդանու ոտը:

Մենակ ժամանակն էլ նա անվերջ խօսում էր իր կռանի, սալի, հնոցի, փուքսի, կամ կայծերի ու շիկացած երկաթի հետ և զիլ ձայնով բարձր երգում նրանց գովքը:

Լուսաբացից մինչև մթնելը նա մի ըսպէ չէր հեռանում իր դարբնոցից. կիրակի օրերն էլ, երբ չէր աշխատում, կանգնած էր լինում իր դարբնոցի դռանը ու գիւղացիներին զւարճացնում իր սրախօսութիւններով:

Բ.

Այսպէս անցան շատ տարիներ, ուրախ ու երջանիկ:

Բայց մի օր անզգուշութեամբ հնոցից դուրս պըճած կայծերով կոպերը այրեց: Կոպերը բորբոքւեցին և աչքերը կուրացան:

Աւոն ստիպւած էր դարբնոցը կապալով տալու ուրիշին:

Էլ լոեց նրա անհոգ երգը, դադարեցին կատակները... և Աւոն մի անգամից ծերացաւ:

Ամեն օր ձեռքի փայտով ճամփան շօշափելով՝ առաւօտւանից գալիս նստում էր դարբնոցում և ականջ դնում իր

փոխանորդի մուրճի կուռ հարւածներին։ Սուր ականջով
նա ջոկում էր՝ թէ ինչ է անում դարբինը, և մէկ-մէկ կան-
չում։

— Գլխին տուր, գլխին...

Կամ՝ կրակը զցի, թող փափկի...

Ապա դառնում էր փուքսը փչող պատանուն.

— Փչի, փչի, հոգուդ մատաղ, փչի։ Ժաժ եկ, որդի, մի ա-
մաշացրու։

Ու չէր համբերում, վեր էր կենում տեղից, խարխափելով
մօտենում էր փուքսին, առնում էր պատանու ձեռքից կո-
թերը և սկսում ինքը փչելու։

— Տեսնում ես, մեր տղայ, ոնց պէտք է փչես, — կրկնում
էր երիտասարդ դարբինը։ — Սովորի, ապօրից սովորի։

— Զան-ջան, Աւո ապեր, — քաջալերում էին դարբնոցում
նստած գիւղացիք. — ափսնս ջահելութիւնդ, հա...

— Հերիք է, հերիք, շէն կենաս, ապեր, — վերջապէս ընդ-
հատում էր դարբինը. — յոգնեցիր, թող էտ ջահիլը փչի։

Պատանին նորից առնում էր ծերունուց փուքսի կոթերը
և շարունակում գործը։

Իսկ Աւօն քրտինքը սրբելով, դանդաղ գնում էր իր սովո-
րական տեղը, ծանր իջնում էր ձեռնափայտի կողքին, երկու
ափով բռնում էր գլուխը ու խորը «ախ» քաշում։

Թրախկ-թրուխկ, զրախկ-զրուխկ. փուհ հա փուհ, փուհ
հա փուհ։

Կոանը զարկում էր, փուքսը փչում ու նրանց ձայների
հետ միախառնուում էին դառն հոգոցները, որ գուրս էին թռչում
կոյր դարբնի տանջւած կրծքից։

1) Աւօն սկզբում ինչո՞ւ էր այնպէս ուրախ ու երջանիկ։

2) Կուրանալուց յետոյ ի՞նչն էր նրան տանջում։

3) Ի՞նչու էր ամեն օր զալիս դ'սրբնոցը նստում։

40. Դարբին

Կըուանը ձեռքին, զընդանն առաջին,
քիթ-երես մըրոտ, դարբնոցի միջին,
կաշւէ գոգնոցը առաջը կապած,
լոիկ կանգնած է մեր Խէչօ ամին։

Փուքսը—փնւհ հա փնւհ, փչում է, փչում,
կայծեր ու մոխիր դէս ու դէն փոռում.
Երկաթի մի շերտ հընոցը կոխած,
սաստիկ տաքիցը վառուում, կարմրում։

Խէչօն հանում է երկաթի շերտը,
զնդանի վրա կոանով ծեծում,
շինում նըանից պայտ, մեխ ու կացին
և իսկոյն ջրի տաշտակը կոխում։

Թշշում է երկաթը ցուրտ ջրի միջին,
ամպի պէս փոռում տաք-տաք գոլորշին,
կրկին պնդանում, կրկին փափկանում,
մինչև որ պատրաստ, շպրտում գետին։

Կուում է Խէչօն, տքնում, աշխատում
մըրոտ ու նեղիկ դարբնոցի միջին,
կաշւէ գոգնոցը առաջը կապած,
կըուանը ձեռքին, զընդանն առաջին։

Ինչու է Խէչօն տքնում ու աշխատում։ Մարդիկ ինչո՞ւ են աշխատում։

41. Արու-Հասանի մաշիկները

ա.

Ո՞վ չէր ճանաչում Բաղդադում Արու-Հասանի հոչակաւոր մաշիկները, այն կողմերում հւմը յայտնի չէին Արու-Հասանի երևելի մաշիկները:

Քթերը թափած, կրունկների մէկը դէսը, միւսը դէնը ծուած, հազար տեղից ծակ-ծակ, գոյնը վաղուց թռած, քըրքըրուած, կեղտոտ մաշիկները նմանը չունէին ամբողջ Բաղդադում:

Ծերունիները հազիւ էին յիշում այն օրը, երբ այդ կօշիկները առաջին անգամ զարդարեցին Արու-Հասանի ոսկրոտուները: Այն ժամանակ Արու-Հասանը թէև նոյնչափ բարձրահասակ ու բարակ էր, բայց դեռ չորացած, չըմըշկած չէր, մօրուքը թէև նոյնչափ երկար ու փառաւոր էր, բայց դեռ ոչ մի սպիտակ մաղ չէր երևում:

բ.

Էտ ծեր ու ժլատ Արու-Հասանը մի օր գնացել էր բաղանիք:

Հանւելիս՝ ծանօթներից մէկը նայեց և ասաւ.

—Պատելի Արու-Հասան, երանի երբ և իցէ դէն կը զցե՞ս էտ մաշիկները, որ ոտքիդ վիթել են:

—Հա, հա, ես էլ եմ տեսնում մի քիչ մաշւելեն, —մըրթմըրթաց Արու-Հասանը և շտապով ներս մտաւ բաղանիք:

Բաղանիքից դուրս գալուց յետոյ, հագնւելիս Արու-Հասանը իր քրքրուած մաշիկների կողքին նկատեց մի զոյգ նոր, սիրուն, գողտըրիկ մաշիկներ: Ու բացականչեց.

—Անշուշտ, բարեսիրտ ծանօթս է էս մաշիկները ինձնւիրել: Ալլահը նրան բարի տայ, մէկ օրը հազար անի, անսպառ լաւութիւնով լցնի նրա տունը...

Ու անվերջ օրհնելով առատաձեռն ծանօթին, Արու-Հասանը հազար նոր կօշիկները ու երջանիկ-երջանիկ դուրս գնաց բաղանիքից:

Գ.

Դու մի ասա, այդ մաշիկները զադիխնն է եղել:

Դուքս է գալիս զադիխ բաղանիքից, դէս մաշիկ, դէն մաշիկ, չը կայ: Գուգում է զադիխ: Բաղնիսպանը, ծառաները գլուխները կորցրած որոնում են: Մէկ էլ ահա բերում են Արու-Հասանի փառաւոր մաշիկները, քթերը թափած, կրունկների մէկը դէսը, միւսը դէնը ծուած, հազար ու մի տեղից ծակծակ, քրքրւած, կեղտոտ մաշիկները:

—Էս հօ Արու-Հասանի զգւելի մաշիկներն են,—գոչում է զադիխ.—Էն ժլատը գողացել է իմ նոր մաշիկները: Շուտով, հասէք, բռնեցէք:

Համում են Արու-Հասանին հէնց իր տան դռների առջև, բռնում են տանում դատարան: Կարհղ էր արդարանալ որ... Գողացած մաշիկները ոտքին էին: Եւ Արու-Հասանը պէտք է բանտ նստէր, և ոհ սոսկալի բան, տուգանք վճարէր, և նորից իր հին մաշիկներով տուն վերադառնար:

Այդ օրւանից էլ Արու-Հասանը ատեց իր հին հոչակաւոր մաշիկները. չէ որ այս բոլոր դժբաղդութիւնների պատճառը նրանք էին եղել:

Տուն վերադառնալուն պէս հանեց մաշիկները ու շպրտեց առուն, որ հոսում էր տան առջնից:

դ.

Երեք օր յետոյ ձկնորսները ուռկանով ձուկ որսալիս ջրից հանեցին, ձկան տեղ, մաշիկներ, քթերը թափած կրունկների մէկը դէսը, միւսը դէնը ծուած, հազար ու մի տեղից ծակծակ, քրքրւած, կեղտոտ մաշիկներ:

—Էս հօ Արու-Հասանի անպիտան մաշիկներն են,—պոռացին նրանք ու բարկացած տարան ձգեցին Արու-Հասանի բաց պատուհանից ներս: Մաշիկներից մէկը դիպաւ հնուց մնացած մի թանկագին յախճապակի սափորի ու փշրեց:

Մօտ վազեց Արու-Հասանը տեսաւ իր հին հոչակաւոր մաշիկները, տեսաւ փշրւած սափորը, երկու ձեռքով գլխին

տւաւ. Էլ ի՞նչ։ Առաւօտը լոյսը բացւելուն պէս իջաւ այգին ու թաղեց, խորը թաղեց մաշիկները մի ծառի տակ. որ էլ ազատւի ու էլ նրանց երեսը չը տեսնի։

Դ.

Հարևանը կտուրից նկատեց ու մտքումը ասաւ.

—Էս լաւ է. վերջապէս իմացայ՝ որտեղ է պահում Աբու-Հասանը իր ոռկիները։

Ու հէնց նոյն գիշեր ծածուկ մտաւ Աբու-Հասանի այգին։ Փորեց, փորփորեց, արմատահան արեց թուփերը, վերջապէս ծառի տակից դուրս եկաւ մի ինչ որ բան։

Լուսնեակի լոյսով լաւ զննեց և տեսաւ՝ մաշիկներ էին, քթերը թափած, կրունկների մէկը դէսը, միւսը դէնը ծուած, հազար ու մի տեղից ծակ ծակ, քըքրւած, կեզտոտ մաշիկներ։

—Էս հօ Աբու-Հասանի գարշելի մաշիկներն են, —կանչեց հարևանը ու զայրացած այնպէս տւեց մաշիկները Աբու-Հասանի տան դռան, որ խեղճ ծերուկը վեր թռաւ տեղից ու դողդողալով շապկանց վագեց տեսնելու՝ գողերը հօ չե՞ն մտել իր մնդուկները փախցնելու։

Վախից դուռն էլ բաց չարաւ. բայց էլ քուն կը գմր աշքերին։

Դ.

Առաւօտեան երբ դուռը բաց արաւ՝ ապշած մնաց. իր հին հոչակաւոր մաշիկները ընկած էին շեմքին, իսկ այգին, իր աչքի լոյս այգին տակնուվրա արած։

Աբու-Հասանի ծնկները դողացին, աշքերը դէպի երկինք դարձան, ձեռքերը վերև պարզեցին, ունա կարողացաւ միայն բացականչել։

—Ալլահ, այս ի՞նչ պատիժ է։

Ամբողջ օրը խանութում Աբու-Հասանը միմիայն մի բանի մասին էր միտք անում՝ թէ ինչպէս ազատւի իր հին հոչակաւոր մաշիկներից։

Եւ երեկոյեան դէմ կամացուկ դիմեց քաղաքից դուրս։

—Այ հրաշք, Աբու-Հասանը զբօսնելու է գնում՝ ասում
էին զարմացած նրան պատահող ծանօթները.

Աբու-Հասանը զնաց հեռու, գետի ափով, շուրջը նայեց,
առաջ մարդ չը կայ, ու ջուրը նետեց իր մաշիկները.

—Գնացին, —ուրախանում էր նա, —ծնվը զնացին:

Եւ հանգիստ սրտով վերադարձաւ տուն և անուշ քնեց:
է.

Գետից ջուր էր բերած քաղաքի հրապարակները։ Միւս
օրը, Բաղդադի կանայք երբ զնացին աւազանից ջուր առնելու,
տեսան որ ջուրը կտրւել է, աւազանը դատարկ։ Կանչեցին
քաղաքապետին, քանզոտեցին խողովակները և յանկարծ խո-
ղովակների մէկից դուրս եկան մաշիկներ, քթերը թափած,
կրունկների մէկը դէմը, միւսը դէնը ծուած, հազար ու մէկ
տեղից ծակ-ծակ, քըրբւած, կեղտոտ մաշիկներ։

—Էս հօ Աբու-Հասանի բորբոսնած մաշիկներ են, —պո-
ռացին ամենքը բերէք Աբու-Հասանին քաշ տւէք դատաւո-
րի մօտ, էտ անպիտան ջուր ապականողին։

Դարձեալ կանգնեց Աբու-Հասանը զադիի առջև։ Ի՞նչ պիտի
ասէք. բազմութիւնը իր աչքով էր տեսել նրա մաշիկները ջրի
խողովակի մէջ, Աբու-Հասանը պիտի վճարէր մի մեծ տու-
գանք և ուտէք մտրակի յիսսուն հարւած։

—Մեռայ, —աղաղակում էր նա, —վայ, մեռայ...

Տնքալով, անիծելով այն օրը, երբ զնել էր իր հոչակա-
ւոր մաշիկները, անիծելով իր սև բախտը, նա վերադառնում
էր տուն ու կրկնում.

—Ուրիշ ճար չը կայ, ուրիշ ճար չը կայ, պիտի այրեմ,
կրակը պիտի գցեմ...
ը.

Բայց մաշիկները այսպէս թաց էին։ Աբու-Հասանը դրաւ
պատուհանի պրա, որ չըրանան։ Տան կատուն ցատկեց պա-
տուհանը արևի տակ տաքանալու համար, կպաւ մաշիկներին,
մաշիկները գլորւեցին ցած՝ փողոցը, ընկան ուղղակի տակով

անցնող կնոջ գլխին:

Կինամարդը ցաւից ճշաց. հաւաքւեց ժողովուրդը և ի՞նչ տեսնի, ճակատը ճղւել է, ալ արիւնը կաթիլ կաթիլ ծլծում է, իսկ զետնին ընկած են մաշիկներ, քթերը թափած, կրունկների մէկը դէսը, միւսը դէնը ծռւած, հազար ու մի տեղից ծակծակ, քրքրւած, կեղտոտ մաշիկներ:

—Տեսէք, էս հօ Աբու-Հասանի զազրելի մաշիկներն են,—գոչեցին ամեն կողմից: —Այ Աբու-Հասան, այ Աբու-Հասան, դուրս արի, մարդասպան:

Աբու-Հասանի դէմքը երեաց պատուհանից և մի ակնթարթում կտաւի պէս գունատւեց:

Ամբոխը քաշէ քաշ տարաւ նրան նորից դադիի մօտ:

—Արդար դատաւոր, ողորմի, —աղերսում էր Աբու-Հասանը՝ զետնին տարածւած, —լսի ինձ: Իմ մաշիկները, իմ անիծած մաշիկներն են ինձ էս տեղը հասցնողը: Հոգիս դուրս եկաւ, ճար չունեմ. ինչքան ոսկի ուզում ես, վերցրու, միայն թէ փրկի ինձ մաշիկներիս ձեռիցը:

Հագին չը կարողացաւ ծիծաղը պահի:

—Վեր կաց, Աբու-Հասան, —ասաւ նա, —տես առաջ դու չէիր ուզում քո հին հոչակաւոր մաշիկներիցը բաժանւես, հիմա էլ մաշիկներդ չեն ուզում քեզնից ձեռք վերցնեն: Ներողութիւն ինդըի այս կնոջից, բժշկի վարձը տուր ու ճանապարհ դիր, ինքդ էլ զնա քո բանին: Մաշիկներիդ համար էլ դարդ մի անի:

Աբու-Հասանի մաշիկները կախեցին Բաղդադի մեծ հրապարակի վրա:

Ո՞վ չէր ճանաչում Բաղդադում Աբու-Հասանի այդ մաշիկները, քթերը թափած, կրունկների մէկը դէսը, միւսը դէնը ծռւած, հազար ու մի տեղից ծակծակ, քրքրւած, կեղտոտ մաշիկները, որ ժլատը չէր սարսափում դրանց մօտովն անցնելիս:

Աբու-Հասանի մաշիկները ինչո՞ւ համար կախեցին Բաղդադի մեծ հրապարակի վրա:

42. Յոգնած երկիրը

Յոլուն աստղերը կապոյտ երկնքում
երգում են անուշ միասին խըմբւած,
և ըզգուշութեամբ կամաց են երգում
չը զարթեցընեն երկիրը ներհած։

Ա՛խ, ամբողջ օրը շըրջող ոտներից,
անվերջ աշխատող կուռ բազուկներից,
ամուր բարախող մարդկանց սրտերից
խեղճ մայր-երկիրը սաստիկ է յոգնած...

43. Արեւի մօտ

ա.

Մի անտէր երեխայ՝ ցնցոտիներ հագած կուչ էր եկել պատի տակ, Գարնան անուշ արեւ բարի աչքերով նայում էր նրան։

—Կարմիր արև, բարի արև, դու ես միայն ինձ տաքացնում.—մտածում էր խեղճ մանուկը.—դու ես միայն ինձ գգւում, համբուրում, ինչպէս երբեմն իմ անգին մայրս։ Եթէ չէ՝ մարդիկ աչք չեն դարձնում վրաս։

Բայց կամաց-կամաց արեւ թեքւում էր կանաչ սարերի ետեղ, երեխան կարօտով ու արցունքով նայում էր նրան, մինչև որ ոսկեհեր արեւ սահեց ու անցաւ սարի այն կողմը...

—Չէ, ես չեմ կարող առանց արեկի.—վճռեց մանուկը.—
ես պիտի երթամ արեկի մօտ. ես զիտեմ ճամփան. այ, այս սարի ետեղ։

Վճռեց ու ճամփայ ընկաւ։

բ.

Մութը իջնում էր և կանաչ սարը սևերով ծածկում։
Ճամփին մարդիկ էին հանդիպում և հեռից ճայն տալիս.

— Ե՞յ հէյ, ով ես դուք:
— Ճամփորդ տղայ եմ.—պատասխանում էր երեխան։
— Ո՞ւր ես գնում։
— Արեի մօտ. այ, այս սարի ետևը։
— Յիմար տղայ.—ասում էին նրանք ու հեռանում։
Բայց երեխան ուշ չէր դարձնում. նա պարզ զգում էր,
որ արել այս սարի միւս երեսին է. մի քիչ էր, մի քիչ էլ ու
կը լինի արեի մօտ։
Ու անվախ, վատահ քայլերով գնում էր վերև, բարձր,
միշտ բարձր։ Պատասխան տալու համար առաջ է բարձր արձակ.
Բաւական ուշ էր արդէն, երբ լսեց մօտիկից շների հա-
չոց ու տեսաւ շատ մօտիկ մի կրակ է շողշողում։
— Ո՞վ ես.—լսեց խաւարի միջից մի ձայն.— Ուր ես գնում։
— Անտէր ճամփորդ տղայ եմ. գնում եմ արեի մօտ. Ասա-
ն է արեի ճամփան. մութն է, էլ սարերը չեմ տեսնում։
Ճրագը ձեռքին մօտեցաւ երեխային մի մարդ, նայեց
նրան, նայեց ու ասաւ քնքուշ ձայնով.
— Դու դադարած կը լինես ու բաղցած, գնանք, ինձ մօտ։
Ասաւ բարի անծանօթը, բոնեց երեխայի ձեռքից ու տա-
րպէ տուն։

Նրա տունը մի հասարակ խրճիթ էր. մէջտեղում վառ-
ւում էր օջախը, որի շուրջը նստել էին բարի մարդու կինը
և երեք փոքր երեխաները, որոնք համարեա հասակակից էին
ճամփորդ երեխային։ Խրճիթին կից մի մեծ սրահում որո-
ճում էին ոչխարները։ Նա հովիւ էր, սարի հովիւ։

—Սիրելի երեխաներս, ձեզ եղբայր եմ բերել։ Թող չը-
լինէք երեք եղբայր, լինէք չորս։ Երեքին հաց տըւող ձեռքը,
չորսին էլ կը տայ։ Սիրեցէք սրան։ Եկէք համբուրեցէք ձեր
նոռ եղբօրու։

Ամենից առաջ հովտի կինը մօտ եկաւ, գրկեց երեխային

և մօր պէս ջերմ-ջերմ համբուրեց. յետոյ երեխաները եկան
և եղբօր պէս համբուրեցին նրան:

Երեխան իր սրտում մի քաղցր տաքութիւն զգաց. և նը-
րան այնպէս թւաց՝ թէ արել հէնց ուղիղ խրճիթի վերևն է
վառւում...

Ե.

Ուրախութիւնից լաց եղաւ. անուշ-անուշ լաց եղաւ և
պատմեց բոլոր իր գլխի եկածները:

Յետոյ օջախի առջև սեղան նստան. կերան, խմեցին, ծի-
ծաղեցին: Մայրը նրանց համար անկողին շինեց և ամենքին
քնեցըրեց իր կողքին:

Երեխան շատ էր յոզնած, տեղը մտաւ թէ չէ, խսկոյն աչ-
քերը խփեց ու մընջաց...

Երազի մէջ նա ժպտում էր ուրախ:

Իրրև թէ ինքը արեկի մօտ էր, գրկել էր նրան ամուլ ու
պառկել էր նրա գրկում, տաք ու երջանիկ...

Մէկ էլ սրտի ուրախութիւնիցը վեր թռաւ, զարթնեց ու
տեսաւ, որ արեկի փոխարէն իր նոր մօր գրկումն էր: Եւ նրան
թւաց, որ արել ոչ թէ այս խրճիթի վրան է, այլ հէնց այս
խրճիթի մէջը, որ ինքը ուղիղ հէնց արեկի գրկումն է...

Եւ նա չէր սխալում: Ով որ այս աշխարհում գտնում է
մի սիրող ու լաւ սիրտ, նա արեն է գտնում այս աշխարհում:

Ուրեմն ի՞նչն է հոգու արելը. եւ ի՞նչո՞ւ.

44. Գիշերւայ Աթնում

Մութն էր երկինքը, ոչ ոք չը տեսաւ
բընութեան գործը գիշերւայ մթնում.
միայն առաւտար երբ որ լուսացաւ,
մարգարտափայլ ցող իջել էր դաշտում:

Ի՞նչո՞ւ ցողը զիշերն է ի՞նում:



ԽՈՅՏԻՐ

45. Սասունցի Դաւիթը գառնարած

Մեր Դաւիթ հըսկան
 մի մանուկ էր գեռ եօթ-ութ տարեկան:
 Մանուկ եմ ասում, բայց էնքան ուժեղ,
 որ նըրա համար թէ մարդ, թէ մըժեղ:
 Հօրեղբայր Օհանն երեխի ոտի
 մի զոյգ ոտնաման բերաւ երկաթի,
 երկաթի մի կոռ շալակին դրած,
 ու արաւ Սասմայ քաղքին գառնարած:

*

Քըշեց գառները մեր հովիւ հըսկան,
 ելաւ Սասունի սարերն աննըման.

«Եյ ջան, սարեր,
 Սասման սարեր»...

որ կանչեց, Աըրա ձէնից ահաւոր, մանլ»
դըղորդ-դըմբգըմբոցն ընկաւ ապր ույժձոր,
վայրի գաղաններ բըներից փախանական
քարէքար ընկան, դատարկուն եղան։ Հն
Դաւիթը ընկաւ նըրանց ետկից պարագ սչ
որին մի սաբէց, որին մի ձորից աղջաք
աղէս, նապաստակ, գայլ, եղնիկ ըըռնեց,
հաւաքեց, թերաւ, զառներին խառնեց,
իրիկւան քըշեց ողջ Մասմայ քաղաք
կաղկանձ ու ոռնեց, աղմուկ, աղաղակ...
Քաղքըցիք յանկարծ մին էլ էն տեսան
գալիս են հըրէս անհամար գաղան քոյժի

«Վայ, հարայ, փախէք...» Եթաղցը

Մեծեր, երեխէք յամրախ մազսչ

սըրտաճաք եղած, սմցցա վիսի յէ

գործները թողած, մաջ Եփամ

մըր առւն ընկաւ, որը Ժամ, խանութ,

ու ամուր փակեց դուռն ու բուսամուռն

Դաւիթը եկաւ, կանգնեց մէյդանում.

—Վահ, էս մարգիկը ինչ փաղ են բընում:

ՀԷյ ուլատէր, հէյ գառնատէր,

ելէք, շուտով բացէք զըռներ.

ով մինն ունէր՝ տասն եմ թերել,

ով տասն ունէր՝ բըսանն արել...

Շուտով ելէք, եկէք, տարէք,

ձեր գառն ուատլ գոմերն արէք:

Տեսաւ՝ չեն գալիք գնաու չեն քաց անում, ճան

ինքն էլ մեկնըւեց քաղքի մէյդանըւմ ու իր նրոխաց

գըլուխը դրաւ մի քարի՝ մընաց մէտիան դո

ու մուշ-մուշ քընթեց մինչեւ կումարացաւ ումաւ

այ* ըստախ յրաց մէղմէյք սչի

լուսին իշխաններ ելան միասին ան յդէց ոյ ըմսին

գընացին Զէնով Օհանին ասին.

«Աման, քեզ մատաղ, այ Օհան ախպէր,
մեր գառն ու մեր ուլ թող մնան անտէր,
միայն սըրանից աղատ արա մեզ.
ոչ գառն է ջոկում, ոչ գայլն ու աղւէս,
էս քաղըի գլխին փորձանը կը բերի,
գայլերոց կանի, կը տայ՝ կաւերի:»

Ելաւ Դաւիթի մօտ գնաց Օհանը.

— Հը, Դաւիթ, ասաւ, ո՞նց է քո բանը:
— Հօրեղբայը Օհան, շատ է դժար բան.
Էն կարմիր, անպոչ գառները որ կան
խելօք են, ամա պոչաւոր գառներ
ցըրւեցին, վախան ողջ սարերն ի վեր,
Էնքան վազեցի, որ ելաւ հոգիս,
էլ իսկի տըրեխ չը մնաց հապիս.
— Դաւիթ ջան, ասաւ, էտ շատ է դըժար.
Նետ-աղեղն եմ ես շինել քեզ համար,
Նետ-աղեղդ առ, գընա որս արա,
ման արի աղատ սարերի վըրա:

Նետ-աղեղն առաւ Դաւիթն Օհանից,
հեռացաւ քաղըից, քաղըի սահմանից
ու դառաւ որսկան.

46. Դեպի քաղաք

Մեծ պասիսկերջին շաբաթւայ օրերից մէկն էր: Այս շա-
բաթում գիւղացիները իրենց բոլոր բարին կրում են քաղաք,
որ ծախեն:

Աւետ ապերն էլ, աքաղաղը կանչելուն պէս, վեր կացաւ
կէս գիշերին, ճրազը վառեց, լւացւեց, երեսը խաչ հանեց ու
սկսեց իր էշերը համետելու:

Ամբողջ ընտանիքը դեռ բնած էր, միայն Եղիսաբէթը օգնում էր ամուսնուն: Նա դեռ մի օր առաջ պատրաստել էր երկու տիկ իւղ, մի բեռ նոր պանիք, երկու կբոց ձու և մի քանի հատ հաւ, որ մարդը քաղաք էր տանելու:

Աւետը բեռները կապելու վրա էր, որ մուժ անկիսնում, անկողինների միջից վեր բարձրացաւ մի փոքրիկ զլուխ, ճրագի պէս վառւող աչքերը լայն բաց արած:

Նայեց, իսկոյն գլխի ընկաւ ու ասաւ.

—Հօրեղբայր, ինձ էլ պիտի տանես. ես էլ կը գամ:

—Զէնդ կարի, վեր ընկի, քաղաք գնալդ էր պակաս. —պատասխանեց Աւետը իր գործը շարունակելով:

Տղան լռեց, գլուխը դրեց բարձին, երեսը թաքցըրեց վերմակի տակ ու սկսեց խուլ ձայնով լաց լինելու: Լացի ձայնից զարթնեց պառաւ Շուշանը, որ պառկած էր միենոյն անկողնում իր թոռնիկի հետ:

—Ա'յ տղայ, Կալօ, ի՞նչ կայ, ինչու ես լաց լինում. —հարցրեց նա:

Կալօն լացուկամած յայտնեց պատճառը:

Նոյն միջոցին խրճիթը մտաւ Աւետ ապերը, մնացած վերջն բեռը դուրս տանելու:

—Աւետ, որդի, ինչի՞ ես լացացընում խեղճ տղային. —միջամտեց պառաւը: —Ուզում է քեզ հետ գայ, դու էլ տար, էլ ինչնե ես սիրար կոտրում:

—Ախար, նրա ի՞նչ քաղաք գնալու ժամանակն է. —պատասխանեց Աւետը աւելի մեղմ ձայնով:

—Հրէն, Պետրոսենց Գիւքին էլ է գնում. նա ինձանից խօմեծ չի... —լսելի եղաւ վերմակի տակից Կալօի լալագին ձայնը:

—Տար քեզ հետ, որդի, —կրկնեց պառաւը համոզելով: —Տար, թող աշխարհ տեսնի, իո աղջիկ չէ, որ միշտ առիքի տակը մնայ, տնից դուրս չը գայ. տղայ է՝ սիրտը ուզում է, բան կը սովորի, աչքը կը բացւի:

Պառաւի խօսքերը առանց հետևանքի չը մնացին.

— Դէս կազմութիւն անհաջող է, մի ուշանայ. — վճռեց վերջապէս
Աւետ ապերը:

Այս առաջին անգամն էր, որ Կալօն քաղաք պիտի տեսնէր, այդ պատճառով էլ նրա ուրախութեանը չափ չը կար, երբ ստացաւ իր հօրեղոր համաձայնութիւնը։ Ծտի պէս գուրս թուաւ քնաշորերի միջից, մի քանի ըոպէ այս ու այն կողմ վազեց, ինքն էլ չիմանալով ինչ բանի համար և յետոյ սկսեց իր երկար ցուպը վիճնտոելու։ Կալօի համար երկար պատըատութիւն պէտք չէր. իր սովորութեան համեմատ առանց հանւելու էր քնել. հարկաւոր էր միայն արեխները կապի ու ամեն ինչ վերջացած էր։ Բոպէական արագութեամբ կատար-ւեց ըղործ, մօտեցաւ պառաւ տատին ու փաթաթւեց զգով։

Պառաւը ոչինչ չը պատասխանեց միայն ժպտաց ու համբուրեց նրանի ըստ ու ուշանկացության

Աւանակները արդէն բեռնած պատրաստ էին բակում:

Եղիսաբէթը ճրագը ձեռին կանգնած էր այնտեղ, իսկ
Աւետար մատել էր ոչխարների գոմը. Նա շուտով դուրս եկաւ
բերելով մի չաղ երկու ամսական գառը ու կապեց բեռան վրա:
Դեռ բարական ժամանակի կար մինչև լուսանալը, երբ
վորորիկ քարաւանը ճամփար դնկաւ:

Շուտով նրանց միացան մի քանի՞շ ուրիշ գիւղացիներ,
որոնք նոյնպէս ծախելու բանէին տանում քաղաքը. և հետքին խումբը ստուգրացնել:

Եղանակը հանդարձում էր Աստղերը խիստ անուշ ժպիտով փայլում էին պարզ թերինքին: Օդի մէջ տիրում էր գարնանային սիստեմ՝ թարմութիւն: Մի քանի օր առաջ եկած անձրևը բռնըռվին ցտմաքել էր, և աւանակները իրենց ծանր բեռների տակ կարողանում էին առանց խրւելու առաջ գնան:

Կալօն միքանի, իր հաստկակից և իրենից մեծ տղաների

հետ քշում էր աւանակները։ Նրանց ետևից կամաց-կամաց գալիս էին մեծերը, գալիս էին ու խօսում իրենց ժաւերից, իրենց հոգսերից, իրենց պարտքերից։

Բայց կալօի ուրախ խումբը առաջ ընկած քշում էր. աւանակների քարւանը, զբաղւած բոլորովին այլ խօսակցութեամբ։

—Սաքի,—հարցընում էր Կալօն, —դու քաղաք տեսել ես. ասա տեմնեմ, այստեղի գառները հրտեղ են արածում։

Սաքին, որ տարիքով իր ընկերներից մեծ էր ու մի քանի տարի մնացել էր քաղաքում, պատասխանեց։

—Քաղաքացիք ոչխար չունեն, գառներ չեն պահում։

—Բա, նրանց տղերքը ի՞նչ են շինում, որ գառներ չեն արածացընում,—կրկին հարցըրեց Կալօն։

—Կարդում են։

—Նրանց տէրտէրը ինչով է ծեծում, երբ դասը չեն իմանում։

—Նրանք տէրտէրից դաս չեն առնում, դպրոցումն են կարդում։

—Դպրոցն ինչ է։

Սաքին չգիտէր ինչ պատասխանի և հարևանցի կերպով ասաւ։

—Դպրոցը դպրոց է, չես իմանում։

Մի ուրիշ երեխայ հարցըրեց։

—Քաղաքի տղերքը, ով գիտի, ինչ լաւ տրեխներ կունենան, չէ։

—Նրանք տրեխներ չեն հագնում, կօշիկ են հագնում.՝ պատասխանեց Սաքին։

—Կօշիկն ինչ է։

—Էն էլ քաղաքի տղեխ է։

—Էնտեղ մօշ կայ, զկեռ կայ.՝ հարցըրեց մի ուրիշ։

—Չը կայ, ծմակը հեռու է քաղաքից։

—Բա, քաղաքի տղերքը ի՞նչ են ուտում։

Սաքին չէր իմանում ինչպէս գոհացընի ընկերների հետաքրքրութիւնը։ Նա կարծ նկարագրեց քաղաքի կեանքը, ասաւ թէ այնտեղ մեծ-մեծ տներ կան, շուկայ կայ, թէ եզան ու գոմէշի տեղ ձի են լծում, սայլերը ուրիշ տեսակ է, կառք են ասում, ու բանեցընում են միայն նստելու համար։ Յետոյ էլ աւելացրեց, թէ քաղաքի տղաները գիւղացի տղաներին ծաղրում են, և պատահած ժամանակ էլ ծեծում։

Վերջին խօսքերը գրգռեց Կալօի բարկութիւնը և նա իր երկայն ցոււղը բարձրացընելով սպառնաց.

—Տեսնո՞ւմ ես մըհակս. էնպէս կը չափեմ նրանց բարակ մէջքին, որ «վայ, նանի» կը կանչեն։

Իսկ հեռուն նրանց առաջ երեսում էր արդէն կանաչների միջից եկեղեցիների գմբեթները ու մինարէների սուր ծայրերը։

Մօտենում էին քաղաքին։

1) Կալօն ի՞նչ պէտք է պատմի տանը իր նոր տեսած բաների մասին։

2) Ինչպէս կը նկարագրի քաղաքացի տղան գիւղի կեանքը։

47. Գառը մէր տալիս

Կէս օր է արդէն. կանաչ լաւարից
իջնում է հանգիստ ոչխարը կըթի.
կըթւելով մաս-մաս, անցնում է բերից,
լըսւում է անուշ վըշշոցը կաթի։
Հովիւ, հովւուհի նըստոտած շարքով
կըթում են ուրախ խաղ ու ծիծաղով։
Ահա վերջացաւ ոչխարի կիթը,
կաթսաներ տարան թարմ կաթնով լիքը.
մէկն էլ գտակը շարժելով օդում,
դեռ գառնարածին «հէյ, եկ» է կանչում։

Ու երկար չանցած՝ սարի գագաթին
գառների կայտառ հօտը երևաց.
խառնւելով իրենց մայրերի հօտին
բերկրանքի յոյզով մայում են ցըւած:
Կանչում են, բայում գառն ու մաքին,
անուշ ձայներով փրնտըռում միմեանց.
հրը գըտնելով իրա գառնուկին,
ծըծել է տալիս, փայելով սրտանց.
հրը խաղում է մօր հետ կուշտ փորով,
հրն էլ մըտնում է տըխուր մայելով.
և ամեն անգամ գառը մէր տալիս,
կարծես թէ անուշ համերգ են տալիս:

Ինչո՞ւ են ջոկ-ջոկ արածացնում գառներն ու մաքիները:

48. Զատիկ

— Զատիկ, Զատիկ.—լսում ես ամեն կողմից:

— Զատիկը գայ, գարունը բացւի, ծառերը ծաղկեն, քեզ
համար նոր շորեր կարեմ.—յոյս է տալիս հայրը իր սիրասուն
գաւակին:

— Զատիկը կը գայ, օրերը կը քաղցրանան, շուտով կառող-
ջանաս, մայրիկ ջան.—միթարում է աղջիկը հիւանդի ան-
կողնի կողքին նստած:

— Զատիկը գայ, օրերը ջերմանան, ձեզ հետ միասին գը-
նանք համուը, վարենք, աշխարհքը լիացնենք, իմ սեուկ գոմ-
շուկս, իմ պոչը ծաղիկ եղնիկս.—փաղաքշում է գիւղացին իր
հաստավիզ լծկանների մարմինը քորելով:

— Զատիկը կը գայ, դաշտերը կը կանաչեն, ծաղիկներով
կը զարդարւեն, կերէք անուշ խոտը, դոզեցէք ու առատ կաթ-
տւէք.—սիրտ է տալիս խաշնարածը թէ իր հօտին, թէ իրեն:

— Թող մի Զատիկը գայ, պինդ-պինդ ձւերը ջոկենք, ներ-

կել տանք, շղկացնենք՝ կռւեցնենք.—օրեր են համարում
մանուկները:

Մարդ չը կայ, որ Զատիկը չը կանչի: Ամենքը սպասում են
նոր կեանքի, նոր յոյսերի, նոր ուրախութեան ու բնութեան
նոր զարթնումին:

Հը, հ'ը, փեհ, մեծ պասը գլորւեց. էլի միայն երկու շաբաթ,
մի շաբաթ. առ քեզ Աւագ հինգշաբթին. Աւագ ուրբաթը և
ահա արդէն իւղահոտը քթներիս դիպաւ. նաւակատիկն է:

Մեր դրացի ազգերը գեռ մի գիշեր էլ պիտի լուսացընեն,
կիրակիի սպասեն, Զատիկը տօնելու, իսկ մենք հայերս շա-
բաթ օրը, ճաշը թեքւեց թէ չէ՝ տալիս ենք իրար կեանքի
նոր զարթնումի, Քրիստոսի յարութեան մեծ աւետիսը.

«Քրիստոս յարեաւ ի մեռելոց»:

1) Դու էլ սպասում էիր Զատիկին. Զատիկը քեզ լնչ քերաւ:

2) Ի՞նչ ասել է «Քրիստոս յարեաւ ի մեռելոց». լնչ լեզով է.
այդ լեզուն հիմա ո՞րտեղ ենք գործ ածում:

49. Գարուն առաւօտ

Բարի լուսի զանգեր զարկին
զընզզընզալէն անուշ, անուշ,
լուսը բացւեց մեր աշխարհքին
ճրդճրդալէն անուշ, անուշ:

Հովտում առուն խոխոջում է
զըլզըլալէն անուշ, անուշ.
քամին բարակ շընկշընկում է
զըլզըլալէն անուշ, անուշ:

Կռունկն եկաւ երամ կապած
կըոկըուալէն անուշ, անուշ,

կաքաւ քարին տաղ է կարդում
կըղկըղալէն անուշ, անուշ:

Հարսն ու աղջիկ հանդերն ելան
շորորալէն անուշ, անուշ,
ծաղկանց բուրմունքն անմահական
սըլսըլալէն անուշ, անուշ:

50. Ծիլճ ու ապառաժը

ա.

Երկ ապառաժի տակ, երկու քարերի մէջ, վաղ գարնան
բուսել էր մի սէզ, մի սլարդ հասարակ փոքրիկ խոտի շիւղ:

Օրօրւում էր նա նոր ծագող լոյսի մէջ ցօղով փայլփը-
լուն, յանկարծ աչքն ընկաւ ժայռի մութ ճեղքին և նկատեց
այստեղ նոր ելած մի ծիլ:

—Օ՛յ, —գոչեց նա. —դու ՞վ ես, ՞րտեղից եկար:

Ծիլը, որ արդէն կէս մատնաշափ կար, ցած նայեց, տե-
սաւ վտիտ սէզին ու ասաւ.

—Բարե՛, բարեկամ, միթէ ուրախ չես, որ քեզ ընկեր եկայ:

—Օ՛, ուրախ եմ, սաստիկ ուրախ. բայց ՞վ բերաւ քեզ, և
ինքդ ՞վ ես:

Ծիլը ժպտաց. ժպտաց, օրօրւեց ու այսպէս երգեց.

Ծառի ծիլն եմ ես,

ելայ անտառից,

քամու թևովը

թռայ դաշտերից,

անցայ սար ու ձոր

եկայ քեզ դրկից:

Յետոյ երգը կտրեց ու հարցրեց.

—Իսկ գնւ ով ես, ընկեր, գնւ որտեղից եկար:

—Օ՛, —ասաւ սէզը —ես ծնւել եմ այստեղ, իմ մօր կըրծ-

բից, մտել եմ հողի մէջ, քնել ձմեռը, այժմ դուրս եմ եկել,
եղել տանս տէր:

—Դու ուրեմն տուն-տեղ ունես այդտեղ:

—Ունեմ. մի կտոր հող. շատ պահանջկոտ չեմ:

—Տեսնում եմ. Բայց իմ տեղը չափազանց նեղ է և ես
սախպւած իմ բոլոր ուժս գործ դնելու, բարի կուրծքը մանե-
լու, որ տեղս քիչ լայնացնեմ:

—Եւ կարողանում ես.—Կարցրեց սէզը զարմացած:

—Դժւար է. բայց ուրիշ ճար չը կայ. թէ չէ կը մեռնեմ:
իսկ ես ապրել եմ ուզում:

Բ.

Եւ ծիլը աշխատում էր. աշխատում էր մեծանայ, ուժե-
ղանայ ու քարից իրա համար տեղ խի:

Ու պէտք էր տեսնել նրա ջանքն ու աշխատանքը, ան-
վերջ, անդադրում, գիշեր, ցերեկ, անկոտը յամառութեամբ
ու քարից աւելի պինդ կամքով:

Ու այդպէս ամիսներ, տարիներ, շատ-շատ տարիներ:

Չմեռքնում էր, կաղզուրւում, իսկ երբ գարունն էր գա-
լիս, ելնում էր աշխուժ, նոր ուժ ստացած արմատները մէկ-
նում, գործի սկսում:

Երբեմն սնունդը քիչ էր գալիս. քամիսների բերած հողն
ու փոշին հերիք չէր անում, երբեմն ամառները անձրմներ
չէին գալիս. քիչ էր մնում յուսահատւի ու չորանայ:

Բայց նորից նոր սիրտ էր առնում հէնց որ քիչ կազդուր-
ւում էր, նուրբ ու բարակ արմատները խրում էր, խրում ու
աւելի-աւելի խորքերը գնում:

Եւ ինչքան արմատները տեղ էին գրաւում, այնքան բունը
ամրանում էր ու հաստանում, այնքան էլ հպարտ ու խոփւ
գլուխը վեր էր բարձրանում դէպի երկինքն ու դէպի արեր:

Տես, բարձրը, քարափի ծայրին . տեսնում ես այն խոշոր,
սաղարթախիտ հսկայ ծառը: Նա յաղթել է արդէն. նա ապրել
էր ուզում և կապրի:



51. Գուրան

Լուսը լուսացաւ,
բարին շատացաւ.
վաղ լուսաբացին
գութան լծեցին.
Հորովէլ հօ...

Գութանը լարած,
հօտաղը շարած,
մաճկալը մաճին,
ձեռը ականջին.
Հորովէլ հօ...

Գութան ջան, վարի,
ակօսը շարի,
թափ տուր, թև արա,
շուռ տուր, սև արա.
Հորովէլ հօ...

Ցանենք, արտ անենք,
հնձենք, տուն տանենք,
ունենանք շատ հաց.
օրհնեալ է Աստւած.
Հորովէլ հօ...

52. Ծոցանուկի

ա.

Գարունքացել էր, աշխարհը կենդանացել: Արևը ծիծաղում
էր սար ու դաշտի երեսին և ամենքին տանից գուրս հանում,
ուղարկում էր իրենց բան ու գործին:

Գիւղում մնացել էին մէրն ու մանկիկը, հարսն ու սկե-
սուրը, մէկ էլ փոքրիկ գեղջկուհիները, բայց սրանք էլ ան-

գործ չէին. իւրաքանչիւրը իր իմացած գործով զբաղւած՝ եւր
չէր մնում աշխատանքից:

Ահա, այդ քաղցր օրերից մի առաւօտ, Փարնանց Սօնին
պատահելով իր ընկերուհուն՝ ասաւ նրան.

—Աղջի Հուռի, Էսօր մեր թաղի աղջկերքը Հեքմանց դուռն
են հաւաքւելու, «պառաւը ծոցը» տալու։ Կուժդ տուն տար,
դու էլ արի զնանք։

—Ղերթ ես ասում, Սօնիկ, —հետաքրքրւեց Հուռին։

—Իմ ախպօր արևը, հրէս տուն զնամ թէ չէ, թելիս կը-
ծիկն առնելու եմ ու պ՛ռկ, որ խաղին համնեմ։

—Բաս ես էլ կը գամ, —համաձայնւեց Հուռին և կուժն
ուսելով շտապեց դէպի տուն, որ ձեռագործը վերցնի և Հեք-
մանց դուռը համնի։

Հուռին քրտնամխած տուն հասաւ, կուժը դրեց գուանքա-
մակին՝ իր սովորական տեղը, շտապով հաւաքեց իր բուրդն
ու սանդերքը, փաթաթեց գոգնոցի մէջ, մի կտոր հաց էլ գըր-
պանը դրաւ ու մօտեցաւ Թելլու հարսին, որ նրանից թոյլ-
տւութիւն խնդրի.

—Հարսի ջան, զլխովդ պտուտ գամ, աղջկերքը Հեքմանց
դուռն են հաւաքւել, «ծոցանուկի» են տալիս, ես էլ եմ զնում։

—Գնա, —կամաց փըսփըսաց Թելլու հարսը —համա իրիկ-
նաղէմը շուտ արի, որ ջուր տաքացնես մեր հանդւորների
ոտնուձեսը լւալու։

—Էն կանաչ-կարմիրը, շուտ կը գամ, —ասաւ Հուռին և
վազեց դէպի Հեքմանց կալլ։

Բ.

«Պառաւը ծոցի» ձայնը լսելուն պէս՝ վերի թաղի գրեթէ
բոլոր փոքրիկ գեղջկուհիները, մօտ տաս-տասնըհինգ հոգի,
շտապել էին Հեքմանց դուռը, կալապանի տակ մի կարպետ
փոել, վրան ծալապատիկ նստոտել և առանձին եռանդով աշ-
խատում էին։

Իրար հետ մրցելով՝ որը գուլպայ էր անում, որը գուլպան

ասխարուն նախշում, մի երկուսը սանդերքով բուրդ էին գզում, միւսներն էլ ճախարակով թել մանում:

Մի խօսքով բոլորն էլ թեք ու փէշ արած, առանձին ջանասիրութեամք և խնամքով աշխատում էին և մէկ-մէկու հետ զրոյց անում:

—Անուշ ջան, Անուշ, արի ես ու դու «ծոցանուկի» տանք. տեսնենք՝ ով շուտ կը պրծնի իր բանը,—ոգևորւած առաջարկութիւն արաւ չալտիկ Մանուշը:

—Աչքիս վրա, —պատասխանեց Անուշը նրան, —դու Նարգոից չուստիկը չես, որ քեզանից քաշւեմ. Էս մի ժամումը չորս անգամ նրան «պառաւը ծոցն» եմ արել, երկի մի երկու անգամ էլ քեզ կանեմ:

—Դէ, գուլպիդ նշան արա, հրէս ես թելս կապ տւի, տեսնենք՝ ով շուտ կը հասնի գուլպի թաթին:

—Շատ լաւ, թող էս կարմիր ծաղիկն էլ իմնշանը լինի, —ցոյց տալով իր գուլպի նկարը համաձայնեց Անուշը: Նրանք երկուսով պայմանաւորւեցին և սկսեցին մէկմէկու հետ ձեռագործով մրցել: Երկուսն էլ ճիգ էին թափում, որ միմեանցից առաջ վերջացնեն գործը. ով շուտ կը հասնի պայմանաւորւած նշանին՝ նա էլ կը լինի յաղթողը և յաղթւածին կամի.

«Գառնուկ ջան, գառնուկ, պառաւը ծնցդ, պառաւը ծնցդ», այսինքն թէ՝ «Արդէն պառաւել ես ու անշնորհքութիւնը ծոցդ է թափել ու թուլացրել քեզ:»

Այնուհետև ընկերակիցները միասին ծափ կը տան ու կասեն.

«Ի՞սկը որ դու պառաւել ես,

Մեր պառաւից առաւել ես:»

Անուշի ու Մանուշի պայմանաւորումից խրախուսւած՝ շէկիկ Շուշիկն էլ զրազ մտաւ Նուշիկի հետ:

—Աղջի Նուշիկ, արի ես մանեմ, դու ինձ համար փաթիլներ գզի, տեսնենք՝ կարաս ինձ հետ լուծը քաշես:

—Օհօ ինչ մի դօչաղն էլ դու ես, որ չը կարենամ քեզ
փաթիլ հասցնեմ,—պատասխանեց Նուշիկը և սանդերքը առաջը
քաշելով, մի գունդ բուրդ զբեց կողքին և սկսեց ամենայն
արագութեամբ գցել: Նա գցում էր, Շուշիկը նրա փաթիլները
ճախարակով մանում: Երկումն էլ այնպիսի արագութեամբ
էին գործում, որ շաա դժւար էր իմանալ՝ թէ ով ումնից
առաջ կանցնի:

Բոլորն էլ ոգեորւած զբաղւած էին և աշխատում էին մե-
քենայի պէս, աշխատելու ժամանակ էլ շուտ-շուտ կրկնում էին.

«Ով շուտ ու շուտիկ,

նա կուշտ ու կուշտիկ.

ով կամաց-թամբալ,

նա պառաւ-համբալ:»

Պ.

Երկար ժամանակ գցեցին ու մանեցին, գործեցին ու կա-
րեցին, և մէկ էլ յանկարծ Մանուշը նշանին հասնելով՝ ոգե-
ւորւած ճշաց.

—Անուշ, Անուշ, պառաւը ծոցդ, քոռ պառաւը ծոցդ, ես
պրծայ:

—Ես էլ պրծայ, հրէսիկ պրծնում եմ,—կարմրած պատաս-
խանեց Անուշը:

Բայց ընկերներն էլ էտ էին ուզում. գէհ ծափ տւին ու
ասին. «Անուշը պառաւել է, մեր պառաւից առաւել է».

Ասին ու կրկնեցին և կուշտ-կուշտ ծիծաղելով, այնուհետեւ
սպասում էին ուրիշ յաղթւելուն:

Օրը թերւել էր, արևը յոգնել և չէր կարողանում այլնո
իրիկնադէմի զով քամուն յաղթի, բայց մեր փոքրիկները դեռ
աշխատում էին և իրենց շինած բանի վրա ուրախանում: Շնորհիւ «պառաւը ծոցի» ամենքն էլ զրեթէ երկու աշխատա-
ւորի չափ ձեռագործ էին արել:

Հեքմանց Քալի նանը, որ մի բարեսիրտ ծեր կին էր և

ամենքին էլ հարազատ աչքով էր նայում, մանաւանդ իրենց թաղեցի երեխաներին, որոնք իրեններին ման տանը ու դռանը սովոր և իրեն դուրեկան էին, տընքտընքալով եկաւ նրանց մօտ և առանձին քաղցրութեամբ ասաւ.

—Աղջկերք, ձեզ մատաղ, հերիք աշխատեցիք. վեր կացէք, գնացէք ձեր տուն, կրակուճրագի ետևից կացէք. էս է մթնել է, հանդորներ ունէք ամենքդ, նրանց տաքուհով է հարկաւոր:

—Նանի ջան, նանի, ախր «պառաւը ծոցն» ենք անում, ոնց վեր կենանք,—պառասխանեցին շատերը:

—Այ պառաւէք՝ ւառաւի պատիւը իմանաք, ձեզ մատաղ, հերիք է, հերիք, քրտնած էք, իրիկնաքամուն կը մըսէք: Գնում էին և մէկ-մէկու ասում.

—Հուռի, Հուռի, Անուշ, Անուշ, դէ գնա, քոռ պառաւին էլ հետդ տար, որ քեզանից անզակաս լինի:

—Նարգօ, Նարգօ, Սօնիկ, Սօնիկ, համա թէ կերար հա... դէ գնա ու կշտացիր:

—Աղջկերք, մին էլ որ հաւաքւելիս լինէք՝ ամենիս էլ իմաց արէք, հա...

Հեռացողներից միայն Ազիկն էր տխուր գնում, որովհետեւ էնքան աշխատել էր ու քրտինք թափել, սակայն չէր կարողացել և ոչ մէկին էլ գոնէ մէկ անզամ «պառաւը ծոցը» տայ:

Նա գնում էր ու մտքում մտածում

—Այս, թէ մի օր էլ կը խաղան, ես գիտեմ, թէ ոնց եմ Խեչկանց աղջկերանցը պառաւակոխ անում:

53. Փոքրիկ երկրագործ

Եկաւ գարուն, եկան հաւքեր,
տաքցաւ արև, գըլգըլան ջրեր.
Եկան վարի-ցանքի օրեր:
Կոռունկն ամոլ արեցի,
սագերն հորիք լրծեցի,

Ճնճղուկն հօտաղ վարձեցի,
կաքաւն հացւոր բռնեցի,
արտ ունէի՝ վարեցի,
ցորեն, վարի ցանեցի:

Ո՞րտեղ էր նրա արտը:

54. Մի կտրիճ

ա.

Գարնանամուտ էր:

Բարձր սարերում հալում էր ծիւնը և հազարաւոր խըշ-
խըշուն փտակներ աղմկում էին, գլորւում ցած:

Գետը ազատւել էր սառուցէ կապանքից, փքւել, վարարել:
Բարձր կոհակները գնում էին զալիս, ելնում ու իջնում ահա-
գին աղմուկով:

Գետի վրա ձգւած էր սիւնէ սիւն մի կամարակապ եր-
կար հին կամուրջ:

Ահա մօտենում է կամուրջին մի գիւղացի, հետն է կինը
մանուկը զրկած: Ուզում են անցնեն էն միւս ափը:

— է՛յ, գիւղացի, զգնւշ, կամուրջը խարիսուլ է.—կանչում
է մէկը:

Սառոյցի կրյտերը զալիս են զարնուում կամարի քարե-
րին, դիզւում ու խցկում. Չուրը յորդում է:

Եւ գիւղացին շտապում է, որ շուտով անցնի:

Արդէն քիչ էր մնացել, մի տասը քայլ, որ հասնէին ափին,
երբ պոկ է զալիս ու փլուում է կամարի այն մասը, որ միա-
ցած էր հողին: Սարսափահար գիւղացին ու կինը վազում
են դէպի հակառակ կողմը: Բայց հազիւ մի քանի քայլ որ
նրանց առջև խուլ դղրդիւնով քանդուում է միւս կողմի կա-
մարն էլ:

«Աստւած իմ, դու վրկես մեզ.—կանչում է խեղճ գիւ-
ղացին յուսահատ, լալիս է կինը, ճշում երեխան: Բայց սո-

նում է գետը, սուլում է քամին և այդ աղմուկի մէջ կորչում
են թշւառների աղէկտուր ձայները:

Մէջտեղը կանգուն է միայն հիմնական սիւնը, որի վրա
յենւած էին երբեմն երկու կողմից զոյդ կամարները. Եւ ահա
այդ կտորի վրա պատսպարւել, իրար կուչ են եկել գիւղա-
ցին, կինն ու երեխան:

Կատաղի ալիքները զարնում են սւժգին, բախում են ան-
վերջ նրան չորս կողմից, գողում է այդ վերջին ապաստանը:

Բ.

Գետի երկու ափին խմբւել են մարդիկ: Դոռում են, գո-
չում, դէս ու դէն վագում. բայց նրանցից ոչ ոք չի համար-
ձակում օգնութեան հասնի...

Ահա սրարշաւ, նժոյգ ձին հեծած, շտապում, գալիս է իշ-
խանը, կանգնում ափին ու ձեռքը բարձրացնում. իսկ ձեռ-
քումը բռնած ունի մի քսակ լիքը ոսկի:

Զայն է տալիս իշխանը.

—Այս հարիւր ոսկին նրանը, ով այդ դժբախտներին մահից
կը փրկի:

Ամբոխը կարկամած կանգնել է վարան: Մեծ է վտանգը
և վարանելու ժամանակ չը կայ. վարարած գետը ցընցում է,
քանդում վերջին կամարը...

—Ե՞յ, մարդիկ, ով է սրտոտը ձեր միջից.—կրկնում է
բարի իշխանը ու թափահարում քսակը ձեռքում:

Լում են ամենքը, լուռ են ու անշարժ, կարծես բարա-
ցած...

Գ.


Ափով գալիս էր մի յոզնած ձիաւոր, մի յաղթանդամ երի-
տասարդ տղայ, գալիս էր հեռուներից: Նա տեսաւ թէ չէ
սոսկալի պատկերը՝ իշխան իսկոյն ձիուց, խաչ հանեց երեսը,
ցատկեց ափին կապած ձկնորսի նեղ ու փոքրիկ մակոյկը ու
սկսեց թիւվարելու:

Խփում են ալիքները, զարնում են սառոյցի խոշոր կը-

տորները, ծռում նաւակը, քշում դէս ու դէն. բայց երիտասարդը թիավարում է, թիավարում է անընդհատ, ուժեղ ու յամառ...

Եւ ահա հասաւ կամուրջի մուացորդին. Ավից ամենըը ուրախութեան ճիչ են արձակում. Երիտասարդը ամուր բռնած կիսափուլ սիւնի քարերից, օգնում է որ մակոյկը իշնեն գիւղին, կինն ու երեխան.

Նստեցին թէ չէ՝ առնում է նորից թիերը ձեռքը. և հազիւ էին հեռացել կամուրջից, երբ ուժգին թափով շուռ է գալիս



ահազին սիւնը ու թագւում ջրում:

Իսկ ամբոխը շունչը պահած հետևում է խարխուլ նաւակին, որ հոսանքի հետ կուելով, կուելով սառոյցի կոյտերի հետ, աշխատում էր եղերքին մօտենայ:

Յանկարծ բերկրանքի անզուսպ աղաղակը դուրս է թըռչում հարիւրաւոր բերաններից, ամենքը շտապում են օգնեն մակոյկը ափը քաշելու և հարիւրաւոր բերաններ երիտասարդ օտարականի գովքն են անում:

—Մօտեցիր այստեղ.—կանչում է իշխանը.—դու, բաշ մարդ

ու անվեհեր հերոս. առ այս քսակը. արժանի ես, թող լինի
քեզ պարզե:

—Իմ կեանքը, իշխան, ես ոսկով չեմ ծախում. տւէք
այդ ոսկին թշւառ գիւղացուն.—ասում է անցորդը, հեծնում
է իր ձին, քշում ու անհետ կորչում բլուրի ետին:

—Ո՞վ էր դա, որտեղից, և ուր չքացաւ.—հարցընում էին
ամենքը իրար:

Եւ մէկ պատասխան ունէին միայն.

—Մի կարիճ...

1) Ի՞նչ տարեցը վթին կայ իշխանի ու այս օտարականի մէջ:

2) Ի՞նչի մէջն է օտարականի կտրիծովթինը, իսկ ինչի մէջն է
նրա մեծովթինը:

55. Այս սեւ ամպեր

Այս, սև ամպեր, վայ սև ամպեր,
սիրտս պատեց սև ու մութ.

արդեօք ի՞նչ էք դուք ինձ բերում,
գարնան անձրկ՝ թէ կարկուտ...

Յուսով-լուսով արտ եմ ցանել,
արիւն թափել ու բըրտինք,
ողջ սուլբերին մոմ եմ վառել,
աղօթք արել, որ երկինք
արտիս նայի, տանս ինսայի,
օր տայ, կեանք տայ իմ հացին.
վայ բալէքիս... Աստւած չանի,
թէ որ անհաց մնացին...

Այս, սև ամպեր, ի՞նչ էք գոռում,
սիրտը պատեց սև ու մութ.
արդեօք ի՞նչ էք արտիս բերում,
գարնան անձրկ՝, թէ կարկուտ...

56. Կարկուտը

ա.

Սևու ծանր ամպերը սարի ետևից դանգաղ եկան, դիզեցին ու կախ ընկան երկընքից. խորին մթութիւնը ամեն ինչ պատեց:

Յանկարծ որոտաց երկինքը, երկիրը դղրդաց, ցոլաց փայլակը, կայծակը խփեց, մռնչեց քամին, ծառերը գողացին, թեքեցին գլուխները. խոշոր ու ծանր կաթիլներ ընկան տերեներին:

Անձրել սաստկացաւ. անձրեկի ետևիցն էլ սառցէ գնդակներ, շրբը՝ խկ հա շրբը՝ խկ, թակեցին գետինը յորդ և ուժեղ: Թակում են, թակում, սար ու ձոր ծածկում, ոչ դաշտ են հարցնում ոչ արտ ու այգի:

Բ.

Ամեն տեղ շփոթ ու իրարանցում: Հօտը ցրւում է, նախիրը փախչում, ձիերը խրտնած դէս ու դէն են վազում, թըռչունները պահում են իրենց բներում. հորթարած, փայտհատ ամենքը իրենց գործերը թողած՝ թփերի տակին ապաստան են վիճուռում:

«Կարկուտ, ախ ինչ կարկուտ. — կանչում են գիւղացիք իրենց դռանը կանգնած — այս ինչ պատիժ է»:

Ծերը ծնկաչոք, արցունքը աչքին Աստւած է կանչում. պառաւը երկաթէ կասկարան հանում շպրտում է բակը ու նզովք է կարդում. հարսներն ու աղջիկները պատի տակ շարւած սուր դանակներով կարկուտ են կտրում ու նայում երկինք. իսկ երկրագործը կանգնած է անձար, ձեռքը ծոցում, շարժում է գլուխը ու ախ է բաշում:

Գ.

Կարկուտը դաղբեց. լոեց որոտը. ամպերի ձեղքից նայեց արել. երկիրը ժպտաց, նորից փայլ առաւ:

Այգեպանը վազեց իր այգին, նայեց իր շուրջը և գլխին

տւաւ։ Ծառերը տեղևաթափ ու ճղակտոր, պտուղները կարկրտահար ու թաւ գորգի նման փուած գետնին...

—Ավսոն իմ այգի, ափսոն իմ աշխատանք. —հեծեց նայուսահատ ու աչքերը լցւեցին։

Արտատէրը վազէվազ իր արտը հասաւ։ Հասկերը ջարդը-ած, հողին հաւասար. ցեխն ու աւազը արտումը կիւտած... Ոտքերը թուլացան, աչքերը սևացաւ. քարացած մնաց։

1) Էլ ուրիշ ի՞նչ մ'եծ շարիքներ զիտես, որոնք ոչնչացընուած են հողագործի աշխատանքը։

2) Մարդիկ կարողանում են կուեն այդ շարիքների դէմ։ Եւ ինչո՞ւ

57. Ճանձ

Խոնարհ ու հեղ
մի յոզնած եղ
արօն ուսին,
ճանճը պողին,
մի՛ իրիկուն,
գալիս էր տուն։
Մին էլ ճամփին
մի ուրիշ ճանճ
էն նստածին
ասաւ. «Տօ մանչ,
էս եղան հետ
որտեղից էտ».
Սա ցից արաւ
քիթը, ասաւ.
—Մենք որտնղից.
վարում էինք,
վարատեղից։

Էս առակը ի՞նչ է ուզրւմ ասի։

58. Բանտի պատուհանին

ա.



Մի մեծ քաղաքում, նեղ
ու ամուր բանտի մէջնըս-
տած էր մի խեղճ բանտար-
կեալ։ Երկայն տարիներ
նստած էր նա այստեղ,
հիւանդ ու տրտում։ Ամ-
բողջ օրը կանգնում էր
նեղիկ պատուհանի առջև,
նայում էր դրսի աշխար-
հին ու կարօտով մտածում
իր սիրելիների մասին, իր
փոքրիկ զաւակների մա-
սին։ Մտածում էր՝ գուցէ
վաղուց արդէն ամենքը
մոռացել են իրեն ու մե-

ռած են համարում։ Մտածում էր՝ արդեօք ի՞նչ է կատար-
ւում այստեղ, դուրսը՝ իր հայրենիքում։

Մի երեկոյ էլ, երբ արել մայր էր մտնում, նա մօտե-
ցաւ պատուհանին։ Պատուհանի դիմաց հանդարտ սաւառնում
էր արծիւը։

—Արծիւ, արծիւ,—կանչեց բանտարկեալը։ —Արի, նստի
պատուհանիս, պատմի՝ թէ ինչ է կատարւում աշխարհում, մի
երգ երգի ինձ համար։

—Ոչ, —պատասխանեց արծիւը. —քո պատուհանը շատ է
նեղ, նստելու տեղ չը կայ ինձ համար։ Ես չեմ կարող քեզ
պատմել թէ ինչ է կատարւում աշխարհում։ Ես սակաւ եմ
իջնում ներքև։ Ես իմ բունը շինում եմ բարձր ժայռերի ու
դարաւոր կաղնիների վրա։ Ես թոշում եմ բարձր, բարձր, և
իմ երգը միայն անմահ արևն է լսում։

Ու լայն թեկերը թափահարեց, վերացաւ դէպի ամպերը։
Բանտարկեալը դարձաւ ծիտերին, որոնք իր պատուհանի
շուրջը գնում էին, գալիս։

—Ճնճղուկներ, այ ճնճղուկներ, եկէք նստեցէք պատու-
հանիս, զնւք պատմեցէք՝ ինչ է կատարւում աշխարհում։ Մի
երգ երգեցէք ինձ համար։

—Ծիւ, ծիւ, մենք ժամանակ չունենք։ Մենք գործ ու-
նենք։ Մենք գնում ենք հաւաքելու ջաղացպանի թափած հա-
տիկները։—ծլլացին ճնճղուկները ու փափան։

Է.

Այն ժամանակ թռաւ եկաւ մի գեղեցիկ թռչնակ, պտըտ-
ւեց բանտի պատուհանի առջև ու նստեց երկաթէ ձողի վրա։

—Բարով եկար, իմ սիրուն սոխակ։ Շնորհակալ եմ որ
այցելեցիր։ Պատմի ինձ ի՞նչ է կատարւում աշխարհում, մի
երգ երգի ինձ համար։

—Ես կը պատմեմ քեզ թէ ինչ է կտարւում աշխարհում,
ես կերգեմ քեզ համար, —պատասխանեց սոխակը։

Եւ այնպէս սրտալի երգեց, որ խեղճ բանտարկեալը ու-
րախութիւնից լաց եղաւ։ Ընկաւ ծղնոտի վրա, անվերջ լաց էր
լինում ու լաց էր լինում։

«Երէկ, լուսաղէմին։—Երգում էր սոխակը, —այնպէս զով
էր ու թարմ։ Ես թռայ իջայ քո տնակի առջև եղած պարտէզը,
նստեցի կանաչ թփին, բաց պատուհանի դէմ ու երգում էի։

«Նոր զարթնել էր քո փոքրիկ տղան ու հարցնում էր՝
ուր է հայրիկս, մայրիկ, Ե՞րբ կը գայ հայրիկս։

«Քո հարազատները միշտ յիշում են քեզ ու լաց են լի-
նում։ քեզ շատ են կարօտել, սպասում են քեզ ամեն օր։


«Մի վհատի, Աստւած տեսնում է, որ անմեղ ես զու։ Կա-
զատւես այս բանտից, կը տեսնես քո տունը, քո ընտանիքը,
ու դարձեալ կապրես, ինչպէս ապրում էիր մի ժամանակ։

«Ամառայ խաղաղ երեկոներին քո կնոջ հետ կը նստես

ձեր դռանը, երեխաններդ աղմուկով շուրջդ կը խաղան, իսկ
պարտէզում, կանաչ թփի վրա կը թառեմ ես ու կերգեմ ձեզ
համար...»

Սոխակը երգում էր, իսկ բանտարկեալը երեմն իվայր
ընկած իր ծղնոտէ անկողնի վրա լաց էր լինում, յուսով ու
կարօտով լաց էր լինում...

Սա ի՞նչ սոխակ է, որ այդպէս սանտարկեալի սրտիցն է խօսում.
Եւ հրտեղ է ապրում այդ սոխակը:



59. Արտուտի երգը

Մի մարդտեսաւ գարնան մարգում
ոնց է արտուտն անուշ երգում
վեր ճախրելով
ճըռողելով:
«Սա որ, ասաւ, էս վայրի տեղ
երգ է ասում էսքան շքեղ,
հապա թէ մեր տանը լինի
ինչ դրախտի ձայն կը հանի»,
Բոնեց մարգի սիրուն երգչին
տարաւ փակեց վանդակի մէջ:
Թռչնակը լուռ նայում էր խեղճ
հեռնւ, հեռնւ ճոխ մարգերին.
միտն էր բերում կեանքընախկին,

երբ որ աղատ
էն ցողապատ
թարմ արօտում,
թաւիշ խոտում
ման էր գալի
սորոլ տալի...
և մայիսի

արշալուսի
ջինջ երկնքում
ոնց էր երգում,
խորհնւնկ, անվերջ
լոյս ծովի մէջ
անփոյթ լողում,
խընդում, խաղում...
Միտն էր բերում,
տիրում, տիրում,
ու էն կեանքի հուր կարօտով,
նեղ վանդակում, կոտրած սրտով,
երգում էր երգն իր գերութեան:

60. *Փակւած ու ազատ*

Փակւած վանդակում
սոխակ էր երգում,
նրա երգերից
լաց-ողբ էր լըսւում:

Ազատ երկնքում
ծիծառ էր թըռչում,
նըրա երգերից
բերկրանք էր հընչում:

61. *Ճերմակը*

ա.

Արագած սարի լանջում երամակի ամենից գեղեցիկ ձին,
ամենից կայտառը ճերմակն էր:

Երբ արշալոյսին պահապանները հեռու էին քշում ձի--
երը օրաների մօտից և օդի մէջ թրիկում էին նրանց երկար
մտրակները, ամբողջ երամակը սլանում էր լայնատարած մար-
դագետնով. ու ամենից առաջ սլանում էր ճերմակը նետի
պէս, ոտները գետնից կտրած, կոկ զլուխն ու վայելչակազմ
մարմինը մի գծի վրա, փարթամ բաշն ու ճոխ պոչը տւած

քամուն. Սլանում ու յանկարծ կանգ էր առնում, բարակ ոտներով գետինը փորում, ականջները սրում, լայն կրծքով խորը ներս ծծում առաւօտեան թարմ օդը և ուրախ խրխնջում արեի առաջին շողերի հանդէպ:

Նրա ողորկ մազը պողպատի պէս փալփլում էր արեի ոսկեգոյն ճառագայթների տակ և աչքերը վառում էին ազատութեան բոցերով։

Մէկ էլ ծառս էր լինում, թափէ թափ էր տալիս լայն ճակատը, ցատկում ընկերներից հեռու ու վստահ, առանձին արածում։ Ոչ գայլը, ոչ էլ մի ուրիշ գաղան չէր համարձակւում մօտենայ. Նրա քացին պառկեցնում էր յանդուգնին տեղն ու տեղը։



Եւ ուժեղանում էր ու օրէց օր գեղեցկանում ձերմակը, Արագածի դալար բարձունքներում, ազատ ու երջանիկ։

Ի.

Մի օր մի խումբ ձիաւորներ մտան երամակը ու աշխատում էին մօտենան ձերմակին։ Մէկ թոփչքով խոյս տւաւ նրանցից։ Զիաւորները ընկան ետեկից. ձերմակը քամու պէս սլանում էր. ճկուն մարմինը ծածկւեց սպիտակ փրփուրով. իսկ ետեկից շարունակ լսում էր հետապնդողների սմբակների դոփիւնը։ Հետզիետէ զանգալում էր նրա վագքը ու մի ձիաւոր արդէն հասնելու վրա էր։ Ձերմակը յանկարծ մի այնպիսի քացի հասցըեց նրան, որ մարդն ու ծին միասին գլորւեցին գետին։ Հպարտ, իր յաղթութեամբ զմայլած, վեր բարձ-

բացրեց ձերմակը իր գեղեցիկ գլուխը։ Եւ հէնց այդ ըռպէին պարանի մի կլոր օղակ օդի մէջ վզզաց ու գրկեց նրա երկար վիզը։

Նժոյզը փորձում էր փախչի, թափ էր տալիս պարանը վզից, օդի մէջ քացի էր տեղում, բայց բանի աւալի էր ճգնում պարանը կտրի, այնքան աւելի ու աւելի ուժեղ էր թելը սեղմում նրա կոկորդը ու խեղզում։ Ձերմակի շունչը կտրռում էր, կուրծքը փքւում, աչքերը լցւեցին արիւնով, ազատ աարերը, պայծառ աշխարհը մթնեց գլխին, և ուժասպառ չոքեց...

Իսկոյն շրջապատեցին, կապեր ձգեցին նրա դնչին, բերանը մի կտոր երկաթ դրին ու պարանը թուլացրին։ Երբ ձերմակը նորից վեր թռաւ, մի մարդ ամուր բռնել էր սանձի ծայրից և փաղաքշելով շրյում էր նրա ճակատը, գունչը, լայնացած ունգները։

Ձերմակը սաստիկ յոգնած էր ու հեռում։ Իսկ երկաթը սեղմում էր լեզուն, ցաւեցնում։ Բաւական ժամանակ ման ածեցին նրան, տարան գետը ջրելու, ապա ոտները բխովեցին, հանեցին սանձը ու թողին, որ արածի։

Ձերմակը գլուխը դարձրեց հեռուն, ազատ արածող իր ընկերներին, կանչում էր նրանց ու խրինջում այնպէս կարոտով, այնպէս սրտառուչ...

Գ.

Ամեն օր գալիս էր մի մարդ սանձը գցնում նրա բերանը ու երկար պարանի ծայրից բռնած, ստիպում էր ձերմակին, որ պտոյտ-պտոյտ շրջան անի, չարչարում էր, յոգնեցնում, յետոյ շոյում, փաղաքշում, ջրում, նորից բխովում և թողնում որ արածի։

Մէկ անգամ էլ եկաւ մարդը ձիու մէջքին մի ծանր բան զցեց ու փորից կապեց։ Ձերմակը հետաքրքրութեամբ նայում էր թէ ինչ պիտի լինի. յանկարծ մարդը թռաւ, հեծաւ թամբին, ոտներով ամուր հուպ տւաւ ձերմակի կողերը,

ու քաշեց սանձի երկաթը...

Ճերմակը կատաղեց։ Նրա սիրտը լցւեց մի անգուսպ ցան-կութեամբ։ ուզում էր կտրտի, պատառ պատառ անի գլխի, բերնի, փորի կապանքները, վայր զցի մէջըի ծանրութիւնը, ազատւի ու փախչի ազատ մարզագետինները, գնա խառնւի իր ընկերների երջանիկ երամակին։

Ծառս ծառս էր լինում, քացի էր տեղում, ամբողջ մար-մինը թափ էր տալիս, ատամներով փորձում էր հեծնողի ոտ-ները կծի, ետեւ սմբակներով աշխատում էր փորի գօտին արձակի...

Բայց մարդը ամուր կպած էր նրա մէջքին, սեղմում էր կողերը, ճիգ քաշում էր սանձը, պատում շրթունքները, ցա-ւացնում լեզուն...

Այն ժամանակ Ճերմակը խելակորոյս առաջ նետւեց, սլա-ցաւ արագ, ինչպէս այն երջանիկ օրերին, երբ սլանում էր ըն-կերների հետ ազատ երամակում։ սլացաւ գլուխը կորցրած, խրտնած, սարսափահար...

¶.

Անցան օրեր, տարիներ, ազատասէր Ճերմակը, Էն Արա-գածի պարծանք Ճերմակը, այժմ սանձած, պայտած, թամբ-քած, հանգիստ կանգնած է մութ ախոռում։ իր բարի աչքերը շարունակ դարձնում է դէպի դուռը և անհամբեր սպասում է տիրոջ երևալուն։

Եւ հեռուից լսում է թէ չէ տիրոջ ոտնաձայնը, ազնիւ նժոյզը բարձր խրխնջում է ուրախութիւնից, խրխընջում է ու կանչում, կանչում է որ գայ, իրեն շոյի, փաղաքշի ու հանի դուրս լոյս աշխարհը...

1) Զին ինչո՞ւ է ուզում ազատ լինի։ Մարդն ինչո՞ւ է ուզում նրան սանձի տակ գցի։

2) Մարդիկ ինչպէս են անւանում ազատ կենդանիներին, ինչպէս են անւանում հպատակ կենդանիներին։

62. Վարդը



Փոքրիկ տղան մի վարդ տեսաւ,
տեսաւ մի վարդ դաշտի միջին.
վարդը տեսաւ, ուրախացաւ,
մօտիկ վագեց սիրուն վարդին.
սիրուն վարդին կարմիր վարդին,
կարմիր վարդը դաշտի միջին:

Տղան ասաւ.—Քեզ կը պոկեմ,
այ, կարմիր վարդ դաշտի միջին:
Վարդը ասաւ.—Տես, կը ծակեմ,
որ չը մոռնաս փըշոտ վարդին.
փըշոտ վարդին, կարմիր վարդին,
կարմիր վարդը դաշտի միջին:

Ու անհամբեր տղան պոկեց,
պոկեց վարդը դաշտի միջին.
փուշը նըրա ձեռքը ծակեց,
բայց էլ չօգնեց քնքուշ վարդին.
քնքուշ վարդին, կարմիր վարդին,
կարմիր վարդը դաշտի միջին:

Փուշն ինչի համար է:

63. Թաւաւագ մեղուն

ա.

Անտառի խորքում մի հսկայ ծառի փշակում մեղուները
շինել էին իրենց փեթակը:

Փեթակի բազմաթիւ փոքրիկ խցիկները, որոնք մոմից էին
ձուլւած, բոլորն էլ լին էին, նրանց մէջ կամ ոսկի մեղքն էր
պահւած, կամ սպիտակ ձւերն էին կամ թրթուրները իրենց

պատեանների մէջ փաթաթւած:

Այդ պատեաններից մէկի միջիցն էր ահա, որ դուրս սուղաց մանուկ մեղուն ու գլուխը հանեց բճիճից:

Իսկոյն նրա դէմը վազեց դայեակ մեղուն:

—Ո՞, բարեւ, փոքրիկս. գալուստդ բարի. Էտ ինչ սիրուն ես, ինչ թաւ մազեր ունես. եկ՝ անունդ դնենք թաւամազ:

Ասաւ ու սկսեց լիզել նրան, մաքրեց, յարդարեց ու առատ կերակրեց մօտի մեղրի պաշարից: Եւ երբ թաւամազը լաւ կշտացաւ, դայեակը տարաւ նրան փեթակի դուռը:

Աստւած իմ, ինչ լոյս էր, ինչ պայծառու: Թաւամազը իսկոյն բացաւ թևերը ու թռաւ թէ չէ՝ տեսաւ իր շուրջը կանչ, անվերջ դաշտեր, իսկ վերևը մաքուր, կապոյտ երկինք. և ինչ անուշ բուրում էին ծառերն ու ծաղիկները:

Մեղուն սլացաւ և հրձւանքից պտոյտներ էր անում օդի մէջ:

Ի.

—Ե՞յ, բարեկամ, ինչ բանի ես այդտեղ,—հարցրեց պառաւ մեղու:

—Զւարձանում եմ.—պատասխանեց թաւամազը:



—Զւարձանում ես. թէ Աստւածդ սիրես.—հեզնեց պառաւը:—Բոլորս այժմ աշխատում ենք, ինչ քեզի ժամանակ է. այդպէս առոյգ, այդպէս առողջ. մազերդ էլ այդպէս թաւ, ծաղկի փոշին իսկոյն կը կպչի. թռի ետևիցս. ես քեզ կը սովորեցնեմ:

Մեծ մեղուն այնպէս տրագ էր թռչում, որ թաւամազը հազիւ էր կարողանում ետևիցը համնի:

Մեղուն շիտակ մտաւ մի ահազին կապոյտ ծաղկի բաժակը, սկսեց ծծել յատակի մեղրը. բսեց ետևի ոտներին ու գնաց ծաղկի դեղին փոշու ամանների մօտ, վերցնում էր դեղին փոշին ու քսում մեղրուտ ոտներին:

Թաւամազը նոյնն էր անում: Յանկարծ որ չը նայեց իրեն ու պառաւ մեղուին, ծիծազը պահել չը կարողացաւ: Երկուսն էլ կարծես դեղին վարտիքներ էին հագել:

—Հը՞, հաւանեցիր վարտիքդ.—ասաւ մեծ մեղուն.—դէ, գնանք տուն:

Հազիւ էին փեթակ մտել, որ փեթակի բոլոր դայեակներն ու բանւորները վրա թափեցին:

—Վայ, պահապաններ, օգնեցէք, վարտիքս կերան, վարտիքս:

—Բան չկայ, քաղցած են.—ասաւ մեծ մեղուն:—Դէ, լաւ, բաւական է,—դարձաւ միւսներին և առաջնորդեց Թաւամազին շտեմարանը և ցոյց տւաւ, թէ ինչպէս պէտք է ածի մեղը մոմէ բճիճների մէջ:

Ու Թաւամազը դարձաւ մեղը հաւաքող: Յոգնեցնող աշխատանք էր, ճիշտ է, բայց աշխատանք էր. և ինչ լաւ ու կարեոր բան էր այդ աշխատանք ասւածը:

Գ.

Այսպէս էլ մի անգամ, երբ Թաւամազը բեռնաւորւած դաշտից տուն էր դառնում, տեսաւ փեթակի շուրջը մի անսովոր իրարանցում. լաւում էր սաստիկ բզզոց ու մի սարսափելի գոռոց:



Մօտ եկաւ ու զարմացաւ, որ բոլոր մեղուները գուրս էին թափւել ու պտոյաներ էին անում փեթակի շուրջը: Այսպէս էին կատաղել ու իրարիսանել, որ ոչինչ չէր կարելի հասկանալ: Այսքանը պարզ էր, որ մի թշնամի

էր վրա տւել: Եւ ինչ թշնամի. ինքը՝ արջը:

Ետեի թաթերի վրա կանգնած, նա մըթմըթալով ման էր

գալիս ծառի շուրջը, իսկ առաջի թաթերովը աշխատում էր հասնի մեղրի պահեստին:

Յանկարծ քաշեց, պոկեց ծառի կեղեի մի կտորը, որտեղից դուրս թափւեցին մնացած մեղուները։ Արջը մի թաթով պաշտպանում էր նրանց յուսահատ յարձակումից, իսկ միւս թաթը կոխում էր փեթակի խորը, ուր մեղրի շտեմարանն էր, հանում էր դուրս ու ազահաբար կուլ տալիս անուշ ուկի մեղրը։

Այս որ տեսաւ Թաւամազը էլ իրեն զսպել չկարողացաւ, կատաղած նետւեց արջի վրա ու խայթեց ուղիղ աչքը։ Արջը մռնչեց սաստիկ ցաւից, թողեց փեթակը ու փախաւ։

Բայց խեղճ Թաւամազը... իր զայրոյթից այնպէս խորն էր խայթել, որ խայթոցը մնացել էր աչքի մէջ։ Խեղճը յանկարծ թուլացաւ, ընկաւ գետին իր նման նահատակների մօտ ու աչքերը յաւիտեան փակեց։

Բայց մեռնելիս նա չէր զղջում իր արածի վրա, չէ՞ որ փեթակի ազատութեան համար էր զոհել իր կեանքը, իր տան համար, իր հայրենիքի։

Չէ՞ որ՝ «Ամենքը մէկի համար, մէկը ամենքի»։

Բացի փեթակից ուրիշ ի՞նչ տեղ գիտես, ուր «ամենքը մէկի համար են, ու մէկը ամենքի»։

64. Գարուն իրիկուն

Լուսնակն անուշ, հովս անուշ,	ծովային հովս էր անուշ:
շինականի բունն անուշ,	Դաշտեր, ձորեր մընջեր են,
ծագեց լուսնակն երկնուց	Ջրեր գլուխ, ձէնն անուշ.
հովկի սըրինզն էր անուշ:	հաւքեր թուան իրենց բուն
Հօտաղն եղներ կարածէ	բլբուլի տաղն էր անուշ.
մաճկալ պառկել, քունն անուշ,	անմահական հոտ բուրէր,
զրղղըղուն քամին կը փըշէ,	քաֆուր վարդի հոտն անուշ:

65. Ծաղիկների երեկոյթը

ա.



մարդարիս

Գարունը իր մեկնելուց առաջ ուզեց իր հրաժեշտի երեկոյթը տայ այս գիշեր ծաղիկներին:

Կանչւած են սոխակները նւագելու և լուսատիտիկները ճրագալոյցի: Կանչւած է նաև զեփիւոր պարերը կառավարելու:

Երեկոյթին հրաւիրւած են անտառի բոլոր ծաղիկները, բոլորն էլ անպատճառ իրենց ամենասիրուն ու գունագեղ հագուստներովը:



Եկել է սուսամբարը կանաչ շրջազգեստը հագին. մարդարիտները սիպտակ պսակներով իրենց դեղին գլուխներին:

Եկել են բոժոժները, սիպտակ, աշխուժ ու զւարթ. Եկել է սիրի-սիրին իր կարմրաւուն գանգուր գլուխը ուղիղ պահած:

Եղածաղիկն էլ է ներկայ, դեղնագլուխ, փոքրահասակ. այլ և անուշահոտ կապուտաչւի մանուշակները, որոնք բոժոժիկ խմբով մի թփի տակ քաշւած փսփսում էին իրար հետ:

Հապա շահոքրամները իրենց գոյնզգոյն թաւիշ գլխարկներով ու վզները նազանքով թեքած. հապա հպարտ, ցից մեխակը՝ ատամնաւոր պսակը գլխին, կարմիր կամ ճերմակ:

Էլ սիպտակ եղինջը՝ փարթամ տերեների ծոցում, էլ կապոյտ անանուխը, էլ դեղին պուպուն, որից շուտով սատանի կառերն են ծնւելու. էլ ո՞ն ասեմ, բոլոր անտառի ծաղիկները, բոլորն էլ հրաւիր-



ուրեմնեւեւ

ւած էին գարնան այս գիշերւայ երեկոյթին:

բ.



մանեւակ

Հէնց որ ահազին կաղնու ետևից լուսնի դէմքը երևաց ու նրա արծաթի ճառագայթները ընկան անտառի մէջ թաքնւած փոքրիկ մարգագետնի վրա, բոլոր հրաւիրւածների դէմքերը զւարթացան:

Եւ իսկոյն էլ լսւեց սոխակների նւազախումբը, մինչ ծղրիտները ձայն էին պահում:

Թեթև զեփիւոը դուրս պրծաւ անտառի մութի միջից ու վազ տւաւ մարգագետնի երեսով. բոլորը շնորհալի ողջունեցին իրար ու պարերը սկսւեցին:

Զեփիւոը թեթև փչում էր, նւազը հընչում էր անընդհատ ու պարերը շարունակւում էին:

Մի տեղ շրջան կազմած եայլի են բոներ, պարում են, պարում ու միշտ նոյն տեղում. մէկ էլ եայլու շրջանը քանդում և այս ու այն կողմից սկսւում է կենտապարը:

Տեսնելու բան է, ինչպէս նարգիզը իր երկայն վիզը պշրանքով թեքած իր գլուխն է ծռմռում, թեթև ու սիրուն, և ամբողջ ձողունը դողում է յուզումից:



մեխակ

Իսկ ինչպէս խենթ-խենթ ու ինչ եռանդով թոթոռում էին կապոյտ ու ճերմակ զանգակները շարւած իրենց երկար-բարակ ձողունին: Հապա շուշանը ինչպէս նազանքով շարժում էր կամաց իր քնքուշ ճերմակ գլուխը:

Ի՞նչ արւեստով, ինչ եռանդով պարում էին բոլորը:

Կապուտիկ պատատուկը թփերի ու ոս-



շանքըրամ

տեղի վրա էր մագլցել, որ աւելի լաւ
տեսնի: Մինչ ցածում բազմատեսակ խո-
տերն ու սէզերը ուրախութիւնից ծափ
էին տալիս:

Բ.

Յանկարծ նւազը լռեց. քամին կանգ
առաւ ու պարերը դադար առին:

Եւ հնչեց սոխակի քաղցը ու աննման
երգը: Երգում էր մէկը: Երգում էր ու
գովում գարնան գովը ու անտառների
ծառ ու ծաղկի գե-

դեցկութիւնը:

Ծաղիկները յափշտակւած՝ ան-
շարժ, անշշունջ ականջ են դնում:
Ականջ է դնում ամբողջ անտառը, կար-
ծես քարացած:

Մէկ էլ զեփիւոր վազում գալիս է
նորից. նորից սկսում են պարերն ու
քչփչոցը:

Ծաղիկները զլուխները իրարու
հակած՝ խօսում են ի-
րենց զաւակներից,
որոնք շուտով գալու էին:

Գիշերը անցել էր աննկատելի:

Շատ չանցած լուսինը հանգիստ իջաւ
ծառերի ետևը ու ծածկւեց:

Մութը պատեց մարգագետինը. քա-
մին էլ յոգնած՝ թողեց ու քաշւեց. Բոլոր
ծաղիկները նոյնպէս յոգնած պարից ու



նարդիզ



պուպու

զրոյցից կախում են ի-
րենց ծանրացած գլուխ-
ները ու քնում։




զանդակ

Անտառի խորքից լը-
ում է միայն, հեռուն,
սոխակի մեղմ ու քնքուշ
մենաւոր երգը. կարծես
օրօր է ասում...



շուշան



պատառուկ

66. Գիշեր

Ննջել են բոլոր ծաղկունքը մուշ-մուշ
անքուն հովերի սըրինգովն անուշ,
ննջել է արօտ, ննջել է նոճին,
ոտնուծոց արել բլուրներն հեռուն,
հանգիստ են հիմա հըսկան ու ճըճին,
երազում թաղւած խնդում է առուն։

67. Արիասիրտ բանորդ

ա.

Սարսափելի է գազերի պայմիւնը ածխահանքերում, պակաս սարսափելի չէ հեղեղումը:

Ստորերկրեայ աղբիւրները հետզհետէ մաշում ծակում են ածխահորերի պատերը և յանկարծ ներս խուժում ու ողոզում անցքերն ու խուցերը: Եւ եթէ աշխատանքի ժամանակ է, երևակայեցէք, ուր փախչեն անօգնական ածխահատները:

Սրանից մօտ հարիւր տարի առաջ Բելգիայի Լիէժ քաղաքի մօտ ածխահորերում մի այդպիսի դէպք պատահեց: Ստորերկրեայ ջուրը հաւաքւել էր վաղուց թողած հորերում, յանկարծ պատերը պատռել էր ու ներս յորդել հարևան բանուկ անցքերը, որտեղ աշխատում էին մօտ հարիւր հոգի: Մի քանիսը իսկոյն շտապեցին դէպի այն հորը, որտեղով ածխահատներին վեր էին բարձրացնում, և թափւեցին նստեցին քթոցների մէջ: Մեքենան իսկոյն քթոցները քաշեց վեր, բայց քթոցները նորից իջեցնել անկարելի եղաւ, որ միւսներին էլ հանեն. ջուրը արդէն լցւել կտրել էր ճամփան:

Տամնըինը հոգի գլուխները կորցրած վազեցին առաջ ու ջրի հեղեղի մէջ խեղդւեցին: Իսկ եօթանասունը չորս հոգի, որոնց մէջ էին նաև տասնըհինգ մանուկներ, փակւած մնացին մի հեռաւոր անցքում:

Դրանց թւում և աւագ բանւորը, մի փորձւած ու հմուտ ածխահատ:

թ.

Փորձանքի սկզբում նա ամենից մօտ էր գտնւում քթոցներին և կարող էր թոշել նստել քթոցն ու ենել վեր: Բայց նա չուզեց ընկերներին թողնի: Իրաւ է. այնտեղ, վերեւում, նրան սպասում էր կինը վեց որդիների հետ, բայց այդ վայրկեանին նրա փորձառութիւնն ու օգնութիւնը աւելի հարկաւոր էր իր ընկերներին: Նա քթոցի մէջ չը նստեցրեց նոյն իսկ

իր տղին, որին սիրով հետները կը վերցնէին վերև ելնող բանւորները։ Նա չուզեց օգտւի այն բանից, որ ինքը աւագ է, նա չէր ուզում իր զաւակի մասին աւելի մտածած լինի, քան մնացած միւս մանուկների։

Նա արագ հարցրեց իր տղին։—Կը մնամ ինձ հետ։

—Այն, —պատասխանեց տղան ու սեղմւեց հօրը։

Այն ժամանակ բանւորների աւագը գրկեց մի ուրիշ տղի ու նստեցրեց քթոցի մէջ, որը արդէն վեր էր բարձրանում։ Իսկ ինքը դարձաւ ու յայտարարեց ընկերներին։

—Ես բոլորիդ կը փրկեմ կամ կը մեռնեմ ձեզ հետ։

Ածխահատները ոգեսորւած նրա պատւէրով առան իրենց քլունգները և սկսեցին ամբողջ ուժով աշխատելու, որ ճամփայ բանան դէպի ջրի հակառակ կողմը։

Դ.

Գիշեր ցերեկ քանդում էին հողը. հինգ օր անցաւ այդ լարւած աշխատանքի մէջ, երբ ածխահատների կէսը յոգնած փըռւում էր գետին քնելու, միւս կէսը շարունակում էր գործը։

Իսկ աւագը աշքը չէր խփում ու զեկավարում էր աշխատութիւնները։

Սիրտ էր տալիս, քաջալերում, ուշքի էր բերում ընկերներին, երբ նրանք յուսահատութիւնից քիչ էր մնում որ խելագարւէին։

Ամենահամարձակները սարթափից ու սովից խելքները կորցնում էին. Քաղցը յագեցնելու համար ուտում էին գոտիների կաշին, կրծում էին փայտի կտորներ։ Մի փոքրիկ մոմի կտորի համար սոսկալի կուիւ ընկաւ։

Աւագը լուսականում էր հեռանում ընկերների մօտից ու հըսկում էր նկանց ամեն մի խօսքին։

Մի մասգամ նորից, ածխահատներից երկուսը իրար վրայարձակւել ու տալիս էին իրար, երբ աւագը միջամտեց որ հանգստացնի, յանկարծ մի ածխահատ ընդհատեց նրան ասելով։

—Թող, բան չունես, թող կուեն. եթէ մէկը միւսին սպանի, աւելի լաւ՝ կուտենք նրան:

Այն ժամանակ աւագը կանգնեց կուողների մէջ տեղը և կուրծքը մերկացնելով՝ գոչեց.

—Ով ձեռք կը բարձրացնի իր ընկերոջ վրա, հարւածը թող նախ իմ կրծքին հասցնի:

Նրա աչքերը վառում էին չը տեսնւած կրակով. ձայնը որոտի պէս հնչում էր ահաւոր կամարների տակ. կուողները ամաչեցին ու վերսկսան աշխատանքը:

Դ.

Երկրորդ օրը պատահմամբ մի ծակ բաց արին դէպի ածխաշերերի մի ճեղք, որտեղից մահաբեր հանքային գազեր էին դուրս գալիս: Բաւական է գազը բռնկէր, որ պայթիւնից բոլորն էլ կորչէին: Բանւորների աւագը իսկոյն պատւիրեց ծակը խցեն, իսկ երկու երիտասարդ ածխահատներ ձայն էին տալիս այն կողմից.

—Ինչու ես խցում. աւելի լաւ է լապտերը մօտեցնենք գաղին, թող պայթի, գոնէ մէկ անգամից սատկենք, պրծնի:

Բայց նա զսպում էր ընկերների այդ ծայրայեղ յուսահատութիւնը իր սառնասրտութեամբ և անսասան արիութեամբ:

Հինգերորդ օրը լապտերները հանգան մաքուր օդի պակասութիւնից. ահոելի խաւարը պաշարեց բոլորին:

Մի քանիսը գրեթէ ցնորեել էին սարսափից. սկսել էին հաւատացնել թէ իրենց դիտմամբ են սոված թողնում: Ըմբռստանում էին իրենց աւագի դէմ, պահանջելով որ հաց ճարի իրենց համար, կարծես ունէր ու չէր տալիս:

Վերջին ուժերը սպառուում էին. մի քանիսը այն աստիւծան թուլացել էին, որ մեռնելու վրա էին: Աւագը խրախուսում էր, աղաչում, որ աշխատեն, խոստանում էր մօտալուտ փրկութիւն, և ինքն էլ անխոնջ բանում էր քլունգը ձեռքին:

Ե.

Վեցերորդ օրն էր, որ հակառակ կողմից լսւեցին զարկեր:

բարից ընկերները նրանց դէմ առ դէմ անցք էին փորում։ Այդ ձայները նոր ուժներշնչեցին փակւածներին և երբ երկու անցքերը իրար հանդիպեցին ու թարմ օդի հոսանքը յանկարծ դիպաւ դժբախտների երեսին, ուրախութեան ճիշը դուրս թռաւ բոլորի կրծքից ու շատերը ուշաթափ ընկան գետին։ Տանջւած բանտարկեալները սկսեցին լոյսաշխարհ դուրս գալ. մի քանիսը այնքան թոյլ էին, որ չէին կարողանում իրենք շարժւեն։ Մուտքի մօտ սպասում էր ածխահանքերի ամբողջ ազգաբնակութիւնը։

Բոլոր եօթանասուն և չորս հոգին էլ փրկւած էին։ Աւագը մնաց գետնի տակ, մինչև որ բոլոր ընկերները դուրս ելան։ Նրա տղին հանել էին ամենից առաջ, միւս մանուկների հետ։

Նա դուրս եկաւ վերջինը։ Մուտքի մօտ սպասում էր կինը երեխաների հետ։ Արտասւալից աչքերով, երջանկութիւնից թրթրուն, նա ընկաւ ամուսնու գիրկը, մինչ մանուկները կախւում էին վզից ու թեերից…

1) Ո՞րն է այստեղ աւագ բանտորի ամենաազնիւ վարմունքը։

2) Ո՞րն է այդ բանտորի ամենամեծ հպարտութիւնը։

3) Իսկ որդու վարմունքին ինչ անուն կը տաս։

68. Անբախտ վաճառականներ

ա.

Մի օր Զըղջիկն ու Ճայն եկան
թէ՛ եկ դառնանք վաճառական։
Ասին ու խելք խելքի տըւին,
հաւան կացան, պայման դըրին։
բայց՝ արի տես... որ փող չունեն։
Շատ միտք արին, թէ ինչ անեն։
վերջը եկան Փըշի մօտը,
ընկան նըրա ձեռն ու ոտը,
ու մուրհակով,
շահով, կարգով,

փող վեր առան բաւականին,
ինչքան պէտք էր իրենց բանին
Զիդը մընաց, տընպահ դառաւ,
ճայը բոլոր փողերն առաւ,
առաւ, նըստեց նաւի միջին,
հասաւ Մըսըր, Զինումաչին,
Ֆարս, Հընդըստան,
Արաբըստան...
Էլ թանկագին քիրմանի շալ,
Էլ մարգարիտ, զըմըուխտ ու լալ,
հնդու խուրմա, վըստա, բագամ,
և... որ մէկի անունը տամ,
ինչ որ տեսաւ, աչքը սիրեց,
բօլ-բօլ առաւ, նաւը լըցրեց.
նաւը լըցրեց հազար բարով
ու ետ՝ եկած ճանապարհով
ուրախ-ուրախ տուն էր գալի:
Ճամբին ծովում սարսափելի
ալեկոծում, մըրըիկ ելաւ,
երկինք հանեց ալիք ու նաւ,
երկինք հանեց, թողեց ներքե,
ողջ կըլանեց անդունդքը սև:
Միայն սովորաքեար Ճայը էնօր
ազատւեցաւ մերկ ու տըկլոր:
Ազատւեցաւ, փառք իր Ասծուն,
բայց ի՞նչ սըրտով խեղճը գայ տուն.
գայ՝ ի՞նչ ասի պարտքատէրին,
հնց երևայ իր ընկերին...

Բ.

Ընկերն էնտեղ՝ դուռը կըտրած,
աչքը ճամփին, վիզը ծըռած,
համբում է օրն օրի վըրայ

թէ՝ մեր ձայը երբ պիտի գայ...
Երկար նայեց,
ճամբէն պահեց,
շատ լաւ ու վատ երազ տեսաւ,
մինչև պարտքի օրը հասաւ,
ու՝ մուրհակի թուղթը ձեռին,
փուշը տընկւեց կըտեր ծէրին:
«Ե՛յ, բարեկամ, ի՞նչ բանի էք.
Էլ չէք ասում թէ պարտք ունէք...
գործ բըռնեցիք, հօրս ողորմի,
ետ տըւէք դէ փողըս հիմի:
Թուղթ էք տըւել՝ վախտ իմացէք,
ամօթ, աբուռ, ահ ունեցէք...
Թալան հօ չի... մեղք եմ ես էլ...
Ախալէր, էսպէս բան էք տեսել.
ոսկի տայ մարդ իրեն ձեռով,
չըկարենայ առնել զոռնվ...
Սրանից ետը դէ արի դու
ու ձեռ մեկնի աղքատ մարդու»...
Գոռգոռում էր ողջ թառակում,
հայհոյում էր, խայտառակում.
ամեն մարդ էր, ով որ լըսում,
հէնց մի բերան էն էր պսում.
—Ա՛յ ամօթ ձեզ, Զըղջիկ ու ձայ.
ի՞նչ ենք լըսում, վայ, վայ, վայ, վայ.
անունները վաճառական
ու էս տեսակ խայտառակ բան...
Վայ, վայ, վայ, վայ, Զըղջիկ ու ձայ...

գ.

Զըղջիկն էսպէս միշտ լըսելիս
սիրոը բերնով դուրս էր գալիս:
Բարկանում էր իրեն մըտքում,

անիծում էր, չըքում, թըքում.
«Այ քո տունը քանդկի, ա ձայ,
այ դու դառնաս Գըրողի փայ.
Էս ի՞նչ բան էր, որ դու արիր,
գլուխս էս ի՞նչ փորձանը բերիր...»
Ու խընդըռում էր ամեն անգամ.
—Մի նեղանայ, Փուշ բարեկամ,
շատ ես կացել,
կաց մի քիչ էլ.
Թուղթ ստացայ երեկ ձայից,
թէ դուրս եկայ Արաբիայից.
որտեղ որ է՝ շուտով կրգայ,
դեռ մի բան էլ աւել կըտայ...
—Ես չեմ ուզում աւելն, ախպէր,
կանխիկ համրած իմ փողը բեր.
շահ էք գըրել,
վախտ էք գըրել,
ինչ գըրած է, էն եմ ասում,
ձեզնից աւել բան չեմ ուզում:
—Զէ, աղա Փուշ,
թէ վաղ թէ ուշ,
փողն իր կարգին, շահն իր կարգին,
իսկ պատիւըդ... ես իմ հոգին...
ես յոյս ունիմ... ասենք պարտ ենք...
Բայց չէ ախար մենք էլ մարդ ենք...
Զէ, քո արածն ով մոռանայ,
իր Աստւածն էլ նա կուրանայ...
դ.

Խեղճը էսպէս լեզու ածաւ,
շատ յոյս տըւաւ, շատ խոստացաւ,
շատ սուտ ասաւ պարտքատէրին,
շատ ըսպասեց իր ընկերին.

բայց ընկերը չըկայ, չըկայ:
«Ես ի՞նչ ցաւ էր, Աստւած վըկայ-
ինչ իմ բանն էր՝ մըտայ մէջը,
որ խայտառակ լինեմ վերջը...
ի՞նչպէս պըրծնեմ էս կըրակից,
էս ահագին պարտքի տակից,
Էլ ի՞նչ ասեմ,
հնց ըսպասեմ.

Նա ե՞րբ կըզայ, ի՞նչ իմանամ,
ո՞ր ջուրն ընկնեմ... ում մօտ գընամ...»


Շատ միտք արաւ,
դէս դէն թըռաւ,
ինչ որ ունէր տանը, հագին,
ողջ հաւաքեց, տըռաւ պարտքին,
ցիփ մերկացաւ,
Էլ չը պըրծաւ.

Վերջը տեսաւ, որ ճար չեղաւ,
թերե առաւ, ինքն էլ փախաւ,
փախաւ կորաւ, որ էլ էնպէս
դատարկ, սընանկ ու սկերես,
ոչ պատահի պարտքատէրին,
ոչ երևայ լոյս աշխարհին:

Ե.

Այսուհետեւ, իր նամուսից,
չըղջիկը մերկ, փախած լուսից,
ցերեկները դէս դէն թարչում,
գիշերն է միշտ մըթնում թըռչում,
որ չերևայ իր թայ-թուշին,
ոչ պարտքատէր աղա-Փուշին:
Ճայն էլ ծովում,
ճըչում, ծըւում,
ջուրն է մըտնում,

գուրս է պըրծնում,
 թեին տալիս,
 ման է գալիս,
 թէ մի գուցէ բախտը բանի,
 կորուստն էլ ետ ջըրից հանի:
 իսկ Փուշն, արդէն յոյսը հատած,
 ճանկ ու ատամ սուր պատրաստած,
 կողքովն ով որ անց է կենում
 քաշում է փէշն ու հարցընում,
 թէ չեն տեսել մէկն ու մէկին,
 էն լիրը ձային կամ Զըղջիկին:
 Ու էն օրից մինչեւ օրս էլ
 մէկը մէկին դեռ չեն տեսել:



69.Մայրը

Մի գարնան իրիկուն դուանը
 նստած զրոյց էինք անում,
 երբ այս դէպքը պատահեց:
 Եւ այս դէպքից յետոյ ես չեմ
 մոռանում էն գարնան իրի-
 կունը:

Ծիծեռնակը բուն էր շինել
 մեր սրահի օճորքում: Ամեն տարի աշնանը գնում էր, գար-
 նանը ետ գալի, ու նրա բունը միշտ կպած էր մեր սրահի
 օճորքին:

Ե՛ւ գարունն էր բացւում, և մեր սրաերն էին բացւում,
 և էնց որ նա իր զւարթ ճիշով յայտնուում էր մեր գիւղում ու
 մեր կտուրի տակ:

Եւ ինչ քարցը էր, երբ առաւօտները նա ծըլւըլում էր
 մեր երդկին, կամ երբ իրիկնապահերին իր ընկերների հետ
 շարւում էին մի երկար ձողի վրա ու «կարգում իրիկնաժամը»:

Եւ ահա նորից գարնան հետ վերադարձել էր իր բունքը Զու էր ածել, ճուտ էր հանել, ու ամբողջ օրը ուրախ ճշաւով թռչում, կերակուր էր բերում իր ճուտերին։

Էն իրիկունն էլ, որ ասում եմ, եկաւ, կտըցում կերակուր բերաւ ճուտերի համար։ Ճուտերը ճշճալով դեղին կտուցները դուրս հանեցին բնից։

Էտ ժամանակ, ինչպէս եղաւ, նրանցից մինը, գուցէ ամենից անզգուշը կամ ամենից սովածը, շտապեց, աւելի դուրս ձգւեց բնից ու ընկաւ ներքև։

Մայրը ճշաց ու ցած թռաւ ճուտի ետևից։ Բայց հէնց էտ վայրկեանին, որտեղից որ էր, դուրս պրծաւ մեր կատուն, ճուտն առաւ ու փախաւ։

«Փիշտ, փիշտ»։ Վեր թռանք ամենքս, իսկ ծիծեռնակը սուր ծղրտալով ընկաւ կատւի ետևից՝ նրա շուրջը թըրթըռաւով ու կտցահարելով, բայց չեղաւ։ Կատուն մտաւ ամբարի տակը։ Եւ այս ամենը այնպէս արագ կատարւեց, որ անկարելի էր մի բան անել։

Ծիծեռնակը դեռ ծղրտալով պտըտում էր ամբարի շուրջը։ Իսկ մենք, երեխաներս, մի մի փայտ առած պտըտում էինք ամբարի տակը, մինչև կատուն դուրս եկաւ ու փախաւ։ Դունչը լիզելով։

Ծիծեռնակը դատարկ կատւին որ տեսաւ, մի զիլ ծըղըրտաց ու թռաւ, իջաւ զիմացի ծառի ճիւղին։ Այնտեղ լուռ վէր եկաւ։ Մին էլ տեսանք, յանկարծ ցած ընկան մի քարի կտորի նման։ Վազեցինք, տեսանք՝ մեռած, ընկած է ծառի տակին։

Մի գարնան իրիկուն էր, որ այս դէպքը պատահեց։ Շատ տարիներ են անցել, բայց ես չեմ մոռանում ոչ այս դէպքը, ոչ այն գարնան իրիկունը, երբ ես առաջին անգամ իմացայ, որ ծիծեռնակի մայրն էլ մայր է ու սիրտն էլ սիրտ է, ինչպէս մերը։

70. Անձրեւ

Ալևոր լեռան
սպիտակ գլխին
եկան դիզւեցին
չարագուժ ամպեր.
ճընշեցին նըրան,
ծանրացան վըրան,
սարը մըրույեց,
խըստադէմ մի հօր
ճակատի նըման:

Շուրջը խաւարեց
ու խոր լոռութիւն:
Բայց կամաց-կամաց
վերեից լըսւեց
խըլաձայն որոտ:
Լոեց մի վայրկեան
ու ճայթեց յանկարծ,
որոտաց, գոռաց
կատաղի թափով.

և արար-աշխարհ
դղրդաց ահեղ:
Եւ խոշոր-խոշոր
կաթիները յորդ
պատուած երկընքից
զայրացած, ուժգին
թափւեցին գետին
մայր հողի վրա:

Ու լեռան կողից
վտակներն ուռած,
աղի, ջերմ առատ
արցունքի նման,
արագ, կարկաչով
թափւեցին ներքեն,
դիմեցին հեռու
դէպի լայն դաշտը,
դէպի Մայր-Արաքս...

71. Մրտուտ տղան

ա.

Անձրեւ մի քանի օր անդադար դալիս էր: Փոքրիկ վտակ-
ները մի-մի հեղեղ էին դարձել ու փըրփըրալով, կատաղած
ցած էին պլորուում լեռների վրայից. ձորերն ու կիրճերը
դղրդում էին:

Երկաթուղու գծի մօտ կանգնած մի տնակում խաղում
էին չորս տղայ. բոլորն էլ գրեթէ իրար հասակակից.
- Դէհ, Մաքո, —կանչեց նրանցից մէկը.—ապա թէ քաջ

տղայ ես, կանգնիր ուելսների մէջտեղ, այս ըովէիս անցնելու
է արագ գնացքը:

—Ի՞նչու կանգնեմ,—պատասխանեց Սաքօն, —բան ու
դործս կտրեւ է:

—Ի՛, վախկնտ, վախկնտ. պարծենում էլ ես թէ տմենքիցս
քաջն ես:

Եւ երեք ընկերները սկսեցին ծաղրել Սաքօն, բայց նա
ոչինչ չէր պատասխանում: Մի փոքր ժամանակից նրանք
դուրս պրծան սենեակից նայելու թէ ինչպէս կանցնի արագ
գնացքը, իսկ Սաքօն ետևներիցը ձայն տռաւ:

—Աւելի լաւ է տանը մնացէք: Բան չունէք, անձրևի տակ
զուր տեղը ի՞նչ էք թրջւում:

Բայց յանկարծ լսւեցին սարսափահար աղաղակներ.

—Սաքօն, Սաքօն:

Տղան դուրս վագեց: Եւ իսկոյն նկատեց, որ մօտակայ կա-
մուրջը սկսել է նստել: Իսկ գնացքը այն է պիտի գար ու վը-
րայովը անցնէր:

—Կը գլորուի, անպատճառ անդունդը կը գլորւի:

Բոլորի սրտները սաստիկ բարախում էր:

—Պէտք է շուտով մի հնար գտնենք գնացքը փրկելու, —
կանչեց Սաքօն: —Քանի ժամանակում կարելի է համնել կա-
յարանը:

—Կէս ժամից աւելի, այստեղից կարճ ճամփով չորս վերստ
կը լինի:

—Արդեօք մէկից ձի չի կարելի ճարել:

—Զաղացպան Գիքորն ունի, բայց մինչև ջաղացը ինչքան
ճամփայ է:

—Դու, Յովսէփ, վազի դէպի ջաղացը և փորձի մի կերպ
կայարան հասնես գնացքի դուրս գալուց առաջ: Սրմօ, դու
էլ շտապի գծի ճամփով, գուցէ կարողանաս պահապանին իմաց
տաս, որ գնացքը կանգնացնի: Իսկ ես ու Զատին կը մնանք
այստեղ. եթէ դուք բան չանէք, մենք կաշխատենք կանգնեցնենք:

բ.

—Վաղուց է այսպիսի թոն չեմ տեսել,—ասում էր մեքենավարը, որ կառավարում էր գնացքը:

—Ես էի, —պատասխանեց օգնականը, —երանի թէ կամուրջները վնասւած չը լինեն: Տես, ինչ հեղեղներ են սարերից թափւում:

Գնացքը արագ գնում էր:

—Ի՞նչ է անում այդ տղան, —հարցրեց օգնականը, տեսնելով գծի կողքին քարի գլխին մի տղայ, որ ձեռ ու ոտով էր անում:

—Այս անձրկին որ փոքրիկներին դուրս են թողնում բարկացաւ մեքնավարը:

Գնացքը վշշալով օձի պէս սողում էր կատաղած գետի ափով:

—Առաջ նայի. —կանչեց մեքենավարը, —այն ի՞նչ պիտի լինի:

—Երկու երեխայ ժամանակ են գտել ոելսների վրա խաղլու: Սուլի, որ հեռանան:

Մեքենան սուլեց: Արձագանքը խուլ կրկնւեց ձորերի պըտոյտների մէջ:

Ճամփին կանգնած էին տղաները. պարզ էր որ սպասում էին գնացքին: Մէկը թաշկինակն էր թափ տալիս, աւելի և

աւելի ուժով,

և դէպի հեռուն

էր ցոյց տալիս:

— Այ, ես

ձեր... — բացա-


կանչեց մեքե-

նավարը կա-

տաղած:

— Ելի սուլի,

Ելի սուլի:



Անհանգիստ սուլոցները կրկնւում էին։ Տղաներից մէկը փախաւ. բայց միւսը կանգնած էր ուղիղ երկու գծի մէջ տեղը ու շարունակում էր թաշկինակը թափ տալ։

— Շուտով, տորմազ, տորմազ...— բացականչեց օգնականը սարսափած,— Տէր-Աստւած, պառկեց հէնց ռելսների վրա, պիտի ճխլւի... կամ կոյր ու խուլ է, կամ խելագար։

Թէկ յոյս չը կար, սակայն երկումն էլ շտապ շտապ սկսեցին պտտացնել տորմազը, որ գնացքը կանգնի։

Միայն մի հարիւր, հարիւր քսան քայլ էր բաժանում երեխային գնացքից, որը իր թափիցը դեռ առաջ էր շարժւում։

— Աստւած իմ, արդեօք երեխան պիտի փրկի։

Գնացքը դեռ շարժւում էր և աւելի ու աւելի մօտենում...

Անդադար սուլոցները փախեցրել էին ճամփորդներին. բոլորն էլ սարսափահար խոնւում էին դէպի դռներն ու պատուհանները. — Ի՞նչ կայ— հարցնում են միմեանց։

Արդէն միայն մի քսան քայլ էր բաժանում տղային մահից, միայն մի տասը քայլ... Յանկարծ ուրախութեան մի բարձր ճիչ դուրս պրծաւ մեքենավարի ու օգնականի կրծքից. գնացքը կանգ առաւ տղայից երկու-երեք քայլ հեռու։

Մեքենավարը դուրս թեքւեց և զայրացած աղաղակեց։

— Անպիտան... դէնը կորի։

Եւ տղան խելագարի պէս վեր թռաւ և ցոյց տալով դէպի կամուրջը՝ ասաւ. — Քանդւել է...»

Ու իսկոյն փախից և յուզումից ուժասապառ նորից ընկաւ գետինը։

Ուղերները դուրս թափւեցին փազօններից ու փազում էին դէպի մեքենան։ — Ի՞նչ է, ի՞նչ է։

— Կամուրջը քանդւած է, ահա մեր փրկիչը, — կանչեց մեքենավարը յուզուած։

Ու բազմութիւնը խոնւեց ուշաթափ Սաքօի վրա...»

Վերեկից անձրեւ շարունակ թափւում էր և լեռնային հեղեղները դղրդալով վիժում էին ցած, դէպի կատաղած գետը...»

72. Ծեր կաղնին



Տես, օրօլում է սերունդը մատաղ,
կայտառ են նրանք և միշտ էլ ուրախ։
Տարիներ անցան, ես մոռացայ էլ
թէ ջահելութիւն, թէ ուրախ երգել։
Տարիներ անցան՝ հինգ հարիւր տարի...
տեսայ ես այստեղ շատ չար ու բարի։
Էյ, ընկնելու եմ, ընկնելու հիմի,
խաղում է արդէն արմատը մի-մի...

73. Հանդիպում

ա.

Շուտով միշտարի էր լինելու, որ Միխակը թողել էր զիւղը,
եկել էր քաղաք ու ծառայ էր դարձել մի ընտանիքի մէջ։
Նրա ամենամեծ ուրախութիւնը նրանումն էր, որ երբեմն
բազարում տեսնում էր իրենց զիւղացիներից մի բանիսին,
երբ բան էին բերում քաղաք ծախելու։

Մի անգամ անցնում էր հրապարակի միջով՝ յանկարծ
տեսաւ իր ընկերներից մէկին։

—Ա՛ Թուն, ա Թուն,—կանչեց նա, —իր վաղեմի ընկերոջ
մօտ վազելով։

Ընկերը չը ճանաչեց։ Միխակը քաշ ընկաւ նրա վզից և
սկսեց համբուրել։

—Խաչը վկայ, չը ճանաչեցի, —խօսեց զիւղացի տղան։ —
Էտ լինչ շորեր են...

—Լինչ անեմ, Թունի ջան, քաղաքումը էսպէս են հագ-
ցընում։ Դու էն ասա, Թունի ջան, մեր տունը գննում էիր,
մերոնք հնց են, լինչ են անում երեխերքը...

Եւ առանց սլատասխանի սպասելու շարունակեց։

— Դու ինչ էիր շինում, Թունի ջան։ Ամեն օր լեղանում
էիր գետումը. ախ, էստեղ իսկի ժամանակ չեն տալի, մարդ
ջրի երես տեսնի։ Հիմի խոտը հնձում կը լինեն, էնպէս չէ։
՞վ էր հաւաքում մեր խուրձերը։ Ես եկել եմ հիմի բազարից
կանաչի առնելու, հացն էլ ինձ են առնել տալիս, ասում են՝
առուտուր սովորի։ Իսկ մեր շորենիքը հասել են։ Հիմի ՞վ է
արածացնում մեր գառները։ Էստեղ լաւ չի, Թունի ջան,
սիրտս տրաքւում է ուրիշի տանը, չեմ իմանում, թէ ինչ
անեմ... Որ գնաս, մեր տանն ասա՝ Միխակին տեսայ։ Դու
ում հետ եկար. Երբ ես գնալու։ Ծառայ լինելը շատ վատ է,
Թունի ջան...»

Նա իր բազմաթիւ ու անկապ հարցերով բոլորովին շւարեցրեց ընկերին, որ չը գիտէր՝ որ մէկին պատասխանի։

— Հօրս հետ եմ եկել. — ասաւ նա. — պանիր էինք բերել
ծախեցինք, էսօր պիտի գնանք։ Դու երբ պիտի գաս գիւղը.
գիտես, Միխակ, մեր բոստանն էլ հասել է. էնքան սեխ եմ
ուտում։ Ես քո բաժինը կը պահեմ, Երբ ես գալու։

— Զեն թողնում, Թունի ջան. — պատասխանեց Միխակը
տխուր ձայնով. — շատ եմ ուզում գամ, մերոնց տեսնեմ, մեր
տանը մնամ. չեն թողնում, ասում են՝ «արջի քոթոթ, ձեր
ծմակները չես մոռանում»։ դէ, ննց մոռանում, Թունի ջան,
ախար էստեղ ինչ կայ. տներ, հա տներ. մարդիկը, իո, գիւղացուն էշի տեղ են դնում...»

Բ.

Թունին մի-քանի տարով մեծ էր Միխակից, լսելով ընկերոջ խօսքերը, խղճաց նրա դրութեանը վրա և մտածեց օգնի.

— Եկ, ես քեզ կը տանեմ գիւղը. — ասաւ նա։

— Ի՞նչպէս գամ, էնտեղ էլ հօրախպէրս զլիխս կը տայ, կասի՝ ինչու եկար։ Զէ, Թունի ջան, լաւն էն է, գնամ ջուրը ընկնեմ մի անգամով պըծնեմ։

Թունին միիթարեց նրան, սիրտ տւաւ և խոստացաւ, որ

կերթայ կը խօսինրանց տանը. Միխակը ուրախացաւ, մանկական
բարեսրտութեամբ ուզեց ընկերոջը մի բանով վարձատրի.

—Գիտե՞ս, Թունի ջան,—ասաւ նա, —լաւ միտս եկաւ, ես
գեգերս թաղել էի մեր մարագի դռան տակին, էնտեղ, ուր
մի կոճղ է զրած, կը գնաս կը հանես, հարիւր հատից աւել է.
ինչքան կուզես՝ դու վեր առ, մնացածը բաժանի մեր ընկեր-
ներին: Ես որ չեմ կարայ խաղամ, դուք էլ է խաղացէք:

—Թոմասին բաժին չեմ տայ. —ասաւ ուրախացած Թու-
նին. —Նա լաւ տղայ չի, անցած օր ինձ հետ կուեց:

—Նրան էլ տուր, մեր ընկերն է, հաշտւեցէք. —խօսեց
խրատական կերպով Միխակը. —Ի՞նչ կայ, ընկերը ընկերի հետ
կը կուի էլ, կը հաշտւի էլ. Անցած գիշեր ես էլ Պօղոսի հետ
կուեցի՝ մահակով խփեցի, գլխիցը արիւն գնաց:

—Պօղոսի հետ. Պօղոսը էստեղ ի՞նչ էր շինում:

—Երազումս կուեցի, Թունի ջան, հէնց որ զարթեցի, էն-
քան լաց եղայ, էնքան լաց եղայ՝ որ ինչունրա գլուխը պատ-
ռեցի: Դրուստն ասա, Թունի ջան, նրան խօ մի բան չի եղել:

—Ոչինչ չի եղել. երէկ չէ, մէկէլ օրը ինձ հետ խօսում
էր, յետոյ միասին գնացինը իրենց այգին, ծիրան կերանք:

Երկու փոքրիկ գիւղացիների խօսակցութիւնը ընդհատեց
Թունիի հայրը, որ հեռաց ձայն տւաւ.

—Այ տղայ, էն ում հետ ես խօսում. Եկ, գնում ենք:

—Թունի ջան, հիմի որ գնում ես. —ասաւ Միխակը նրա
փէշից պինդ բոնելով. —մտի մեր տունը, ամենին շատ բարե-
արա, ասա՝ որ տեսայ Միխակին:

—Կասեմ. —խոստացաւ Թունին ու հեռացաւ:

Միխակը երկար կանգնել էր ու նայում էր ընկերոջ ետևից.

—Էրնէկ նրան, գնում է գիւղը...

1) Ինչո՞ւ Միխակին քաղաքումն էին թողնում, քանի որ չէր ուզում:

2) Ինչո՞ւ Միխակը ծառայ լինելը վատ բան էր համարում: Եւ
եթէ չէր հաւանում ինչո՞ւ մի ուրիշ գործ չէր անում:

74. Դեղձանիկն ու տատրակիկը

Դեղձանիկը մի թակարդում
զարնըւում էր ու թըրփըրտում։
Մի տատրակիկ՝
պուճուր ձագիկ՝
ծիծաղու մ էր նրա վրա.
«Բա ամօթ չէ,
ասում էր նա,
օրցերեկով
բաց-բաց աչքով
ընկար էտպէս

դու կոյրի պէս։
Ես լինէի,
չէի խարւի,
իմ արկը...»
Մին էր ըհը,
ոտն ու թկը
սընապանծը,
գըցեց ցանցը։
Տեղն էր տեղը էն տատրակին,
ինչու ծաղրեց դեղձանիկին։

Էս առակը ինչ է ուզում ասի։

75. Հունձի

ա.

Եղսում հարսը վաղուց էր վեր կացել և պաշարի խուր-
ջինը պատրաստել։ Հացը, սխտորն ու քացախով լիք շիշը
խուրջինի մի մատն էր ածել, իսկ սրոցը, մատնոցը, սահէ-
նըն ու փարչը միւս։ Էշին էլ մի լաւ թիմարելուց յետոյ՝ փա-
լանն ու չուլը կապել էր ու պատրաստել։

Մարդը ոտքի կանգնեց, երեսին մի երկու չուփ ջուր
խփեց, գլխի փափախով դէմքը աջ ու ձախ քսմսեց, սրբեց,
գերանդին ուսեց ձգեց ու բեռնած էշին առաջն անելով դուրս
գնաց տնից։

Գնում էր էշին թօշ-թօշ անելով, ու մի հաց կռան տակը
դրած և ուտում էր և մտածում։

Վերի փէշից կը սկսեմ հունծը, մինչև ճաշը կաղնինե-
րին կը հասնեմ, մի քիչ պատառ-մատառ բերանս կը գցեմ,
յետոյ մինչև իրիկուն մի երեք տասնեակ խուրձ էլ է որ
կապեմ, հալալ կը լինի իմ կերածը։

Գնալիս, աղբիւրից փարչը ջրով լցրեց, ինքն էլ, էշն էլ մի կուշտ ջուր խմեցին և շարունակեցին ճանապարհը. Արել մի չւան բարձրացել էր, որ նրանք տեղ հասան. Նա շատ ուրախացաւ, երբ հասուն արտը տեսաւ, նրա մժքովն անցած հազար ու մի տեսակ չար ու վնասակար ենթադրութիւնները կորան, քէֆն եկաւ, որ հասկերը դեռ ոտքի վրա էին ու չէին կծղել, փշացել. Նրան թւաց թէ՛ հասկերը իրար քսմաւելով, մի խոնարհ ողջոյն տւին իրեն. Փափախը վերցրեց, ծունկ չոքեց, հասկերից մի փունջ բռնեց և համբուլեց. յետոյ աչքերը դէպի երկինք բարձրացրեց ու ասաւ.

—Տէր-Աստւած, քաղցր է քո դատաստանը, մինչև օրս պահել-պահպանել ես ինձ, օրէս դէնն էլ ողջութիւն տուր, անվնաս հնձեմ, խրձեմ, զիզեմ, կրեմ, կասեմ ու դեղնազարդիս տիրանամ, ետնը ես գիտեմ իմ մարդութիւնը:

Բ.

Յետոյ վեր կացաւ, էշիցը խուրջինն ու փալանը իջեցրեց, արձակեց արօտի, թաշկինակով գլուխը կապեց, հնձի մատնոցը ձախ ձեռքի մատներին հազար, աջով վերցրեց գերանողին և երեսին խաչ հանելով սկսեց հունձը:

Որքան հնձում էր և ոսկե- փայլ հասկերը պառկեցնում գետնին, այնքան աւելի քա- ջալերւում էր. Հնձեց, արևի թէժ բոցն ու կրակը չէր ազ- դում ոգեսրւած մշակին. Քըր-

տինքը ճակատից և ականջների քամակից կաթկթում էր, թի- կունքն ու կուրծքը խօ և՛ քրտնում թաց էր լինում, և տաք արևի տակ չորանում. Նա անզազար հնձում էր:



Երբ սովեց, գերանդին առաւ գնաց կաղնիների ստւերը
աջ ցուցամատով ճակատի քրտինքը ծոր-ծոր ցած թափեց,
ապա սահէնը հանեց, սխտորը մէջը ծեծեց, բացախով լցրեց,
հացը բըթեց մէջը և մի կուշտ կերաւ։ Թըթւաշ բըթոշը այն-
քան ախորժելի էր և զովացուցիչ, որ երկրորդ անգամ պատ-
րաստեց ու կերաւ։ Յետոյ փարշը շրթունքներին դնելով մի
կուշտ էլ ջուր խմեց, բթացած գերանդին սրեց և դարձեալ
ոտքի կանգնեց գնաց իր գործին։

—Մինչև մութը կը հնձեմ—մտածում էր նա,—իրիկնա-
պահին՝ կապիչները կը պատրաստեմ ու խուրձերը կը կապեմ։

Այդպէս էլ արաւ։ Երեկոյեան, երբ համարեց, տեսաւ՝ ու-
ղիղ չորս տասնեակ խուրձ էր հնձել ու կապել։


76. Հանգիստ

Էհէյ, ախպէր, էստեղ արի,
էս շոք վախտին ուր կերթաս.
սոված, յոգնած պէտք է լինես,
էտպէս-ըշտապ ուր կերթաս։

Արի մեզ մօտ, Աստծու զրկած
դու մեր հիւրն ես թանկագին.
արի դէզի շւաքի տակ,
դու տեղ ունես մեր գլխին։

Հէնց նոր մերոնք հացի նըստան,
գերանդիքն են բթացել.
արի, ախպէր պաղ հովերը
թող որ շոյեն քո կուրծքն էլ։

Էհէյ, արի, ճամփորդ ախպէր,
էս շոք վախտին ուր կերթաս.
սոված, յոգնած պէտք է լինես,
էտպէս-ըշտապ ուր կերթաս։



77. Կալի երգը

Արի եզը, ջան Ծիրան, ջան.
 հորովէլ ա, հորովէլ ա...
 Ոտիդ արա, ուսիդ արա,
 կալը կասենք, անձրկ չը գայ:
 Տար, ման արա, ա քեզ մեռնեմ,
 գարման արա, ցաւրդ առնեմ:
 Դարմանը դու, ցորենը մենք
 ձմեռն ուտենք, հանգիստ ապրենք:
 Օրը գնաց, ա Ծիրան ջան,
 բանը մնաց, ջան ախպէր, ջան:
 Ոտիդ արա, ուսիդ արա,
 կալը կասենք, անձրկ չը գայ:

1) Գիղացին նրբ է անձրեւ խնդրում, եւ նրբ է անձրեփց վախենում: Կալը լնչի համար է:

78. Փոկակապ Ակոփ-ապէր

ա.

Մեր դպրոցը վանքի ընդարձակ պարսպի մէջն էր. այդ-տեղ էր նաև ընթերցարանն ու թատրոնը։ Կային դեռ շատ մանր ու մեծ, կիսախարխուլ կամ բոլորովին աւերակ դարձած խուցեր, մառաններ, խուլ, մուլթ ու մեզ վախ ազգող նկուղներ, այլև վանահօր բնակարանը, որի առջև գնալը մեզ սաստիկ արգելւած էր։

Խաղում էինք աւազանի շուրջը, մեծ տաճարի լայն գաւիթներում, այլև ընդարձակ բազի խոշոր ծառերի տակ։ Վանքի պարիսպներին ետևի կողմից կպած էին ընդարձակ ճոխ այգիները. և մինչև հոկտեմբերի կէսերը ուղղակի անհնար էր լինում վարժապետների դասերին ուշադիր հետևելը։

Ախր ի՞նչպէս ուշադիր հետևես, երբ հէնց դասարանիդ լուսամուտի տակը, երկու քայլ հետու, թփերից շարան-շարան կախւած փայլում են խաղողի հիւթալից ճութերը, կարմրաթուշ դեղձերը պսպղում են ամեն կողմից և տանձերը երերւում են բարձրում։

Փոխանակ մեր թւաբանական խնդիրները լուծելու՝ մտածում էինք դասի ժամանակ թէ ի՞նչպէս հասնենք այդ գայթակղիչ պտուղներին։

Խորհում էինք, հնարներ որոնում, դասամիջոցներին փայտեր էինք երկարացնում, շատ անգամ նրանց ծայրերովը ճութերը կտրտում, վայր թափում, բայց որ մեր ձեռքը ոչինչ չէր ընկնում։

Մի օր սակայն մեր ընկերներից մէկը լուծեց խնդիրը։

Մեծ դասամիջոցին հաւաքեց մեզ մի ծառի տակ և այնտեղ պարզեց իր ծրագիրը։

Ճիշտ մեր դասարանների գլխին գտնվում էր մի փայտանոց, ուր կարելի էր գնալ մի նեղլիկ ու վատ շինւած սանդուխքով։ Փայտանոցն ունէր փոքրիկ լուսամուտ պարտէզի

վրաւ. Ահա այդտեղից էր, որ մտածել էր մեր հնարագէտը մազլցելով իջնի այգին ու սկսի արշաւանքը:

Ասաւ ու զնաց որ փորձի. շուտով անհետացաւ սանդուխը մութ անկիւնում և այնուհետև կէս ժամ չերեաց: Մենք սկսել էինք արդէն անհանգիստ լինելու, երբ յանկարծ լսեցի որ մէկը կանչում էր ինձ տաճարի գաւթի կողմից:

Աշակերտները աղմկալից խաղում էին բագի մէջ, վազգում, կանչւրոտում: Դրա համար էլ ոչ ոք ուշը չը դարձրեց, երբ եօթը դաւադիրներս գաւթի մի անկիւնը հաւաքւած՝ շրջապատեցինք մեր վերադարձող ընկերին:

Նա էր. գրպանները ուռած և բերանը աղտոտ: Մի լաւ կերել էր նախ, յետոյ գեղձ հաւաքել ու վերադարձել:

—Եղաւ.—ասաւ նա խորհրդաւոր կերպով.—սրանից յետոյ ամեն օր ես կիջնեմ, տոպրակը կը լցնեմ, իսկ դուք պատուհանից վեր կը բաշէք. ելնեն ու իջնելը հեշտ է...

Միւս օրը մէկ-մէկ բոլորս փայտանոց ծլկւեցինք և ամբողջ մեծ դասամիջոցին, որ ճիշտ երկու ժամ էր տեսում, ցած չեկանք: Ուտում էինք ու գրպաններս լցնում:

Բ.

Երկար չը տեսց սակայն մեր այդ քաջագործութիւնը: Նախ որ շատ և շտապ ուտելուց գրեթէ ամենքս հիւանդանալ սկսեցինք, յետոյ էլ մի օր յանկարծ բոնւեցինք ու...

Այս, թէ այդ ինչպէս պատահեց:

Դպրոցում մի գիւղացի ծերունի ծառայ ունէինք, այտին մի մեծ ուռուցք, գլխին՝ մի մեծ փափախ:

Անունը Յակոբ էր. մենք կանչում էինք «փոկակապ Ակոփ ապէր»: Շուտասելուկը հօ յիշում էր:

Միամիտ, բարեմիտ, դանդաղաշարժ և չափազանց քնկոտ մի ծերուկ էր: Կատակներ, խաղեր ու ծաղր կարկուտի պէս տեղում էինք գլխին, բայց դիմանում էր, լուռ ժպտում ու երբէք չէր բարկանում:

Ահա այդ «փոկակապն» էր, որ մի օր վրա հասաւ մեզ

այն ըովէին, երբ վեց հոգի շարւած փայտանոցի մութ անկիւնումը փայտերի վրա՝ խաղող ու դեղձ էինք խժուռ։

Փայտ տանելու էր եկել, թէ գուցէ մի ուրիշ բանի, որոնցով լիքն էր այդ տանիքի տակի ամբարը։

Բայց հէնց որ դէմ առ դէմ եկաւ մեզ, սաստիկ վախեցաւ։ Նախ կարկամեց, յետոյ վիզը առաջ պարզեց, լուռ զննեց ամենքիս ու գոչեց։

—Եա... էս ի՞նչ է...»



Մենք էլ շատ վախեցել էինք։ Վեր թռանք։ Այդ միջոցին իսկ մեր ընկերը, որ այգումն էր, երեկի լաւ կշտացած, փէշի մէջն էլ դեղձ ու տանձ՝ երևաց լուսամուտից ու ներս ոստնեց։

Յակոբ ապէրը ցնցւեց ու փախաւ դէպի սանդուխքը։ Կարծեցինք որ գնում էր վերակացուին կանչի։ Միմեանց գլխի վրայից ցատկելով առաջ վաղեցինք, ծերունուն հրեցինք, հրմշտկեցինք, գրեթէ գլորեցինք ցած ու բագ նետւելով ցըրւեցինք, անհետացանք։

Սակայն Ակոփ-ապէրը գնացել պատմել էր ամեն ինչ, և
մի առ մի մեր անունները տւել:

Պատժեցինք, փայտանոցը կողպէց, էլ պտուղի երես
չը տեսանք, բայց մտածեցինք ապէրից մեր վրէժը հանենք,
եթէ ոչ այսօր, զոնէ վաղը:

Գ.

Հնարքը գտաւ նորից այգին իջնողը:

Ակոփ-ապէրը հեռաւոր գիւղերից եկած մենակ մի մարդ
էր, ապրում էր դպրոցում: Տւել էին նրան մի խուց, ուր կար
նրա անկողինը, մի ճրագ, մի կուժ, մի քանի ամանեղէն:
Դուռը փակել չէր էլ մտածում. գողացւելուց վախ չունէր:

Ու մի օր, երբ ծերունուն դպրոցից դուրս գործի էին
ուղարկել, մտանք նրա խուցը, մի առ մի դուրս բերինք ինչ
որ կար այստեղ, նոյն իսկ աթոռն ու կուժը, ամեն ինչ, և
տարանք թաքցրինք զանազան տեղեր: Վերմակը նետեցինք
խոնաւ ու մութ մի մառանի խորքը, ներքնակը շպրտեցինք
աւերակ խուցերից մէկի մէջ, ամանները ջարդ ու փշուր
եղան, երբ նետում էինք այս ու այն նկուղը, իսկ բարձր և
հագուստը թաքցրինք թատրոնական բեմի տակ...

Գնա ու գտի այժմ այդ ընդարձակ շէնքի քար ու քանդ
խուլ անկիւններում:

Խուցը լիովին դատարկւեց. մնաց լերկ փայտէ մահճա-
կան ու սեղանը միայն. ոչ իսկ աւելը թողինք:

Գոհ մեր արածովը, սակայն մի խուլ անհանգստութեամբ
գնացինք տուն. Ոչ մէկին չը պատմեցի մեր արածը, բայց
ամբողջ գիշեր մտածում էի թէ Ակոփ-ապէրը ինչպէս պիտի
ապշէր, երբ ներս մտնէր խուցը, ինչպէս պիտի շւարած մնար...

Իսկ գիշերը. ուր, ինչի՞ մէջ պիտի քնէր: Զէ որ ես
ահա անկողնիս մէջ, վերմակումս փաթաթւած պառկել
եմ, բարձ էլ ունիմ, ներքնակ էլ, իսկ նա ոչինչ չունի: Դա-
տարանները մաքրելուց յոզնած գնալու է որ պառկի, գնալու
է որ ճրագը վառի, թէյ շինի... և ոչինչ չի գտնելու...

Սկսեցի սաստիկ անհանգիստ լինել պառկած տեղումսւր
Քիչ էր մնում լայի. ինչ անպիտանութիւն էր մեր արածը—
միթէ խեղճ չէր. կողոպտել էինք նրան այդ ցրտին՝ թողել
առանց անկողնի, առանց թէյի, առանց ճրագի...

Եւ էլ քնել չէի կարողանում, խիղճս ինձ տանջում էր:

Դ.

Միւս առաւօտ դպրոց մտնելիս՝ առաջին լուրը որ լսեցին
այն էր, թէ Ակոփ-ապերի խուցը կողոպտել էին երէկ։ Կար-
ծում էին թէ գողեր են մտել։

Տեսայ իրեն՝ ծերունուն, նստած խուցի առաջ՝ արտա-
սուքը աչքերին, շւարած և անշարժ։ Այնպիսի խղճալի էր
տեսքը, այնքան յուզիչ։

Թիշերը քնել էր վանահօր ծառայի խուցում, ընթրել էր
այնտեղ, բայց հօ այդպէս չէր կարելի։

Եւ դաւագիրներս տխուր իրար մօտ եկանք դասամիջո-
ցին մի ծառի տակ։

—Տղերք, —ասաւ յանկարծ մէկը—մեր արածը անպիտան-
բան էր։ Սկսած պտուղ գողանալուց մինչև այս վերջին մեր
վարմունքը՝ չարագործութիւն է... Ուղենք մեր սխալը։

—Ի՞նչպէս—ձայնեցինք ամենքս մի բերան։

Հստ երևոյթին, ինձ նման բոլորն էլ տանջւել էին գիշերը
և այժմ խղճանարւում էին։

—Շատ պարզ է. նախ՝ բոլոր թաքցրած բաները հանենք
և տեղը դնենք. ցած բան է մեր արածը։

—Իսկ յետոյ...

—Ցետոյ պիտի կոտրտած բաները մեր փողովն առնենք
ու տանք Ակոփ-ապերին։

—Փող նվ կը տայ մեզ։

—Բաժանենք մեզ վրա.—ասացի ես կտրուկ.—ես կերթամ,
կը պատմեմ հօրս մեր արածը, կը պատմեմ ամեն բան. նա
փողը կը տայ։

—Ես էլ կը պատմեմ։

—Ես էլ:

—Ես էլ...

Վճռւած էր: Պէտք էր տեսնել թէ ինչպէս իսկոյն գւար-թացանք մենք. ինչպիսի ոգևորութեամբ որոնում էինք թաք-ցրած իրերը, խուցը տանում ու լաւ սարքում, տեղաւորում:

Ակոփ-ապէրը մեր զործի կէսին վրա հասաւ և ապշած կանգ առաւ խուցի դռան առաջ:

—Եա...—արեց նա մի միայն ու մնաց անշարժ:



—Ոչինչ, ապէր,—կանչեց մեզնից մէկը—զու սկի դարդ մի անի. այ, բոլորը կը բերենք, կոտրածներն էլ՝ փող կը...անք որ առնես...

—Մենք էինք արել. — աւելացրեց երկրորդը, — հա-նաք էինք արել, մի նեղանայ, ապէր. ես քեզ համար մի լաւ կուժ կը բերեմ:

—Ես էլ մի ջրածիկ:

—Ես էլ...Ես էլ ափսէներ...

— Իսկ ե՞ս, ասում էր մէկը — ե՞ս ինչ բերեմ։
Ծերունին ժպտուն՝ արտասւում էր։ Սաստիկ յուզւել էր։
Եւ երբ ամեն ինչ տեղաւորել էինք, յանկարծ բռնեց մեզ-
նից մէկին ու մինչ նա ճշում էր վախից՝ ասաւ։

— Մի վախենայ, բալաս, սպասի մէկ համբուրեմ քեզ...

Ու արտասւախառն համբուրեց նրան, յետու բաց թողեց,
դարձաւ ամենքիս ու ասաւ։

— Աստւած պահի ձեզ, տղերք...

Ե.

Միւս օրը, ամեն տեսակ իրերով լցրինք նրա խուցը։

Ոչ միայն կուժ, այլև թէյ, շաքար, մոմ և բաժակներ էլ
բերել էինք։

Ծերունին գւարթ, ժպտուն տեսաւ այդ ամենը, յետոյ
թողեց որ տեղաւորենք ու ինքը ուղղակի զնաց դպրոցի տեսչին։

Դասերից յետոյ, տեսուչը մեզ եօթիս էլ կանչեց իր սե-
նեակը և երբ հաւաքւել էինք, նայեց ամենքիս երկար և լուռ,
յետոյ մօտեցաւ, ձեռքը դրեց առաջինի ուսին և ասաւ։

— Ապրիք, տղերք... Այժմ տուն գնացէք. ուրիշ ասելիք
չունիմ ձեզ...

Յետոյ ժպտաց ու գլխով արեց։


Գծերի պէս գուրս նետւեցինք։

Ոչ մի բաւականութիւն այդքան հաճոյք չէր պատճառել
մեզ. իմ դպրոցական կեանքի ոչ մի օրը այդքան լաւ չէ ան-
ցել և այդքան քաղցր տպաւորութիւն չէ արել իմ վրա, ինչ-
պէս այդ օրը...

1) Ինչու էր այդ օրը նրա դպրոցական կեանքի ամենալաւ օրը։

2) Ճիշտ է, որ սկսած պտուղ գողանալուց մինչեւ նրանց վերջին
վարմունքը բոլորը շարագրուվելին էր ու ստորութիւն. ինչու։

3) Ուրեմն նրանք ինչու էին գողանում, ինչու էին այդպէս վար-
ում։ Ցած ու շարագործ տղերք էին նրանք։



79. Կէս-օրին

Մեր գիւղից վեր մինչ էսօր
կայ ուռենի մի սըգւոր:
Մեծ անտառից նա զատւած,
մարդու կացնից ազատւած
կանգնած է դեռ ու շոգին
հով է տալի մըշակին:
Գիժ, լեռնային մի վըտակ
խոխոջում է նըրա տակ,
խաղում կանանչ մարգերին:

Էն առւակում, կէսօրին,
երբ որ շոգից նեղանում,
գընում էինք, լողանում:
Խաղում էինք, վազվըզում
գոյնգոյն մանրիկ աւազում,
կամ հետեւում հեի հե
թիթեռնիկին ոսկեթև,
ու միշտ յոգնած ժամանակ
նըստում էն հին ծառի տակ:

80. Արջառու

ա.

Մի կերի տարի ես ու մեր Աւագը Մասրեքումը խոզ էինք
պահում: Հիմի մի աշունքւայ գիշեր բերել ենք խոզը իր
նիստն արել ու դափի դռանը մի կրակ վառել, որ բոցն Աս-
տըծու ոտներն էրում է: Մի լուսնեակ գիշեր է: Ես պկու եմ
ածում՝ էս Աւագն էլ մի բայաթի է վեր բաշել, որ սար ու
ձոր գւգւում են:

Մին էլ Աւագը թէ՝ այ տղայ, էն ով է, հրէ մի մարդ է գալի վերի կռնիցը։ Մտիկ տամ տեսնեմ, դրուստ որ մի մարդ է գալի վերկիցը։ Ամա ես էլ լսել եմ, որ արջը գողութիւն գալիս խաքելու համար առաջի երկու ոտը դոշին է դնում, երկու ոտնանի մարդի նման է գալի, ոնց որ մարդ ըլի։

Ասի՛ Աւագ, էս ոքմին չի. արջ է՛: Թէ՛ բօհ, չէ չէ պոզեր։ Այ տղայ, ասի, արջ է։

Ես՝ հա, սա՝ չէ, ես՝ հա, սա՝ չէ։ Իսկ նա էլ կամաց-կամաց կողքընան մօտենում է ու ձեռներիս էլ հրացան չը կայ։ Մին էլ էն տեսանք՝ առաջի երկու ոտը վեր դրաւ, դառաւ չորսոտնանի ու, առ հա կըտաս՝ խոզի կէս տեղը։ Խոզը ճըղ-ճղալով իրար խառնեց, հաւաքւեց արջի վրայ։

—Ալաբաշ, բռնի հա բռնի, հրէս հա հրէս. ամեն մինս մի ածխակոթ վեր կալանք, վազեցինք։ Մի հաստիկ մէրուն ունէինք. ականջ դնենք, որ սրա ճղղոցը ներքի փոսերիցն է գալի։ Վազ տւինք փոսերի վրա։ Ածխակոթը քաշել ենք հմի էս անիրաւին վեր ենք հատում, տալիս ենք, ինչ անում ենք, չենք անում, մէրունը բաց չի թողնում. առաջներս խորտած ձորն է ընկնում։ Վերջը՝ որ շատ տեղը նեղացրինք, չէ, թող արաւ, փախաւ։

Մէկ էլ զիշերը մին էլ տեսնենք խոզը բւացրեց։ Տեսնենք, ըհը՛, էլ եկաւ։ Սրան մին էլ քշեցինք։

Ասի՛ Աւագ։ Թէ՛ ի՞նչ է։

Ասի՛ էս անիրաւը խոզի թշնամի է ու էս է մեզ էլ ճանաչել է էլ հանգստացնելու չի։

Թէ՛ բան չունես։ Ասի՛ դէ, կը տեսնես։

Այ տղայ, դրուստ որ, մէկ էլ զիշերը մին էլ տեսնենք ետ եկաւ։ Էլ սրան դադարկ ճամբու դրինք։

Ասի՛ Աւագ, տեսամ, որ ասիսա մեզ հանգիստ չի թողնելու։

Թէ՛ բա ոնց անենք։

Ասի՛ ոնցն էն է, որ դու խոզի կշտին կաց, ես զնամ տանիցը մի հրացան բերեմ։ Թէ՛ դէ, լաւ։

Աւագը խոզի կշտին կացաւ, ես գնացի, տանը մի հին հրացան ունէինք, վեր կալայ եկայ: Եկայ, թռւշ գնացի ներքի մոշուտնին, որտեղ գիտեմ արջի տեղն է: Ման եկայ, որ գտայ ոչ, մի տեղ մի լաւ մոշուտ պատահեց, կանգնեցի, ասի՞ մի քիչ մոշ ուտեմ: Միամիտ մոշ ուտելիս՝ հէնց մոշըքու տակիցը մինը ֆրթացրեց ու հրացանս բռնեց: Դու մի ասիլ, գընացել եմ հէնց անտէր արջի վրայ եմ կանգնել: Որ թւանքիս լուկիցը բռնեց, ես էլ կոթը պինդ բռնեցի: Հիմի նա ոլորում է, ուգում է կոտրի, ես էլ ոլորում եմ, որ հէնց անեմ ծէրը



Վրէն ընկնի, հուզ տամ, ծուխը փորն անեմ: Բայց անտէրը գլխի է ընկել, թողում չի: Ես ձգեցի, նա ձգեց, տեսայ որ բան չի դառնում, ձեռս գցեցի, ասի յանկարծ խլեմ: Ձեռս գցեցի թէ չէ, թանթլիկը բերաւ ուսովս պատ տւաւ: Որ թանթլիկն ուսովս պատ տւաւ, հրացանը բաց թողեց: Էնքան արի հրացանի ծէրը փորին դէմ առաւ, չախմախը ձեռս գցեցի, ասի՞ էս է բանը պլծաւ: Վերի ոտը քաշեցի, չըրթկացը, արաքեց ոչ: Մտիկ տամ, տեսնեմ քարը վեր է ընկել, կորել: Էստեղ մէջքս կոտրեց: Հրացանը բաց թողի, ասի՞ խըտըտիցն աղատւեմ, էլաւ ոչ: Բոնեցինք իրար: Դէս բաշեցինք,

դէն քաշեցինք։ Տեսնեմ՝ անտէրն էս է ինձ ուտում է։ Զէն տւի՝ «Ալաբաշ հէյ, Ալաբաշ հէյ...» Մին էլ տեսայ շունը կը-լանչելով գալիս է։ Եկաւ, հասաւ։ «Ալաբաշ քումակ, ասի, ինձ կերաւ...» Հայ քեզ մատաղ, շնւն, որ հասաւ մէջքին տը-ւաւ էլի, ոնց որ մի գնդակ ըլի։ Ամա ինչ, էն շունը թէ նրա մէջքին տւած թէ էն լեռ քարափին։

Ոնց որ երկու փահլասն պինդ իրար բռնեն, բռնել ենք ու աչք աչքի ենք զցել։ Ես էլ իմացել եմ գիտեցող մարդից, թէ արջը մարդի երեսի կըթքի, որ աչքերը շաղի, շշկըլացնի։ Էս գիտեմ, ամա էն սհաթին մտիցս ընկել է։ Մինն էլ էն տեսայ՝ կում արաւ ու մարդու պէս երեսիս մի մեծ թքեց—թու։ Որ թուքն աչքերս բռնեց, գլուխս գոշիս վրայ կռացրի, ետնուց էլ թանթլիկով մի թունդ ապտակ հասցըրեց, ու ինձ կորցրի։ Տե-սայ էլ ազատւելու գուռը չըկայ, ասի ես առաջուց երեսիս վրա վեր ընկնեմ, որ երեսս փչացնի ոչ։ Արջը մարդի բռնած ժամանակ երեսին ման կրգայ։ Բերանսիվեր տակին վեր ըն-կայ։ Որ տակին վէր ընկայ, շունն աւելի կատաղեց։ Արջն ընկել է ինձ վրա, շունը ետեկց իրեն ուտում է, որտեղից բռնում է—օգուտ չի անում։ Դու մի ասիլ վարպետ շուն է, գիտի արջը որ տեղիցը կրխեղճանայ։ Մէջքին վեր ելաւ ականջներիցը բըռ-նեց։ Որ ականջներիցը բռնեց, արջը ինձ թողեց։ Անտէրը գաղաղեց, շանը թափ տւաւ մէջքիցը վեր զցեց ու բռնեց, հուպ տւաւ թէ չանչեց, էլ գիտեմ ոչ՝ ինչ արաւ, որ բաց թո-ղեց, շունը կլանչելով ձորն ընկաւ, փախաւ, կորաւ։

Շունն էլ գնաց. մնացինք ես ու ինքը։ Հիմի տակին երեսս բռնած միտք եմ անում։ Իմացել եմ, որ արջը ականջ է դնում, տեսնի շունչ կայ թէ չէ։ Թէ իմանում է որ շունչ է քաշում տակի ոքմինը, ջարդում է, մինչև շունչը կտրի, թէ հօ չէ, քօթկաթաղ է անում, թողում, գնում, որ հոտի, ետնա գայ հանի ուտի։ Էս միտք անելիս մին էլ էն տեսայ զլուխը բերաւ զլիսիս վրա դրաւ, շունչը իրեն քաշեց. ականջ է զրել։ Ես էլ շունչս փորս զցեցի, ոնց որ թէ մեռած եմ։

Գլուխը վեր քաշեց, մի քիչ կացաւ, մին էլ ականջ դրաւ: Էլ ետ շունչս պահեցի: Սա որ տեսաւ ես էս է մեռած եմ, ինձ թող արաւ մըմթալով գնաց: Աչքս ծերպ արի, ասի՛ մտիկ անեմ, տեսեմ ուր է գնում: Ասում եմ՞ հէնց ըլի մի բիչ տեղ հեռանայ, վեր կենամ փախչեմ: Գնաց՝ մօտիկ ցախ ու մախ կար, փէտ կար, հաւաքեց, բերաւ վրէս ածաւ: Մէջքիս վրա դրաւ, շընքիս վրա դրաւ, էլ ետ գնաց: Գնաց մի թեթև ցըցչորի կար, էն էլ բերաւ ոտներիս վրա դրաւ, մին էլ ետ գնաց: Տեսնեմ մի ահագին քօթուկ կայ, չարչարւում է պոկի որ բերի էն էլ վրէս զցի: Միտք արի, որ թէ էս քօթուկը բերի վրէս զցի, տակին շունչս կը կտրի: Ասի՛ քանի ուշը քօթուկումն է վեր կենամ կորչեմ: Փորըսող տալով փէտերի տակիցը դուրս եկայ, փախայ մտայ մօտիկ մամխուտը, տապ արի:

Հիմի տապ արած տեղիցը մըտիկ եմ անում: Զարչարւեց, քօթուկը պոկեց ու, ոնց որ մարդը խտըտի, խտըտեց, բերաւ թէ վրէս զցի: Եկաւ տեսաւ փէտերի տակին մարդ չը կայ: Քօթուկը խտըտին զարմացած կանգնեց, փէտերի տակին մտիկ արաւ, չորս կուռը մտիկ արաւ, յանկարծ քօթուկը վեր զցեց ու՝ թու հա թու, թու հա թու, մարդի նման թքոտում է, ասի երկի ափսոսում է էլի:

Թու հա թու անելով, ճրճուացնելով ընկաւ ներքի ձորը: Ես էլ վեր կացայ, դուրս պըրծայ դէպի Աւագը: Գալիս եմ, ոնց եմ գալիս, ոնց որ հետ ածած ըլեմ: Ետ եմ՝ մտիկ անում ասում եմ տեսնեմ, հօ արջը գալիս չի: Հասայ մեր խողի նիստը: Ես Աւագը թէ՛ այ տղայ, էտ ի՞նչ խաբար է, էտ ի՞նչ ես էլել: Ասի՛ էլ խաբարը որն է, քո տունը քանդւի, էսէնց բան եկաւ գլուխս: Թէ՛ բա հրացանդ ուր է:

Նոր տեսնեմ, որ հրացանս մտիցս ընկել է, թողել եմ տեղը:

գ.

Եկանք մի քանի հոգի հաւաքւեցինք, գնացինք հրացանս բերինք: Հրացանիս քարը շինեցի, պնդացըի, ասի՛ Աւագ, էլի պէտք է կենամ: Թէ՛ այ տղայ, ձեռը վեր կալ, կըբոնի կըգգի: Ա-

սի՝ հիմի սովորեցի, էնպէս չեմ անի, որ բռնի՛ Թէ՛ դու գիտես:
Թւանքս վեր կալայ քարը պնդացրի ու գնացի՛ Տանձի էլ
կաթոցի ժամանակն է։ Գնացի Մասրէքայ ներքի մատնովը
տւի Տափակ մէրու վրա դուրս եկայ. մինչև ճաշ ման եկայ,
ոտնահան էլայ, գտայ ոչ։ Միտք արի՛ ախպէր, սա ուր կըլի-
նի քաշւած, ախր սա պէտք է որ էս խոզի կողմէրից հեռա-
նայ ոչ։ Վեր կացայ, ասի՛ ներքևեմ մոշուտների վրա. մի քիչ
գնացի, մին էլ տեսնեմ, ընը, արջի հետքը առաջիս։ Հետքն
ընկայ գնացի. գնամ—տեսնեմ հրէս մի բարդի կրծել է կրծել
ու թողել։ Գլխի ընկայ, որ սրանում մեղը կայ. Վերև մտիկ
տամ, ճանձը արկանոցից բանում է։ Ասի հմի թէ իրեն գտնեմ
էլ ոչ, էս հօ որս է ու որս։ Մի քիչ էլ գնացի, տեսնեմ առա-
ջիս մի մորմոնջաբուն է քանդել, բայց հողը գեռթաց է։ Տե-
սայ որ մօտեցել եմ։ Էստեղ մի անտէր ահ ընկաւ սիրտս։
Հրացանի բարին մտիկ տւի ու առաջ գնացի։ Հէնց ոտս փո-
խեցի, մի թմփթըմփոց եկաւ։ Կանգնեցի... Թալի գլխին մի
լաւ մեղրատանձի կայ. տեսնեմ հրէս տակին տանձ է ուտում։
Էս կուանը մի տանձ է կաթում, դէսն է վազում, մըթմըթա-
լով ծամում է ու ականջ դնում, էն կուանը մի տանձ է կա-
թում դէնն է վազում։ Մին էլ որ կանգնեց տանձի կաթոցին
ականջ դնելու ծառի տակը մտայ, հրացանը երեսս կալայ։
Տեսնեմ հրացանիս ծէրը տըմբտըմբում է։ Զէ, սիրտս պնդա-
ցրի, մին էլ նշան դրի, հուպ տւի... Հրացանը որ տրաքեց, սա
մի գոռաց, պըտիտ եկաւ ու, առ հա կըտաս, ընկաւ ներ-
քի ձորը։ Հրացանս մին էլ լցրի մօտիկ եռանդի գլուխը բարձ-
րացայ, տեսնեմ սա ջրին է գնում. ասի՛ բաս սրա բանը խա-
րաբ է. վիրաւորը որ ջրին գնաց, ջուր խմեց—պրծաւ, էլ
ապրել չի։ Մին ասի՛ ետեխցը գնամ, մին էլ ասի՛ նալլաթ չար
սատանին, վիրաւոր արջը գէշ է, կըբոնի կըփչացնի։ Էն է ինչ
նա դէնը գնաց, ես էլ ետ եկայ, էլ զիտեմ ոչ ինչ էլաւ։
Միայն էն օրերում ձորի վրա շատ ուրուր պըտիտ եկաւ... X





Ց ա ն կ

1.*Ամենից լաւ տունը	3	22. Քարը	38
2. Առաջին դաս, ըստ Ասիշիսի	5	23. Տասոս, Ռաֆֆի	41
3.*Վեր կաց, Գ. Միլոյեան, կրճատ	7	24* Ճախարակ	43
4. Փոքրիկ ձիավար, ըստ Ռաֆֆիի	7	25. Ամենալաւ վկայականը .	44
5.*Այգեգութ	8	26.*Ճպուռն ու մըջիւնը, Ա. Խնկոյեան	44
6. Պապս	9	27. Նաբէկի նժոյգը	46
7.*Հսկան	11	28*Զաղացպանի երգը, Ա. Խնկոյեան	47
8. Սահակ-Մահակը, ըստ Տ. Փիրումեանի .	17	29. Հօր հիւանդապահը, ըստ Ամիշիսի	49
9.*Կարդա, Ա. Ժատովեան, կրճատ .	20	30.*Յորնատէրն ու ջաղց- պանը, Ա. Խնկոյեան	54
10. Չոլօի էշը, Յ. Աղաբար, կրճատ .	21	31. Զնագնդի, Սիմակ	57
11.*Տերևաթափ	25	32 *Պոչատ աղւէս, Ա. Խնկոյ .	62
12. Երկու քոյր	26	33. Գրագրի տղան, ըստ Ասիշիսի	63
13.*Վախկոտ նապաստակները Ա. Խնկոյեան	28	34 *Ագուտ, Յ. Աղաբար, կրճատ .	69
14. Կօշիկ սրբող Թոմասը .	29	35. Աշկերտ Օհանը, ըստ Ա. Զեխովի	70
15.*Աշուն, Հ. Մանուէլեան .	31	36. *Ազուան ու աղւէսը, Ա. Խնկոյեանի	73
16. Գգւանքի կարօտ	32	37. Անտառում	74
17.*Կաչաղակ, Յ. Աղաբար, փոփոխած	33	38. *Բուն	76
18. Պառակի կատուն	33	39. Պայտառ Աւօն	77
19.*Աղւէսը	35	40. *Դարբին, Կ. Մելիք-Շահ- նազարեան, փոփոխած	79
20. Վայրենին ու նամակը .	36		
21.*Ժամանակը, Դ. Դեմիրճեան	28		

- | | | | |
|---|-----|---|-----|
| 41. *Արու-Հասանի մաշիկները | 80 | 59.*Արտուրի երգը | 112 |
| 42. *Յոզնած երկիրը,
թարգ. Յ. Յովհաննիս. | 85 | 60.* Փակւած ու աղատ,
Լ. Մանուէլեան | 113 |
| 43. Արևի մօտ, Ա. իսահա-
կեան, կրճատ. | 85 | 61. Ճերմակը | 113 |
| 44. *Գիշերւայ մթնում . . | 87 | 62* Վարդը, Գէօթէի | 117 |
| 45. *Սասունցի Դաւիթը գառ-
նարած | 88 | 63. Թաւամազ մեղուն,
ըստ Աւենարիուսի | 117 |
| 46. Դէպի քաղաք | 90 | 64. Գարուն իրիկուն, ժողով. | 110 |
| 47. *Գառը մէր տալիս,
Վ. Միջարեան | 94 | 65. Ծաղիկների երեկոյթը . | 121 |
| 48. Զատիկ, ըստ Պոչեանի | 95 | 66. *Գիշեր, Դ. Դեմիրծեան | 124 |
| 49. *Գարուն առաւոտ, | 96 | 67. Արիասիրտ բանւորը . | 125 |
| 50. Ծին ու ապառաժը,
ըստ Վ. Փափազեանի | 97 | 68* Անբախտ վաճառականներ | 128 |
| 51. *Գութան | 99 | 69. Մայրը | 133 |
| 52. Ծոցանուկի, Յ. Աղաքար | 99 | 70.* Անձրէ, ըստ Լ. Մանուէլ. | 135 |
| 53. *Գոքրիկ երկրագ. ժողով. | 103 | 71. Սրտոտ տղան | 135 |
| 54. Մի կտրիճ | 104 | 72.* Կաղնին, Դ. Դեմիրծեան | 139 |
| 55. *Այ, սկ ամպեր,
Ա. Ժատուրեան | 107 | 73. Հանդիպում, Ռաֆֆի . . | 139 |
| 56. Կարկուտը, Կ. ՄԵլիք-Շահ-
նազարեան փոփոխած | 108 | 74. Դեղանիկն ու տատրա-
կը, Ա. Խնկոյեան | 142 |
| 57. *Ճանձը, Ա. Խնկոյեանի | 109 | 75. Հունձի, Յ. Աղաքար | 142 |
| 58. Բանտի պատուհանին,
ըստ Անդրսէնի | 110 | 76.* Հանգիստ, Պ. Սարբէ-
կնան, փոփոխած | 144 |
| | | 77.* Կալի երգը | 145 |
| | | 78. Փոկակապ Ակոփ ապէր,
Վ. Փափազեան, կրճատ | 146 |
| | | 79.* Կէս օրին | 153 |
| | | 80. Արջաորս | 153 |

Մեր հեղինակութիւնները, մեր կազմած յօդւածները, մեր թարգ-
մանութիւններն ու փոխադրութիւնները ստորագրութիւն չեն կրում:





[1n. 504.]



Zhang
504